

ରୋମୀୟମାନଙ୍କ ନିକଟକୁ ପାଉଲଙ୍କ ପତ୍ର **ରମିୟଇଂନେ ଡାଗ୍ରା ପାଉଲ୍‌ନେ** **ଉଲିଆଃ** **ରୋମୀୟ ବଇ ଉଲିଆଃ ବିସୟରେ** **ଉଡ଼ିକ୍ଲିଗ୍ ସାମୁଆଁ**

ରମିୟ ବଇ ପ୍ରେରିତ୍ ପାଉଲ୍ ବାନ୍ ତିଙ୍ଗ୍‌ଲେଃଏ ୫୪ ବାନ୍ ୫୮ କିଷ୍ଟାକ୍ ବିତ୍‌ରେ ଜିସୁ କିସ୍‌ଟ ଜନମ୍ ତିଙ୍ଗ୍‌କ୍ଲେ ଇଡ଼ିଙ୍ଗ୍ ଗୁଆର୍‌ବଗେ । ପାଉଲ୍ ରମ୍‌ନିଆ ଝେନେ ସେନୁଗ୍ ମ୍ବାୟା ଦଲ୍ ଜିଉଦି ବାରି ଅଣଜିଉଦି କିସ୍‌ଟାନ୍ ରେମୁଆଁଇଂକେ ଆଦେସ୍ ବିନ୍‌ସା ଆକେନ୍ ଉଲିଆ ଗୁଆର୍ ବଗେ । ଗୁଲେ ଜାତି ତିତିରକମ୍ ଜିସୁ କିସ୍‌ଟକେ ବିସ୍‌ବାସ୍ ତିଙ୍ଗ୍‌ମ୍ୟାଆର୍‌କେ ୧୬:୨୭ ଆଦେନ୍‌ସା ମେଁ କରିନ୍ତି ସହର୍‌ନିଆ ଲେଃକ୍ଲେବେଲା ରମିୟ କ୍ରିଷ୍ଟାନ୍‌ଇଂନେ ଆଦେସ୍ ବିନ୍‌ସା ଆକେନ୍ ଉଲିଆ ଗୁଆର୍‌ବଗେ ।

ସାପା ଜାଗାନ୍‌ନିଆ କାଲାଆଃ କିସ୍‌ଟାନ୍ ରେମୁଆଁଇଂ ଆଡ଼ଲା ରମିୟ ବଇ ମୁଇଂ ମୁଲ୍ ବଇ । ମେଁ ଡାଗ୍ରାଲ୍ ନେ ତିତିରକମ୍ ଜିସୁ କିସ୍‌ଟନେ ବାନ୍ ମୁକ୍ତି ନେବାଏ ପାଉଲ୍ ପୁରାପୁରି ନିମାଣ୍ଡା ବାବ୍‌ରେ ଆବୁଜେତିଙ୍ଗ୍‌କେ । ପାଉଲ୍ ବାଝିର୍‌ନେ ନିୟମ୍‌କେ ତିଗ୍ ଜିସୁ କିସ୍‌ଟନେ ବ୍ଲାଇର୍ ଏଡେ ଆମିସୁତିଙ୍ଗ୍‌କେ । ୧:୧୭ ବ୍ଲାଲିର୍‌କେ ତୁଙ୍ଗ୍‌ଝେତେ ଗୁଲେ ପଣ୍ଡିତ୍‌ଇଂ ମେଇଂମେଇଂ ବାଲିର୍‌ବାତାତେ ବାସଙ୍ଗ୍ ମ୍ୟାଃଆର୍‌କେ ଜେ ଆକେନ୍ ମ୍ବାଃ ମଜେନେ ଟିକା ରକମ୍ । ଜା ସାପା ଆକ୍‌ଅରିଆ ବାସଙ୍ଗ୍‌ତିଙ୍ଗ୍‌କେ “ନେଙ୍ଗ୍ ମାପୁରୁ ବ୍ଲାଇର୍ ସା ଗିଆସ୍ ତିଙ୍ଗ୍‌ନାତିଙ୍ଗ୍‌କେ ମେଃଡାଗ୍‌ଲା ଜାଣ୍ଡେଇଂ ବିସ୍‌ବାସ୍ ତିଙ୍ଗ୍‌ଆର୍‌ତିଙ୍ଗ୍‌କେ ସାପାରେ ଆଡ଼ଲା ଆକେନ୍ ଇସ୍‌ପର୍‌ନେ ବପୁ । ପର୍‌ତୁମ୍ ଜିଉଦି ଇଡ଼ିଙ୍ଗ୍ ଅଣଜିଉଦି ରେମୁଆଁଇଂ ନ୍‌ସା ତିଗ୍ ।”

ପର୍‌ତୁମ୍ ବଇ ୧:୧୭ ବାର୍‌ମୁଇଂ ବାଗ୍ ୧୩; ୧୫ କିସ୍‌ଟାନ୍ ରେମୁଆଁଇଂନେ ଜିବନ୍ ଗୁଲେ ବେବଆର୍ ତିଙ୍ଗ୍‌ବକ୍ଲେ ଆଦେସ୍

ଲେଖକେ ।

ସାସ୍ତ୍ର ବିତ୍ତେ ଲେଖକେ ସାମୁଆଁଇଂ

- ୧. ପାଉଲ୍ ସାଦାସିଦା ବାବରେ ନିଜକେ ଆଃସ୍ନାମୁଆଁରେ ଆଜାକେ ଉଲିଆ ଗୁଆର୍ ତିଙ୍ଗକେ ଆତେନ୍ ମେଁ ବାଲିରତେ ଉଲିଆ ଆରାମ୍ ତିଙ୍ଗମ୍ୟାକେ । ୧:୧-୧୫
- ୨. ରେମୁଆଁ ଜାତିନେ ରାଇଜ୍ ବାରି ଜିସୁ କିସ୍ତ ବାନ୍ ମୁକ୍ତି ବାନେ । ୧:୧୬; ୧୧:୩୭
- ୩. କିସ୍ତାନ୍ ରେମୁଆଁ ସୁଗୁଆ ବୁଆ ତିକେଃନସା ପାଉଲ୍‌ନେ ଗୁଲେ ବେବଆର୍ ତିଙ୍ଗବକ୍ଲେ ଆଦେସ୍ । ୧୨:୧; ୧୫:୧୩
- ୪. ମେଁ ରମିୟ ମଣ୍ଡଲିନେ ରେମୁଆଁଇଂକେ ସାର୍ଲ ଆଃମ୍ୟାରେ ଗୁଆର୍ ଆଃତାବକେ । ୧୬:୧-୨୭

୧ ଜିସୁ କିସ୍ତନେ ଦାସ ବାରି ଇସ୍ପରବାନ୍ ପାଙ୍ଗଲେଖକେ ନିମାଣ୍ଡା କବର୍ ବାସଙ୍ଗ ଅଲେଙ୍ଗନେସା ପ୍ରେରିଡ୍ ସିସ୍ ରକମ୍ ତିଙ୍ଗତେ ପାଙ୍ଗଲେଖକେ ପାଉଲ୍ ଉଲିଆ ।

୨ ଦର୍ମସାସ୍ତ୍ରନ୍ନିଆ ଗୁଆର୍ବକ୍ଲେ ଇସାବରେ ଆକେନ୍ ନିମାଣ୍ଡା କବର୍ ବିସୟରେ ଇସ୍ପର ଅସେବାନ୍ ମେଃନେ ବାବବାଦିଇଂନେ ବାନ୍ ବାଲିରବଗେ । ୩ ଆକ୍ଲେନେ ମୁଲ୍ ତିଙ୍ଗତିଙ୍ଗକେ; ଇସ୍ପରନେ ଉଙ୍ଗତେ ନେନେ ମାପରୁ ଜିସୁ କିସ୍ତ । ରେମୁଆଁ ରକମ୍ ମେଁ ଦାଉଦନେ ବସ୍‌କୁଲ୍ । ୪ ମାତର୍ ମେଁନେ ଆଡାତ୍ରା ପବିତ୍ରତା ଲେଖଗେସା ମେଁ ଇସ୍ପରନେ ଉଂଡେ ତାଗ୍‌ତେ ଆସୁଏକେ । ଗୁଏକ୍ଲେ ବାନ୍ ମେଁ ତଡିଆକ୍ଲେ ଆକେନ୍ ବାରି ମ୍ୟାଆରକେ । ୫ କିସ୍ତନେ ନସାଃ ଇସ୍ପର ଆନିଂକେ ପ୍ରେରିଡ୍ ସିସ୍ ରକମ୍ ସିତେଃ ସାପା ଜାତିନେ ରେମୁଆଁଇଂନେ ତାଗ୍ରା ବାସଙ୍ଗନେ ନସାଃ ସୁଜଗ୍ ବିଃବକେ, ତିରକମ୍ ମେଇଂ କିସ୍ତ ଯାଗୁନେ ତାଗ୍ରା ବିସ୍‌ବାସ୍ ତିଂରେଃ ମେଁନେ ସାମୁଆଁ ମାନେଃଆରଏ । ୬ ରମ୍‌ନେ ଆଦିବାସି ! ପେ ତିଗ୍ ଜିସୁ କିସ୍ତନେ ପ୍ଲା ଖେନ୍‌ସା ପାଙ୍ଗପେଲେଖକେ ।

୭ ମନେ ତିଙ୍ଗପା ରୋମ୍‌ନେ ମୁଡି ରେମୁଆଁଇଂକେ ଇସ୍ପର ବଲ୍ ବାଡିଙ୍ଗକେ ବାରି ମେଁନେ ନିଜର୍ ରେମୁଆଁ ତିଙ୍ଗନେସା ଖାବକେ । ଆତେନ୍ ସାପାରେକେ ନେଙ୍ଗ୍ ଆକେନ୍ ଉଲିଆ ଗୁଆର୍‌ଣ୍ଡିଙ୍ଗକେ ।

ନେନେ ଆବା ଇସ୍‌ପର ବାରି ମାପରୁ ଜିସୁ କିସ୍‌ଟ ଆପେକେ ଦୟା ବାରି ସାନ୍ତି ବିଲେ ।

ଦନ୍ୟବାଦ୍‌ନେ ପାର୍ତନା

୮ ପେ ଇସ୍‌ପରକେ ବିସ୍‌ବାସ୍‌ ତିଙ୍ଗ୍‌ପେମ୍ୟାକେ ଡାଗ୍‌ତେ ଦରତନିନ୍ନିଆ ସାପାରେ ମ୍ୟାଃଲେଆରକେ । ଆତେନ୍‌ସା ପେ ସାପାରେ ନ୍‌ସା ମାପରୁ ଜିସୁ କିସ୍‌ଟନେ ମ୍ପିରେ ନେଙ୍ଗ୍ ଇସ୍‌ପରକେ ଦନ୍ୟବାଦ୍ ବିଶ୍ଵିଙ୍ଗ୍ । ୯ ଆମ୍‌ନିନ୍ନିଆ ନେଙ୍ଗ୍ ମୁଡ୍‌ ଇସ୍‌ପରକେ ସେବା ତିଙ୍ଗ୍‌ଶ୍ଵିଙ୍ଗ୍‌କେ ବାରି ମୁଡ୍‌ ଇସ୍‌ପରନେ ଉଙ୍ଗ୍‌ତେନେ ବିସ୍‌ୟରେ ନିମାଣ୍ଡା ବ୍ଲାଲିର୍ ବାସଙ୍ଗ୍‌ଶ୍ଵିଙ୍ଗ୍‌କେ ଆତେନ୍ ଇସ୍‌ପର ନେଙ୍ଗ୍‌ନେ ସାକି । ନେଙ୍ଗ୍ ମେଃନେ ବାସଙ୍ଗ୍‌ଶ୍ଵିଙ୍ଗ୍‌କେ; ଆତେନ୍ ସଡ୍, ୧୦ ପାର୍ତନାନେ ବେଲା ନେଙ୍ଗ୍ କାଲାଆଃ ଆପେକେ ମନେ ଲ୍ଲାଗ୍‌ତିଙ୍ଗ୍‌କେ ବାରି ପେ ଡାଗ୍‌ରା ପାଙ୍ଗ୍‌ନେସା ଆନେଙ୍ଗ୍ ସୁଜଗ୍ ବିନ୍‌ସା ଇସ୍‌ପରଡାଗ୍‌ରା ନିବେଦନ ତିଙ୍ଗ୍‌ତେ ପାଙ୍ଗ୍‌ଲ୍ଲେଃକେ । ୧୧ ପେ ଡାଗ୍‌ରା ପାଙ୍ଗ୍‌ତେ ନେଙ୍ଗ୍ ବାଲ୍ଲେଃକେ ଆମ୍‌କି ଦାନ୍ ବିସ୍‌ୟରେ ଆପେକେ ଆଃମ୍ୟାନେ ବାନ୍ ପେନି ବିସ୍‌ବାସ୍‌କେ ଡାଗ୍ ଶ୍ଵାତିଙ୍ଗ୍‌ଏ ଆକେନ୍ ନେଙ୍ଗ୍‌ନେ ମୁଙ୍ଗ୍ ଇକ୍‌ଟା । ୧୨ ଆକେନ୍ ବାନ୍ ନେ ବିଡ୍‌ରେନେ ବିସ୍‌ବାସ୍‌କେ ଡାଗ୍ ଆତିଙ୍ଗ୍ ନେୟଏ ।

୧୩ ☆ବୟାଁ ତନାଇଁ ପେ ଡାଗ୍‌ରା ପାଙ୍ଗ୍‌ନେସା ନେଙ୍ଗ୍ ଗୁଲେତର୍ ରାଜି ତିଙ୍ଗ୍‌ମ୍‌ଗେ ମାତର୍ କାମ୍ ଲେଃଗେସା ଏଜାକ ପାଙ୍ଗ୍ ନ୍ନାୟାକେ ଶ୍ଵୁ । ବିନ୍‌ବିନ୍ ରାଜିନେ ଅଣଜିଉଦିଇଁନେ ବିଡ୍‌ରେ ବାସଙ୍ଗ୍ ଅଲେଙ୍ଗ୍‌ତେ ତିଡ୍‌ରକମ୍ କି ନିମାଣ୍ଡା ରୁ ବାଲ୍ଲେଃକେ ପେ ଏରିଆ ବିଡ୍‌ରେ ତିଗ୍ ଆତେନ୍ ତିଙ୍ଗ୍‌ନେସା ନେଙ୍ଗ୍‌ନେ ରାଜି ଲେଃକେ । ୧୪ ଡାଗ୍‌ଲା ଗ୍ରୀକ୍ କି ବିଦେସି ସିକିଡ୍ କି ଅସିକିଡ୍ ସାପାରେ ଡାଗ୍‌ରା ନେଙ୍ଗ୍ ରୁନ୍ ତିଙ୍ଗ୍‌ଲ୍ଲେଃକେ । ୧୫ ତେସା ରୋମ୍ ଅରିଆ ବାସା ପେଲେଃକେଶ୍ଵେ ଜେ ପେ ଡାଗ୍‌ରା ତିଗ୍ ନିମାଣ୍ଡାସାମୁଆଁ ବାସଙ୍ଗ୍ ଅଲେଙ୍ଗ୍‌ନେସା ନେଙ୍ଗ୍ ରାଜି ଲ୍ଲେଃକେ ।

ନିମାଣ୍ଡାସାମୁଆଁନେ ବପୁ

☆ ୧:୧୩ ୧:୧୩ ପ୍ରେରିଡ୍ ୧୯:୨୧.

୧୭ ✨ଆତେନ୍ ନିମାଣ୍ଡାସାମୁଆଁ ଆଡାଡା ନେଙ୍ଗନେ ପୁରାପୁରି ରାଜି ଲେଃକେ । ଆତେନ୍ ସିସେ ଜିଉଦି ବାରି ଇଡ଼ିଙ୍ଗ ଅଣଜିଉଦି ବିସ୍ବାସିଇଂନେ ଉଦାର ବାନେସା ଇସପରନେ ମ୍ବା ବପୁ ରକମ୍ । ୧୭ ରେମୁଆଁ ଇସପର ଡାଗରା ଡିଡିରକମ୍ ଦାରମିକ୍ ଆସୁଏ ଯାଆରଏ ଆକ୍ଳେନେ ଉପାୟ ଆଡ଼ଅରିଆ ଆନାବକେ । ମୁଲେବାନ୍ ସାରାସାରି ଜାକ ପରିତ୍ରାନ୍ ବାନେ ମୁଇଁ ମାତର ଉପାୟ ଡିଙ୍ଗଡ଼ିଂକେ ବିସ୍ବାସ, ସାସ୍ତରନେ ହାଲିର୍ ଇସାବରେ, “ଜାଣ୍ଡେ ବିସ୍ବାସ ଡିଙ୍ଗଡ଼େ ଇସପର ଡାଗରା ଦାରମିକ୍ ଆଃସୁଏଃଏ, ମେଁ ରୁଆଏ ।”

ରେମୁଆଁ ଜାତିନେ ପାପ

୧୮ ମୁଡ଼ି ପାପି ଦୁରାଚାରି ରେମୁଆଁଇଁ ନିଜେନେ ଦଦ୍ୟା ବେବଆର୍ ବାନ୍ ସଡ଼କେ ଆନ୍ତାର ବିମ୍ୟାକେ ମେଇଂନେ ବିରଦ୍ରେ କିତଂବାନ୍ ଇସପରନେ ଗିସେ ନ୍ବାଏ । ୧୯ ଇସପର ଆମେଇଂକେ ଡ଼ଣ୍ଡ ବିଏ ଡାଗଲା ଇସପରନେ ବିସୟରେ ଜା ସାପା ମ୍ୟାନେ ସାମୁଆଁ ମେଇଂ ଆତେନ୍ ମ୍ୟାଃଲେଆରକେ ଇସପର ନିଜେ ଆତେନ୍ ନିମାଣ୍ଡା ବାବରେ ବାସଙ୍ଗବକେ । ୨୦ ଇସପର ଦରତନିକେ ଆରେକ୍ଳେ ବେଲାବାନ୍ ମେଃନେ ଆନାକ୍ଳେ ଗୁନ୍‌ଗିଆନ୍‌ଇଁ ବା ମେଃନେ କାବା ରକମ୍‌ନେ କାମ୍ ସାପା ବାରି କାଲାଆଃ ଲେଃନେ ବପୁ ନିମାଣ୍ଡା ବାବରେ ମ୍ୟା ଲେଃଆରକେ ମେଁ ଆରେକ୍ଳେ ସାମୁଆଁଇଁ ଅରିଆ ଆତେନ୍ ବା ଯାଡ଼ିଙ୍ଗଏ । ତେସା ମେଇଂ ମ୍ୟା ଆଲେଃଆରକେ ଡାଗଡ଼େ ବାସଙ୍ଗ ଆୟାଆର୍ ଶୁ ୨୧ ✨ମେଇଂ ଇସପରନେ ପରିଚୟ ବାଚେ ଡିଗ୍ ଆମେଇଂକେ ସନ୍‌ମାନ୍ ଆବିଃଆରକେ କି ଆମେଇଂକେ ମେଃଡ଼ିଗ୍ ବିସୟ ସା ଦନ୍‌ବାଦ୍ ଆବିକେ ଶୁ । ମାତର ମେଇଂନେ ଚିନ୍ତା ସାପା ଜାବର୍ ବାରି ମେଇଂନେ ଆଲାଜୁ ମନ୍ ଡାଙ୍ଗକିଗ୍ ଅରିଆ ଲେଃକେ । ୨୨ ମେଇଂ ନିଜକେ ଜାନି ଡାଗଡ଼େ ଆସୁଏମ୍ୟାଃକେ ମାତର ସଡ଼ରେ ମେଇଂ ମୁରକ । ୨୩ କାଲାଆଃ ଇସପରକେ ପୁଜା ମାଡ଼ିଙ୍ଗଡ଼େ ମେଇଂ ନେଙ୍ଗନେ ରେମୁଆଁ ପସୁ ପ୍ଲିଗ୍ ବାରି ବୁବ ରକମ୍‌ନେ ମୁରଡ଼ି ଆରେଚେ ଆତେନ୍‌ଇଂକେ ପୁଜା ଡିଙ୍ଗଆରଡ଼ିଂକେ ।

✨ ୧:୧୭ ୧:୧୭ ମାରକ ୮:୩୮. ✨ ୧:୨୧ ୧:୨୧ ପିଲିପିୟ ୪:୧୭-୧୮.

୨୪ ତେସା ଇସ୍ପର୍ ଆମେଇଁକେ ଆନ୍ତାର ବିବକେ ବାରି ମେଇଁ ନିଜେ ନିଜେନେ ଗାଗ୍ଡେ ନ୍‌ସାଃ କାଲାଆଃ ଡିଡିଙ୍ଗ୍‌ନେ ସ୍ନେନ୍ନିଆ ଚାକ୍‌ଲାଣ୍ଡା ଲେଃଡିଙ୍ଗ୍‌ଆରକେ ମେଇଁ ମେଇଁମେଇଁ ଏତେ ଗିଆସ ରକମ୍‌ନେ ସମ୍‌କ ବମ୍ୟାଃଆରକେ । ୨୫ ମେଇଁ ଇସ୍ପର୍‌ନେ ବିସୟରେ ସଡ଼ ବାଦୁଲ୍‌ରେ ମିର୍ ସାମୁଆଁ ଦ୍ରିଗ୍ ଆରକେ ବାରି କାଲାଆଃ ପ୍ରସଂସା ବାନେ ଆରେବକ୍‌କ୍ ମାପ୍‌ରୁକେ ପାର୍‌ତନା ମାଡିଙ୍ଗ୍‌ରେ ମେଇଁ ଆରେ ବକ୍‌କ୍ ଜିନିସ୍‌ଇଁକେ ପୁଜା ଡିଙ୍ଗ୍‌ମ୍ୟାଆରକେ ।

୨୬ ମେଇଙ୍ଗ୍ ଗିଆସ ରକମ୍‌ନେ ପାପ୍ କାମ୍‌ରେ ଲାଗେଡିଆ ଲେଃଲା ଇସ୍ପର୍ ଆମେଇଁକେ ଆନ୍ତାର ବିବକେ ମେଇଁନେ କୁନ୍‌ଏଃଡେଇଁ ଏତେ ତୁଲେଗ୍ ଆନ୍ତାର୍‌ରେ ବିନ୍ ସେଲାମ୍‌ସୁ ଏତେ ତୁଲେଗ୍‌ରୁଏ କାମ୍ ସାପା ଡିଙ୍ଗ୍‌ଆରଡିଙ୍ଗ୍‌କେ । ୨୭ ଜିର୍‌ବଏଇଁ ଡିଗ୍ ନିଜର୍ କୁନେଃଡେ ଏତେ ମାଡୁଲେଗ୍‌ରେ ମେଇଁମେଇଁ ବିଡ଼ରେ ଦଦ୍ୟା କାମ୍‌ଅରିଆ ଲଃ ଡିଆରକେ, ଜିରେଇଁ ମେଇଁମେଇଁ ଏତେ ଦଦ୍ୟା କାମ୍ ଡିଙ୍ଗ୍‌ଆରଡିଙ୍ଗ୍‌କେ ବାରି ଇଡିଙ୍ଗ୍ ଦଦ୍ୟା କାମ୍ ନ୍‌ସା ଡ଼ଣ୍ ବାଆରଡିଙ୍ଗ୍‌କେ ।

୨୮ ଆକେନ୍ ରେମୁଆଁଇଁ ଇସ୍ପର୍‌ନେ ବିସୟରେ ଟିକ୍ ଦାର୍‌ନାରେ ବୁଆନ୍‌ସା ଇକ୍‌ଚା ଆଡିଙ୍ଗ୍‌ଲା ଇସ୍ପର୍ ଆମେଇଁକେ ଆନ୍ତାର ବିବକେ ବାରି ମେଇଁ ମ୍‌ୟାର୍‌ମନ୍ ଡିଙ୍ଗ୍‌ରେ ରେମୁଆଁ ରକମ୍ ବେବଆର୍ ଆଡିଙ୍ଗ୍‌ଆରକେ ଶୁ । ୨୯ ମେଇଁ ଦୁସ୍, ଦଦ୍ୟା, ଲବ୍‌ରା ବାରି ସରାଃ ଲେଃଆରକେ । ମେଇଁ ଗିସେ ଡିଆରକେ, ରେମୁଆଁ ବାଗୁଏରେ, ଝିଙ୍ଗ୍‌ଆଃରିଆଃକେ ବଲ୍ ବାଣ୍ଡେ, ମିଚୁଆ ବାରି ଦଦ୍ୟାରେ ଲେଃଆରକେ । ୩୦ ମେଇଁ ଇସ୍ପର୍ ଡାଗ୍‌ରା ଗୁରନା; ରିସା ଆକାର୍ ବାରି ବଡ଼ପନ୍; ଦଦ୍ୟା କାମ୍ ଡିଙ୍ଗ୍‌ନେ ବିନ୍‌ବିନ୍ ରକମ୍‌ନେ ଉପାୟ୍ ମେଇଁ ଡିମ୍ୟାଃଆରକେ; ମେଇଁ ଆବା ଇୟାଙ୍ଗ୍‌ନେ ସାମୁଆଁ ଦ୍ରିଗ୍ ଆମ୍ୟାଃଆରକେ ଶୁ । ୩୧ ବୁଦି ମାଲେଣ୍ଡେ ନିଜେନେ ମାନଡ଼ ଡିଙ୍ଗ୍‌ବକ୍‌କ୍ ରକ୍ୟା ଆଡିଙ୍ଗ୍‌ଆର ଶୁ । ବିନ୍‌ରେ ରକମ୍ ମେଇଁନେ ଲେଃଲା ଡିଗ୍ ଲିବିସଃ ଶୁ । ୩୨ ମେଇଁ ମ୍ୟା ଲେଃଆରକେ ଜେ ଇସ୍ପର୍‌ନେ ନିୟମ୍ ଇସାବ୍‌ରେ ଦେକ୍‌ରକମ୍ ରେମୁଆଁଇଁ ଗୁଏନେ ଡ଼ଣ୍ ବାନ୍‌ସା ଦର୍‌କାର୍ ଆକେନ୍ ମ୍ୟାଚେ ଡିଗ୍

ମେଇଁ ଦେହରକମ୍ ଦଦ୍ୟା କାମ୍ ତିଙ୍ଗମ୍ୟାଆରକେ ବାରି ଆତେନ୍ ତିଙ୍ଗମ୍ୟାକ୍ସେ ରେମୁଆଁଇଁକେ ଆମ୍ବେତ୍ୟା ମ୍ୟାଆରକେ ।

୨

ଇସ୍ପରନେ ନିଆୟ ବିଚାର

^୧ *ଅ ବୟାଁ ତନାଇଁ ଯେ ମୋଃନେ ବିନ୍ରେନେ ବିଚାର ତିଙ୍ଗପେତିଙ୍ଗ ? ଯେ ମୁଡ଼ି ରେମୁଆଁ ତିଙ୍ଗଲେଲା ତିଗ୍ ଆକେନ୍ ତିଙ୍ଗନେ ଯେ ଇସାବରେ ବଲ୍ ଶୁ । ବିନ୍ରେନେ ଦସ୍ ସାଚେ ଯେ ଜଦି ଆତେନ୍ ନିଜେ ତିଙ୍ଗପେତିଙ୍ଗ ଆଡ଼ବା ଯେ ନିଜେକେ ଦସି ଆତିଙ୍ଗପେତିଙ୍ଗ । ^୨ ନେ ମ୍ୟାଃନେଲେଃକେ, ଇସ୍ପର ଦେକରକମ୍ କାମ୍ ତିଂମ୍ୟାକ୍ସେ ରେମୁଆଁଇଁକେ ଚିକ୍ ବିଚାର ତିଙ୍ଗ୍ୟ । ^୩ ଅ ବୟାଁ ତନା ଆଣ୍ଡିନେ ଦଦ୍ୟା କାମ୍ ନ୍ୟା ଯେ ବିନ୍ରେକେ ଦସି ଆତିଙ୍ଗପେତିଙ୍ଗ ଆତେନ୍ ଜଦି ଯେ ନିଜେ ତିଙ୍ଗପେତିଙ୍ଗ ତେଲା ଯେ ଇସ୍ପରନେ ବିଚାର ଅରିଆ ତୁଆଁ ଯେୟା ଶୁ ତ୍ରାଗ୍ଟେ ମୋଃନେ ବାବେପେତିଙ୍ଗ ? ^୪ ତିଙ୍ଗ୍ୟ ତ ଯେ ଇସ୍ପରନେ ଗୁଲେ ଲିବିସଃ ବରକସ୍ ସାମ୍ବାଲେନେକେ ଅମାନି ତିଙ୍ଗପେତିଙ୍ଗ । ଯେ ସତେଆ ମ୍ୟାଃ ଯେଲେଃକେ ଜେ ଯେ ମନ୍ଅରିଆ ନେଗାନ୍ସା ଇସ୍ପର ଅଃକେନ୍ ଲିବିସଃ ତିଙ୍ଗବକେ । ^୫ ମାତର୍ ଯେନେ ଜିବନ୍ ତାଆଁ ବାରି ତାଟ୍ ରେମୁଆଁ । ତେସା ଜୁଗ୍ ତାନେ ଦିନା ବିଚାର ତିଙ୍ଗନେ ବେଲା ଯେ ଇସ୍ପରନେ ରିସା ତିଂନେବାନ୍ ଜବର୍ କସ୍ତନେ ଡ଼ଶ୍ ଯେବାଏ । ^୬ ତାଗଲା ଇସ୍ପର ସାପାରେକେ ମୋଃନେ ସ୍ତେ ଇସାବରେ ପୁରୁସକାର୍ ବିଏ । ^୭ ଉଡ଼ିରୁଆ ମଇମା ସନ୍ମାନ୍ ବାରି ଅଃନାତିଗ୍ ମାଗୁଏନେ ଜିବନ୍ ବାନେ ଆସାରେ ବରକସ୍ ଏତେ ସତ୍କାମ୍ ତିଙ୍ଗ୍ତେ ଝେତିଂଆରକେ ଆମେଇଁକେ ଇସ୍ପର ଅଃନା ମାତାନେ ଜିବନ୍ ବିଏ । ^୮ ବିନ୍ରେ ନିଜେ ଆକ୍ଲା ବାବେ ମ୍ୟାଆରକେ ସତ୍ ଗାଲିକେ ଆନ୍ତାର୍ତ୍ତେ ଦଦ୍ୟା ଗାଲି ଝେମ୍ୟାଆରକେ । ମେଇଁ ଆଡ଼ାତ୍ରା ଇସ୍ପରନେ ରିସା ବଏଙ୍ଗାର୍ ତିଙ୍ଗ୍ୟ । ^୯ ପରତୁମ୍ ଜିଉଦି ଆରି ଗ୍ରୀକ୍ ସାପାରେ ଦଦ୍ୟା କାମ୍ ତିଂନେ ରେମୁଆଁନେ ପାରାନ୍ ଆଡ଼ାତ୍ରା ଦୁକ୍ ଆରି କସ୍ତ ଗଟେଏ । ^{୧୦} ମାତର୍ ଜାଣ୍ଡେଇଁ ସତ୍କାମ୍ ତିଙ୍ଗଲେଃଆରଏ ମେଇଁ ଜିଉଦି

☆ ୨:୧ ୨:୧ ମାତିଉ ୭:୧; ଲୁକ୍ ୭:୩୭.

ଡିଙ୍ଗଲେ ଅଣଜିଉଦିଇଁ ଡିଙ୍ଗଲେ ଆମେଇଁକେ ଇସ୍ପର ସନ୍ମାନ ମଇଲା ବାରି ସାନ୍ତି ବିଏ । ୧୧ ତାଗ୍ଲା ଇସ୍ପର ମୁଇଁ କିଜିଗୁଣ୍ଡୁଆ ସମାନ୍ ବାବ୍ରେ ସାପାରେନେ ବିଚାର ଡିଙ୍ଗଏ ।

୧୨ ଅଣଜିଉଦିଇଁ ମୋଶା ଗୁଆର ବକ୍ଲେ ନିୟମ୍ ବା ଆଲେ ଆରଗେ । ନିୟମ୍ ମାବାତେ ପାପ୍ ଡିଙ୍ଗଆରକେ । ମେଇଁ ନିୟମ୍ ମାଲେଃକ୍ତା ନସ୍ ଡିଙ୍ଗ ଆରଏ । ବିନ୍ ପାକା ଜିଉଦିଇଁ ନିୟମ୍ ମ୍ୟାଃଲେଆରଗେ ଏଲେଡିଗ୍ ମେଇଁ ପାପ୍ ଡିଙ୍ଗ ଆରକେ ଆତେନ୍ ନିୟମ୍ ଇସାବ୍ରେ ମେଇଁ ତଣ୍ଡ ବାଆରଏ । ୧୩ ମାତର୍ କେବଲ୍ ନିୟମ୍ ଦ୍ରିଗନେ ବାନ୍ ରେମୁଆଁ ଇସ୍ପରନେ ସାମ୍ନାରେ ଦାର୍ମିକ୍ ଆସୁଏ ଆୟାଆର୍ ଶୁମାତର୍ ନିୟମ୍ ପାଲେନେ ବାନ୍ ଦାର୍ମିକ୍ ଆସୁଏ ଆରଏ । ୧୪ ଅଣଜିଉଦିଇଁନେ ନିୟମ୍ ଶୁମାତର୍ ଜଦି ମେଇଁନେ ନିଜର୍ ଇକ୍ତାରେ ନିୟମ୍ନେ ନିତି ନିୟମ୍ ପାଲେ ମ୍ୟାଃ ଆରକେ ଆତେନ୍ନିଆ ମେଇଁନେ ନିୟମ୍ ରକମ୍ । ୧୫ ମେଇଁନେ କାମଦାମ୍କେ କେତେ ସଡ୍ ଜାନାପଡେଡିଁକେ ଜେ ନିୟମ୍ନେ ନିୟମ୍ ସାପା ମେଇଁନେ ଉଦେନ୍ନିଆ ଗୁଆରତେ ବଆରକେ । ଆକେନ୍ ସାମୁଆନେ ସଡ୍ ମେଇଁନେ ବୁଦିବାନ୍ ଡିଗ୍ ପାରାମାନ୍ ଡିଙ୍ଗବ ଆରକେ ସଡ୍ ଚିନ୍ତା ଡିଙ୍ଗନେ ବେଲା ବୁଦି ଆମେଇଁକେ ସାଇଜ୍ୟ ଡିଙ୍ଗମ୍ୟାଃକେ ଅସଡ୍ ଚିନ୍ତା କେଲା ଦସ୍ ସା ମ୍ୟାଃକେ । ୧୬ ମୁଡି ଦିନା ଇସ୍ପର ଜିସୁ କିସଟବାନ୍ ରେମୁଆଁନେ ବୁଡିଲେଃକ୍ଲେ ବିସୟ୍ ଆଣ୍ଡେଙ୍ଗ୍ ବିଚାର ଡିଙ୍ଗଏ ଆତେନ୍ ଦିନା ନେଙ୍ଗ୍ ବାସଙ୍ଗ୍ ଅଲେଙ୍ଗ୍ ଶୁଙ୍ଗେଙ୍ଗ୍ ବ୍ଲାଲିର୍ ଇସାବ୍ରେ ଆକେନ୍ ସାପା ଗଟେଏ ।

ଜିଉଦି ଆରି ନିଅମ୍

୧୭ ଯେ ନିଜେକେ ଜିଉଦି ତାଗ୍ତେ ବାସଙ୍ଗ୍ ଯେଡିଙ୍ଗ୍ ନିୟମ୍ ଆଡାଡା ଆସା ବତେ ବାରି ଇସ୍ପର ଏତେ ନିଜେନେ ସମ୍ପିକ୍ରେ ତୁଂଖେତେ ଗର୍ବ ଡିଙ୍ଗପେଡିଙ୍ଗ୍; ୧୮ ଯେ ଆଡ୍ଲା ଇସ୍ପରନେ ମେଃନେ ଇକ୍ତା ଆତେନ୍ ମ୍ୟାଃପେଲେଃକେ ବାରି ନିୟମ୍ବାନ୍ ସଡ୍ ବାରି ସଡ୍ ଶୁବୁନ ଗିଆନ୍ ବାପେଲେଃକେ: ୧୯ ସଡ୍ରେ ଯେ ମ୍ୟାଃପେଲେଃକେ, ଜେ ଯେ କାନାରେକେ ଗାଲି ଆସୁଏଣ୍ଡେ ତାଙ୍ଗକିଗ୍ନିଆ ଲେଃଡିଙ୍ଗ୍ରେ ରେମୁଆଁଇଁ ଆଡ୍ଲା ତାରକିଗ୍ ରକମ୍ । ୨୦ ମୁରକ ରେମୁଆଁଇଁକେ ବଲ୍ ସାମୁଆଁ ବାସଙ୍ଗ୍ମ୍ୟାଃକେ ଗିଆନ୍

ଶୁଭେନ ରେମୁଆଁଙ୍କେ ଆଃସିକେନେ ଗୁରୁ ଡିଙ୍ଗପେଲେଃକେ ।
 ପେନେ ବିସବାସ୍ ଜେ ନିୟମବାନ୍ ପେ ପୁରାପୁରି ସଡ଼ ବାରି ଗିଆନ୍
 ବା ପେଲେଃକେ । ୨୧ ପେ ବିନ୍ରେକେ ବୁଦି ବିପେଡିଙ୍ଗ୍ ମାତର୍ ନିଜେ
 ମେଁସା ବୁଦି ବା ପେଡିଙ୍ଗ୍ କେ ? “ଆଡଙ୍ଗାଗେ” ଡାଗ୍ରେ ବୁଦି ବିଚେ
 ନିଜେ ଡଙ୍ଗା ପେଡିଙ୍ଗ୍ କେ କି ? ୨୨ “ଅଡାରେଗ୍ ଆଡିଙ୍ଗାଗେପା”
 ଡାଗ୍ରେ ବାସଙ୍ଗରେ ନିଜେ ଅଡାରେଗ୍ ଡିଙ୍ଗପେଡିଙ୍ଗ୍ କେ କି ? ପେ
 ମୁରଡି ପୁଜାକେ ଗୁରୁନା ଡିଙ୍ଗରେ ମନ୍ଦିର ବିଡ଼ରେ ଲେଃକେ ଜିନିସକେ
 ଡଙ୍ଗା ପେଡିଙ୍ଗ୍ କେ କି ? ୨୩ ପେ ଇସପରନେ ନିୟମ୍ ବାପେଲେଃକେ
 ଡାଗ୍ରେ ଗରବ ଡିଙ୍ଗପେଡିଙ୍ଗ୍ ମାତର୍ ଆମେକେ ଅମାନ୍ୟ ଡିଙ୍ଗରେ
 ଇସପରକେ ନିୟା ଆଡିଙ୍ଗପେଡିଙ୍ଗ୍ କେ କି ? ୨୪ ସାସୁରନ୍ନିଆ
 ଗୁଆରବକେ “ପେନ୍ସା ଅଣଜିଉଦି ରେମୁଆଁଙ୍କ ବିଡ଼ରେ ଇସପର୍
 ନିୟା ବାଡିଙ୍ଗକେ ।”

୨୫ ଜଦି ନିୟମ୍ ପାଲେ ପେଡିଂକେ, ପେନେ ପବିତ୍ର ନିୟମ୍ନେ
 ମୂଲ୍ୟ ଲେଃକେ । ମାତର୍ ଜଦି ନିୟମ୍ ପେମାନେଃ ଶୁ ପେ
 ପବିତ୍ର ଡିଙ୍ଗଆଲେକ୍ସେ ରେମୁଆଁଙ୍କ ଏଡେ ସମାନ୍ । ୨୬ ଜଦି
 ପବିତ୍ର ଡିଙ୍ଗଆଲେକ୍ସେ ମୁଇଁ ଅଣଜିଉଦି ନିୟମ୍ନେ ନିୟମ୍ ସାପା
 ପାଲନ୍ ଡିଙ୍ଗଲେଃସ ଇସପର୍ ଆମେକେ ପବିତ୍ର ଡାଗ୍ରେ ଗ୍ରଅନ୍
 ଆଡିଙ୍ଗ କି ? ୨୭ ତେସା ଗାଗ୍ଡେନ୍ନିଆ ପବିତ୍ର ଡିଙ୍ଗ ଆଲେକ୍ସେ
 ମୁଡି ଅଣଜିଉଦି ରେମୁଆଁଙ୍କ ନିୟମ୍ ପାଲନ୍ ଡିଙ୍ଗମ୍ୟାଃକେ ମେଇଁ
 ପେନି ବିଚାର ଡିଙ୍ଗଆରସ ଡାଗ୍ଲା ପେ ଗାଗ୍ଡେନ୍ନିଆ ପବିତ୍ର
 ଡିଙ୍ଗରେ ନିୟମ୍ ବାଲେଃଲା ଡିଗ୍ ଆଡେନ୍ ଅମାନ୍ୟ ଡିଙ୍ଗପେଡିଙ୍ଗ୍
 । ୨୮ ମାତର୍ ଗାଗ୍ଡେ ଆଡାତ୍ରା ପବିତ୍ର ଡିଙ୍ଗରେ ଜିଉଦି ଡାଗ୍ରେ
 ଆଃସ୍ମାମୁଆଃମ୍ୟାକ୍ସେ ରେମୁଆଁ ସଡ଼ରେ ମେଁ ଜିଉଦି ଶୁ । ୨୯ ଜା ମନ୍
 ବିଡ଼ରେ ଜିଉଦି ମେଁ ଡିଙ୍ଗଡିଙ୍ଗକେ ସଡ଼ରେ ଜିଉଦି । ବାରି ଗୁଆରଚେ
 ଶୁ ମାତର୍ ସଡ଼ ବାବ୍ରେ ଗରବେ ବିଡ଼ରେ ଜାଶ୍ଟେ ପବିତ୍ର ଆଡେନ୍
 ସଡ଼ରେ ପବିତ୍ର । ଦେକରକମ୍ ରେମୁଆଁ ରେମୁଆଁଙ୍କନେ ଡାଗ୍ରାବାନ୍
 ପ୍ରସଂସା ଆବା ଆର ଶୁ ମାତର୍ ଇସପରନେବାନ୍ ବାଏ ।

୩

୧ ତେଲା ଅଣଜିଉଦି ରେମୁଆଁଙ୍କନେ ବାନ୍ ଜିଉଦି ରେମୁଆଁଙ୍କନେ
 ଅଦିକ୍ ସୁବିଦା ମେଃନେ ? ପବିତ୍ର ନିୟମ୍ନେ ବା ଉପକାର ମେଃନେ

? ୨ ଗୁଲେ ଏତେ ଲେଖକେ । ପରତୁମ୍ ଇସ୍‌ପର ମେଠନେ ହ୍ମାଲିରନେ ଦାଈଡ଼ ଜିଉଦି ରେମୁଆଁଇଁନେ ଆଡ଼ାଡ଼ା ବିବକେ । ୩ ଏଲେଡିଗ୍ ଉଡ଼ିରୁଆ ଅବିସବାସ୍ ତିଙ୍ଗିଆରକେ । ମାତର୍ ଆତେନ୍ ତାଗ୍‌ତେ ମେଠନେ ଇସ୍‌ପରନେ ବିସବାସ୍ ସରା ତିଙ୍ଗିଏ ? ୪ ଅଝନାଡିଗ୍ ଶ୍ଟୁ । ରେମୁଆଁଇଁ ସାପାରେ ମିର୍ ବାସଙ୍ଗା ତିଗ୍ ଇସ୍‌ପର ସଡ଼ । ସାସ୍ତରନ୍ନିଆ ଗୁଆରବକେ:

“ନା ହ୍ମାଲିରନ୍ନିଆ ଦାରମିକ୍ ତାଗ୍‌ତେ ମ୍ୟାଃଆରଏ
 ବାରି ବିଚାର୍ ତିଙ୍ଗିନେ ବେଲା ପେଜିତେଏ ।”

* ଆକ୍‌ଅରିଆ ମୁଇଁ ପ୍ରସନ୍ ତିଙ୍ଗିଏ ଜେ “ଜଦି ନେ ଅଦାରମିକ୍ ଇସ୍‌ପର ଦାରମିକ୍ ପାରମାନ୍ ତିଙ୍ଗିଏ ତେଲା ଇସ୍‌ପର ଆନେକେ ଡଣ୍ଡ ବିଚେ ଅନ୍ୟାୟ୍ ତିଙ୍ଗିଆରତିଙ୍ଗିକେ ତାଗ୍‌ତେ ବାସଙ୍ଗା ତିଙ୍ଗି କି ? ୬ ଅଝନା ଶ୍ଟୁ ଇସ୍‌ପର ଜଦି ନ୍ୟାୟ୍‌ବାନ୍ ଶ୍ଟୁ ଚୁମ୍ ତିରକମ୍ ମଞ୍ଚୁପୁରନେ ନ୍ୟାୟ୍ ବିଚାର୍ ତିଙ୍ଗିଏ ?”

୭ ମାତର୍ ଜଦି ନେଙ୍ଗିନେ ମିର୍ ବାନ୍ ଇସ୍‌ପରନେ ସଡ଼ ଜାବର୍ ନିମାଣ୍ଡା ବାବରେ ନ୍ଦାଏ ତିଙ୍ଗିକେ ବାରି ମେଁ ଗୌରବ୍ ବା ତିଙ୍ଗିକେ ତେଲା ନେଙ୍ଗ୍ ପାପି ତାଗ୍‌ତେ ମେଁସା ଡଣ୍ଡ ମ୍ଦାଏ ? ୮ ନେ ମେଠନ୍‌ସା ନେବାସଙ୍ଗିଏ, “ଏଲାପା ଦଦ୍ୟା କାମ୍ ନେଡିଙ୍ଗିପା, ଆଡ଼ବା ନିମାଣ୍ଡା ରୁଚୁ ମିଲେଏ ?” ନେଙ୍ଗ୍ ଟିକ୍ ଦେକରକମ୍ ସାମୁଆଁ ବାସଙ୍ଗିଣ୍ଡିକେ ତାଗ୍‌ତେ ବାଲିରଚେ ଉଡ଼ିରୁଆ ଆନେଙ୍ଗ୍ ନିନ୍ଦା ଆଡିଙ୍ଗିଆରତିଙ୍ଗିକେ । ମେଇଁ ଆତେନ୍‌ସା ଆଣ୍ଡିନେ ଡଣ୍ଡ ବାନେ ଦରକାର୍ ତିଲାଡିଗ୍ ବାଆରଏ ।

ଜାତିଗ୍ ଦରମ୍‌ଶ୍ଟ୍ରେ ଶ୍ଟୁ

୯ ତେଲା ମେଁନେ ଜିଉଦିଇଁନେ ଅବସ୍ତା ଅଣଜିଉଦି ରେମୁଆଁଇଁନେ ବାନ୍ ଜାବର୍ ବଲ୍ କି ? ବିଲ୍‌କୁଲ୍ ଶ୍ଟୁ ନେଙ୍ଗ୍ ସିସେବାନ୍ ବାଲିରଚେ ପାଙ୍ଗିଣ୍ଡିକେ ଜେ ମେଇଙ୍ଗ୍ ମ୍ଦାର୍ ଦଲ୍‌ଜାକ ଜିଉଦି ବାରି ଅଣଜିଉଦି ପାପରେ ଲେଃଆରକେ । ୧୦ ସାସ୍ତରନ୍ନିଆ ଗୁଆର ବକେ:

“ଦାରମିକ୍ ଜାତିଗ୍ ଶ୍ଟୁ ମୁଇଁଜା ତିଗ୍ ଶ୍ଟୁ

୧୧ ମୁଇଁଜା ତିଗ୍ ଖାନି ରେମୁଆଁଇଁ ଶ୍ଟୁ ବାରି

ଇସ୍‌ପରକେ ତୁତୁରଶ୍ଟ୍ରେ ମୁଇଁଜା ତିଗ୍ ଶ୍ଟୁ

୧୨ ମେଇଁ ସାପାରେ ଇସ୍‌ପରବାନ୍ ସ୍ମୁ ଖେଲେଃଆରକେ:

ସାପାରେ ନସ୍ତୁ ତିଂଖେଲେଆରକେ ।
ମୁଇଂଜା ତିଗ୍ ସତ୍ କାମ୍ ତିଂଆତିଂଆରକେ ।

୧୩ ମେଇଂନେ ବ୍ଲାଲିର୍ନିଆ ରଃଲେଃକେ ରାଃଚ୍ୟା ସୁଗୁଆ
ମେଇଂ ନିଜେ ନିଜେନେ ତୁମୁଆଃବାନ୍ ନାଲେ ସାମୁଆଁ ଶ୍ରିଆ
ରକମ୍ ତାର୍ତିଂକେ
ମେଇଂନେ ତୁମୁଆଃ ଆଲ ମାଃଲାଃ ବୁବଃନେ ବିସ୍ ରକମ୍ ।

୧୪ ମେଇଂନେ ସାମୁଆଁଃ କୁଟ୍ ବାରି ଅବିସାପ୍ ବ୍ଲାଲିର୍ ନ୍ଲେଃକେ

୧୫ ମେଇଂ ବଗ୍ନେ ବାରି ବାଗୁଏଃ ନ୍ସା ତରକ୍ ତିଙ୍ଗ୍ଲେଃମ୍ୟାଆରକେ

୧୬ ମେଇଂ ଆଶ୍ରିପାକା ଖେଆର୍ଏ ଆଡ୍‌ଅରିଆ ବିନାସ୍ ବାରି
କସ୍ଟ ପାଙ୍ଗ୍ଏ ।

୧୭ ସାନ୍ତିନେ ଗାଲି ମେଇଂ ଆମ୍ୟାଆରକେ ଶ୍ରି

୧୮ କି ଇସ୍ପରକେ ମେଇଂ ଇକୁଡା ତିଗ୍ ବୁଟ୍ ଆଡ୍‌ିଙ୍ଗ୍ ଆରକେ
ଶ୍ରି”

୧୯ ନେ ମ୍ୟା ନେଲେଃକେ ଜାଣ୍ଡେଇଂ ନିୟମ୍ ବିତ୍ରେ ଲେଃଆରକେ
ମେଁନେ ସାପା ନିୟମ୍ ମେଇଂ ପାଲନ୍ ତିଙ୍ଗ୍ନେ ବାଦ୍ୟ । ଇସ୍ପର୍
ଉଡ୍‌ିବେଲା ସାପା ମଞ୍ଚୁପୁରନେ ବିଚାର୍ ତିଙ୍ଗ୍ଏ ନିୟମ୍ ମାମାନେତେ
ଲେଃଆରକେ ରେମୁଆଁଇଙ୍ଗ୍ ମେଃଡିଗ୍ ବାଆନା ଆସୁଏତେ ନିଜେକେ
ଦସ୍ ଶ୍ରି ତାଗ୍‌ତେ ବାସଙ୍ଗ୍ ଆୟାଆର୍ ଶ୍ରି । ୨୦ ମାତର୍ ନିୟମ୍‌ରେ
କାମ୍‌ଦାମ୍‌କେ ସେବା ତିଂଚେ ଜାତିଗ୍ ଇସ୍ପର୍‌ନେ ସେଃମ୍ ଦରମ୍
ଆସୁଏ ଆୟାଆର୍ ଶ୍ରି । ନିୟମ୍ ବାନ୍ ରେମୁଆଁ ପାପ୍‌ବାନ୍ ତଣ୍ଡ ବାଏ
।

ଦରମ୍ ଆସୁଏନେ ଉପାୟ

୨୧ ଇସ୍ପର୍ ମେଁ ଏତେ ରେମୁଆଁନେ ସମ୍ପରକ ଆଃସୁଏ ନ୍ସା ନିୟମ୍
ଆନ୍ତାର୍‌ତେ ମେଁ ତିଙ୍ଗ୍‌ବକେ ଆଡେନ୍ ଏବେ ନ୍ଲେଃକେ । ଆକେନ୍
ବିସ୍‌ୟରେ ଅଃସେବାନ୍ ଆଃ ମସାନେ ନିୟମ୍ ବାରି ବାବବାଦିଇଂନେ
ଦର୍ମସାସ୍ତର୍ ସାକି ବିବଆରକେ । ୨୨ ମାତର୍ ଜିସୁ କିସ୍ଟ ତାଗରା
ବିସ୍‌ବାସ୍ ତିଙ୍ଗ୍‌ନେବାନ୍ ରେମୁଆଁଇଂ ଇସ୍ପର୍‌ନେ ସେଃମ୍ ଦାର୍‌ମିକ୍
ତିଙ୍ଗ୍‌ନେଲେଃକେ । ଇସ୍ପର୍ ଆଜାକେ ତିଗ୍ ତାଆଁ ମ୍ମା ମାବାବେତେ
କିସ୍ଟ ତାଗରା ବିସ୍‌ବାସ୍ ତିଙ୍ଗ୍‌ମ୍ୟାକେ ସାପାରେକେ ଆକେନ୍ ସୁଜଗ୍

ବିବକେ । ୨୩ ସାପାରେ ପାପ୍ ତିଜ୍ଞବ ଆରକେ ବାରି ଇସ୍ପରନେ ମଇମାବାନ୍ ରୁଆ ଲେଃଆରକେ । ୨୪ ମାତର୍ ଇସ୍ପର୍ କିସ୍ତ ଜିସୁନେବାନ୍ ବିନା ମୁଲ୍ୟରେ ଅନୁଗ୍ରଅ ଦାନ୍ ବିବକେ ଆତେନ୍ ଜା ବାଲେଃଆରକେ ଆମେଇଂକେ ମାପରୁ ଜିସୁ ପରିତ୍ରାନ୍ ବିଏ ବାରି ମେଇଂ ଇସ୍ପର୍ ତାଗ୍ରା ଦାମ୍ କି ତିଜ୍ଞଆର୍ଏ । ୨୫ ଇସ୍ପର୍ ଜିସୁକେ ଦାନ୍ ବିକେ ତିରକମ୍ ମେଁ ଗୁଗୁଏନେ ମେଁ ତାଗ୍ରା ବିସ୍ବାସ୍ ତିଜ୍ଞମ୍ୟାକ୍ଠେ ରେମୁଆଁଇଂନେ ପାପ୍ କେମା ବା ଯାଆର୍ଏ । ଇସ୍ପର୍ ନିଜେ ତିଜ୍ଞବକ୍ଠେ ଦାମ୍ କି ସାମୁଆଁ ଆନାନ୍ସା ଆକେନ୍ ତିଜ୍ଞକେ । ଇସ୍ପର୍ ଲିବିସ୍ ତିଜ୍ଞଚେ ରେମୁଆଁଇଂ ସିସେ ତିଜ୍ଞବକ୍ଠେ ପାପ୍କେ ଆସାକେ ଶୁ । ୨୬ ମାତର୍ ଏବେ ମେଁ ନିଜେନେ ଦାର୍ମିକ୍ ସାମୁଆଁ ଆନାନ୍ସା ପାପ୍ କେମା ବାନ୍ ନିୟମ୍ ଆତିଜ୍ଞବକେ । ଆତେନ୍ସା ଇସ୍ପର୍ ବାସକ୍ଠେ ବିବକେ ଜେ ମେଁ ନିଜେ ଦାର୍ମିକ୍ ବାରି ଜାଣେଇଂ ଜିସୁ ତାଗ୍ରା ବିସ୍ବାସ୍ ତିଜ୍ଞଆର୍ଏ ମେଁ ସାପାରେକେ ଦାର୍ମିକ୍ଠେ ତାଗ୍ରଚେ ଗ୍ରଅନ୍ ତିଜ୍ଞଏ ।

୨୭ ତେଲା ଆଣ୍ଡିନ୍ ବିସୟରେ ନେ ଗର୍ବ ନେତିଜ୍ଞଏ ? ଶୁ ଦେଡରକମ୍ ବିସୟ ମେଃଡିଗ୍ ଶୁ । ଗର୍ବ ଆସୁଏନ୍ସା ନେନେ ମେଃ ତିଗ୍ କାରନ୍ ଲେଃଏ ? ମେଁନେ ନିୟମ୍ ପୁରାପୁରି ବାବରେ ପାଲେ ପେତିଜ୍ଞକେ ତାଗ୍ରଚେ ? ଲେଃ, ମୁଇଂ ବିସ୍ବାସ୍ ଆଃ ନେଃ ଗର୍ବ ତିଜ୍ଞନେ କାରନ୍ । ୨୮ ନେ ସତ୍ରେ ବୁଜେ ଯାନେତିଜ୍ଞକେ ଜେ, ମୁଇଜା ମୁଇଂ ମେଁନେ ବିସ୍ବାସ୍ରେ ଇସ୍ପର୍ ସାମନା ଦାର୍ମିକ୍ ତାଗ୍ରଚେ ଆସୁଏ ଯାଏ, ମାତର୍ ନିୟମ୍ ପାଲେନେ ବାନ୍ ଶୁ । ୨୯ ଇସ୍ପର୍ ମେଃନେ ଜିଉଦିଇଂନେ ଆଃ ଇସ୍ପର୍ ? ମେଁ ମେଃନେ ଅଣଜିଉଦି ରେମୁଆଁଇଂନେ ତିଗ୍ ଇସ୍ପର୍ ଶୁ କି ? ମେଁ ସର୍ତେରେନେ ଇସ୍ପର୍ । ୩୦ ଇସ୍ପର୍ ମୁଇଂ । ଜିଉଦି ବାରି ଅଣଜିଉଦି ରେମୁଆଁଇଂନେ ବିସ୍ବାସ୍ ଲେଃଗେସା ମେଁ ଆମେଇଂକେ ଦାର୍ମିକ୍ ତାଗ୍ରଚେ ଗ୍ରଅନ୍ ତିଜ୍ଞଏ । ୩୧ ଆକ୍ଠେନେ ଅର୍ତ ମେଃଏରେ, ନେ ବିସ୍ବାସ୍ ଏତେ ନିୟମ୍କେ ଦଂସ ଆତିଜ୍ଞନେସା ଝେନେତିଜ୍ଞକେ ? ଅଃନା ଶୁ । ବିସ୍ବାସ୍ରେ ନେ ନିୟମ୍ନେ ବୁଦ୍ଠକେ ତାଗ୍ର ଆତିଜ୍ଞନେତିଜ୍ଞକେ ।

୪

ଅବୁହାମ୍‌ନେ ଗୁନ୍‌ଗିଆନ୍

^୧ ଦେହରକମ୍ ଗାଗଡ଼େ ଇସାବ୍‌ରେ ନେନେ ଛା ଞାଃ ଅବୁହାମ୍‌ନେ ମେଃନେ ବାଲେଃକେ ତାଗ୍‌ରେ ନେ ନେବାସଙ୍‌ଏ ? ^୨ ତାଗ୍‌ଲ୍‌ ଅବୁହାମ୍‌ନେ ଜଦି ମେଁନେ ନିଜେନେ କାମ୍‌ ତିଙ୍‌କ୍‌କ୍‌ ବାନ୍ ମେଁ ଇସ୍‌ପର୍‌ ସାମ୍‌ନା ଦାର୍‌ମିକ୍‌ ତାଗ୍‌ରେ ପାରାସୁଏ ତେଲା ଗର୍‌ବ ତିଙ୍‌କ୍‌ନେସା ମେଃନେ କାରନ୍ ଲେଃଗେ । ମାତର୍‌ ଇସ୍‌ପର୍‌ନେ ସାମ୍‌ନେ ଆତେନ୍ ତିଙ୍‌ ଆଲେଗେ । ^୩ ✨ସାସୁର୍‌ ଇସାବ୍‌ରେ “ଅବୁହାମ୍‌ ଇସ୍‌ପର୍‌ ତାଗ୍‌ରା ବିସ୍‌ବାସ୍‌ ତିଙ୍‌କ୍‌କେ ବାରି ଆକେନ୍ ବିସ୍‌ବାସ୍‌ ବାନ୍ ଇସ୍‌ପର୍‌ ଆମେକେ ଦାର୍‌ମିକ୍‌ ତାଗ୍‌ରେ ଗ୍ରାଅନ୍ ତିଙ୍‌କେ ।” ^୪ ଜା ସ୍ଳେଏ ମେଁ ତିଲାତିଗ୍‌ ଆଜ୍‌ରି ବାଏ । ମେଁ ଜାବାନ୍ ବା ସରା ଦାନ୍ ରକମ୍‌ ଆବା ଶୁ । ^୫ ମାତର୍‌ ଜା ନିଜର୍‌ ଆଡ଼ାତ୍ରା ବିସ୍‌ବାସ୍‌ ମାବରେ ଇସ୍‌ପର୍‌ ତାଗ୍‌ରା ବିସ୍‌ବାସ୍‌ ବଏ ମେଁନେ ବିସ୍‌ବାସ୍‌ ନସା ଅପରାଦିକେ ଦସ୍‌ ତିଙ୍‌ବକ୍‌କେବାନ୍ ଆନ୍ତାରିତିଙ୍‌କ୍‌କେ ଇସ୍‌ପର୍‌ ଆମେକେ ଦାର୍‌ମିକ୍‌ ତାଗ୍‌ରେ ଗ୍ରାଅନ୍ ତିଙ୍‌କେ । ^୬ ମୁଡ୍‌ି ରେମୁଆଁନେ ସ୍ଳେଗ୍‌ାର୍‌ ଆଡ଼ାତ୍ରା ମାକେରେ ଇସ୍‌ପର୍‌ ଆମେକେ ଦାର୍‌ମିକ୍‌ ତାଗ୍‌ରେ ଗ୍ରାଅନ୍ ତିଙ୍‌କେ ଆମେକେ ପ୍ରସଂଶା ତିଙ୍‌କେ ଦାଉଦ୍‌ ବାସଙ୍‌ବକେ:

^୭ “ଜାନେ ଦସ୍‌ କେମା ତିଙ୍‌ବକେ, ମେଁ ଉଡ୍‌ି ବାଗ୍ୟବାନ୍ ରେମୁଆଁ;
 ଜା ପାପ୍‌ କେମା ବାଲେଃକେ, ମେଁ ଉଡ୍‌ି ବାଗ୍ୟବାନ୍ ରେମୁଆଁ ।
 ଠ ମାପରୁ ଜାନେ ପାପ୍‌ ଆଏଜାକେ ମେଁ ଉଡ୍‌ି ବାଗ୍ୟବାନ୍ ରେମୁଆଁ !”

^୮ ଆକ୍‌ଅରିଆ ଦାଉଦ୍‌ ଜାଣେଇଁକେ ସୁକ୍‌ ରେମୁଆଁ ତାଗ୍‌ରେ ବାସଙ୍‌ବକେ ମେଇଁ ମେଃନେ ପବିତ୍ର ରେମୁଆଁ ଲେଃଆରଗେ ? ଶୁ ଅପବିତ୍ର ରେମୁଆଁଇଁ ତିଗ୍‌ ଦନ୍‌ଏ ତିଙ୍‌ୟାଆର୍‌ଏ । ନେ ବାସଙ୍‌ନେତିଙ୍‌ ଅବୁହାମ୍‌ ବିସ୍‌ବାସ୍‌ବାନ୍ ଦାମ୍‌କ୍‌ ତିଙ୍‌କେ ^{୧୦} ଆକେନ୍ ଉଡ୍‌ିବେଲା ଗଚେଲେଃଗେ ? ଅବୁହାମ୍‌ ପବିତ୍ର ତିଙ୍‌କ୍‌କେ ଇତିଙ୍‌ ଲେଃ ସିସେବାନ୍ ? ପବିତ୍ର ଅବସ୍ତାରେ ଶୁ ମାତର୍‌ ଅପବିତ୍ର ଅବସ୍ତାରେ । ^{୧୧} ପବିତ୍ର ତିଙ୍‌କେ ସିସେ ଆଃ ଅବୁହାମ୍‌ ବିସ୍‌ବାସ୍‌ ତିଙ୍‌ବ ସା ଇସ୍‌ପର୍‌ ଆମେକେ ଦାର୍‌ମିକ୍‌ ତାଗ୍‌ରେ ଗ୍ରାଅନ୍ ତିଙ୍‌ବଗେ । ଆକେନ୍ ଆମ୍ୟାନେସା ମୁଇଁ ଚିନା ରକମ୍‌ ଅବୁହାମ୍‌ ଆକେନ୍

✨ ୪:୩ ୪:୩ ଗାଲାତିୟ ୩:୬.

ପବିତ୍ର ନିଅମ୍ ପାଲନ୍ ଡିଙ୍ଗବଗେ । ଜାଣେଇଁ ପବିତ୍ର ମାଡିଙ୍ଗରେ
 ତିଗ୍ ଇସପରବାନ୍ ଦାରମିକ୍ ତାଗ୍ରେ ଗ୍ରଅନ୍ ଡିଙ୍ଗବକେ ଆଦ୍ୟାମିକ୍
 ବାବ୍ରେ ଅବ୍ରହାମ୍ ମେଇଁନେ ଆବା । ୧୨ ଆବା ଅବ୍ରହାମ୍ ପବିତ୍ର
 ଡିଙ୍ଗନେ ସିସେ ଆଃ ବିସ୍ବାସ୍ରେ ଆଃସାମୁଆଃବଗେ ଜଦି ପବିତ୍ର
 ଡିଙ୍ଗଆଲେକ୍ରେ ରେମୁଆଁଇଁ ନିଜେନେ ଜିବନ୍ରେ ଦେଡରକମ୍ନେ
 ବିସ୍ବାସ୍ ଆଃକେ ଯାଆରଏ ଅବ୍ରହାମ୍ ତିଗ୍ ମେଇଁନେ ଆବା ଡିଙ୍ଗଏ
 ।

ବିସ୍ବାସ୍ରେକେ ଇସପରନେ ଆଦେସ୍

୧୩ ✨ଅବ୍ରହାମ୍ ନିୟମ୍ ପାଲେ ବଗେ ତାଗ୍ରେ ଶୁ । ମାତର୍
 ମେଁନେ ବିସ୍ବାସ୍ ନସା ଇସପରନେବାନ୍ ଦାରମିକ୍ ତାଗ୍ରେ ଗ୍ରଅନ୍
 ଡିଙ୍ଗଲେଃଗେ ବାରି ଆଡେନ୍ସା ମେଁ ମେଁନେ କୁଲ୍ଇଁ ମଞ୍ଚପୁରନେ
 ଅଦିକାର୍ ଡିଙ୍ଗଆରଏ ତାଗ୍ରେ ଇସପର ପାରମାନ୍ ତିବଗେ ।
 ୧୪ ✨ଜାଣେଇଁ ନିୟମ୍ ପାଲେ ଡିଙ୍ଗକେ ମାତର୍ ମେଇଁ ଆଃ ଜଦି
 ଇସପରନେ ଦାନ୍ ବାଆରଏ ତେଲା ରେମୁଆଁନେ ବିସ୍ବାସ୍ ସରାଃ
 ଡିଙ୍ଗଝେଏ ଇସପର ପାରମାନ୍ ଡିଙ୍ଗବକ୍ରେ ମେଃଡିଗ୍ ମୁଲ୍ୟ ଶୁ ।
 ୧୫ ନିୟମ୍ ପାଲନ୍ ଡିଙ୍ଗନେବାନ୍ ରେମୁଆଁ ଇସପର ଆଡାଡା ରିସା
 ତୁଁପାଙ୍ଗମ୍ୟାକେ । ମାତର୍ ଆଣ୍ଡିଅରିଆ ନିୟମ୍ ଶୁଆଡ଼ଅରିଆ ନିୟମ୍
 ପାଲନ୍ ଡିଙ୍ଗନେ ପ୍ରସନ୍ ତିଗ୍ ଆଡ଼ିଆ ଶୁ ।

୧୬ ✨ତେସା ଆକେନ୍ ଦାମ୍ କି ବିସ୍ବାସ୍ ନସା ମିଲେଏ ଡିରକମ୍
 ଆଡେନ୍ ଅନୁଗ୍ରଅ ଅନୁସାରେ ତିଏ ଆରି ତେନ୍ବାନ୍ ସର୍ତ୍ତେ ବଂସ
 ପାକା ମୁଇଁ ନିୟମ୍ ମାନେଃନେ ବଂସ ପାକା ଶୁ । ମାତର୍ ଅବ୍ରହାମ୍
 ରକମ୍ ବିସ୍ବାସ୍ ତିଆରତିକ୍ରେ ବଂସ ପାକା ତିଗ୍ ଆଡେନ୍ ପାରମାନ୍
 ସାମୁଆଁ କାଲାଆଃ ଲେଃଏ । ୧୭ ଆକେନ୍ ବିସୟ୍ରେ ସାସ୍ତ୍ରନ୍ନିଆ
 ଗୁଆରବକେ “ଆନାକେ ନେ ଗୁଲେ ଜାତିନେ ଆବା ଆଡିଙ୍ଗନେବକେ
 ।” ଇସପର ତାଗ୍ ଆକେନ୍ ଆଦେସ୍ ଚିକ୍ ଲେଃଗେ ମାତର୍ ମୁଡି
 ଇସପରକେ ଅବ୍ରହାମ୍ ବିସ୍ବାସ୍ ଡିଙ୍ଗଡିଙ୍ଗେ ଇସପରନେ ବ୍ଲାଲିର୍
 ଗୁଏକ୍ରେ ବାନ୍ ଆଡ଼ିଆଏ ବାରି ସୁନ୍ୟବାନ୍ ସାପା ଜିନିସ୍ ଆଃରେଏ
 । ୧୮ ଆସା ଡିଙ୍ଗନେସା ମେଃଡିଗ୍ କାରନ୍ ମାଲେତେ ତିଗ୍ ଅବ୍ରହାମ୍

✨ ୪:୧୩ ୪:୧୩ ଗାଲାତିୟ ୩:୨୯. ✨ ୪:୧୪ ୪:୧୪ ଗାଲାତିୟ ୩:୧୮. ✨ ୪:୧୬
 ୪:୧୭ ଗାଲାତିୟ ୩:୭.

ବିସ୍‌ବାସ୍ ତିଈଁରେ ଆସାଇ ତିଈଁକେ । ତେସା ମେଁ ଗୁଲେ ଜାତିନେ ଆବା ତିଈଁକେ ମାତର୍ ସାସ୍ତର୍ ଇସାବ୍‌ରେ ଆମେକେ ଆଦେସ୍ ମିଲେଲେଃଗେ: “ନାନେ କୁଲ୍‌ଇଁ କିତଈଁଜନିନେ ଚାଈଁଆ ରକମ୍ ତିଈଁଆର୍‌ଏ ।” ୧୯ ଆମେକେ ଅଃତେନ୍ ବେଲା ମୁଇଁ ସହ୍ ମୁଆଁ ତିଈଁଲେଃଗେ । ମାତର୍ ମେଁ ତକ୍‌ଜା ତିଈଁଝେଗେ ତାଗ୍‌ରେ ଆତେନ୍ ସାମୁଆଁ ବାବେରେ ସାରା ବାରି ଗରିସିଆଃ କେଆୟା ତାଗ୍‌ରେ ଆକେନ୍ ସାମୁଆଁ ମ୍ୟାରେ ମେଁନେ ବିସ୍‌ବାସ୍ ସାତାଲୁ ତିଈଁ ଆଲେଗେ । ୨୦ ମେଁ ମେଁନେ ବିସ୍‌ବାସ୍‌ବାନ୍ ଆଗୁତେକେ ଶୁ କୁଁ ଇସ୍‌ପର୍‌ନେ ଆଦେସ୍‌କେ ସହେଅ ତିଈଁଏ ଲେଃ ଶୁ ତାଗ୍‌ରେ ଆବାବେକେ ଶୁ । ବିସ୍‌ବାସ୍ ଆମେକେ ବପୁ ଆତିଈଁକେ ବାରି ମେଁ ଇସ୍‌ପର୍‌ନେ ପ୍ରସଂସା ଅସ୍‌ମାର୍ ସାରକେ । ୨୧ ଇସ୍‌ପର୍ ମୁଡ଼ି ପାର୍‌ମାନ୍ ତିଈଁବଗେ, ମେଁ ଆତେନ୍ ପାଲନ୍ ତିଈଁଏ ତାଗ୍‌ରେ ମେଁନେ ଜବର୍ ବିସ୍‌ବାସ୍ ଲେଃଗେ । ୨୨ ଆତେନ୍‌ସା ମେଁନେ ବିସ୍‌ବାସ୍ ଲେଃଗେସା ଅବ୍ରହାମ୍ ଇସ୍‌ପର୍‌ନେ ବାନ୍ ଦାମ୍‌କ୍ ଆସୁଏକେ । ୨୩ “ଦାମ୍‌କ୍ ତାଗ୍‌ରେ ଆସୁଏନେ” ସାସ୍ତର୍‌ନେ ସାମୁଆଁ ଅବ୍ରହାମ୍ ବାନ୍ ଜେ ଗୁଆର୍ ବକେ ଆତେନ୍ ଶୁ । ୨୪ ନେ ତିଗ୍ ଇସ୍‌ପର୍ ତାଗ୍‌ରା ବିସ୍‌ବାସ୍ ତିଈଁନେବାନ୍ ଦାମ୍‌କ୍ ନେତିଈଁଏ । ଇସ୍‌ପର୍ ମାପ୍‌ରୁ ଜିସୁକେ ଗୁଏକ୍‌ବାନ୍ ଆତଡ଼୍ୟାବକେ । ୨୫ ତେନ୍ ମାପ୍‌ରୁ ଜିସୁ ନେନେ ପାପ୍ ନସା ଗୁଏଃଲେଃକେ ବାରି ଇସ୍‌ପର୍ ତାଗ୍‌ରା ଆନେକେ ଦାମ୍‌କ୍ ଆତିଈଁନେସା ତଃଡ଼୍ୟାକେ ।

୫

ଇସ୍‌ପର୍ ଏତେ ମିସୁନେ

୧ ଏବେ ବିସ୍‌ବାସ୍‌ରେ ନେ ଇସ୍‌ପର୍ ତାଗ୍‌ରା ଦାମ୍‌କ୍ ତିଈଁନେଲେଃକେ ବାରି ମାପ୍‌ରୁ ଜିସୁ କିସ୍‌ଟବାନ୍ ଇସ୍‌ପର୍ ଏତେ ନେ ସାକ୍ତିରେ ମିସୁ ନେଲେଃକେ । ୨ ଆତେନ୍ ଜିସୁ ନେନେ ବିସ୍‌ବାସ୍ ନସା ଏବେ ନେ ଜିବନ୍‌ଅରିଆ ଇସ୍‌ପର୍‌ନେ ଅନୁଗ୍ରା ବିବକେ । ତେସା ଇସ୍‌ପର୍‌ନେ ଗୌରବ୍‌ନେ ଆସା ଆନେକେ ଆମ୍‌ନେଡ଼୍ୟାଃରେ ବକେ । ୩ ସାପା ରକମ୍‌ନେ ଦୁକ୍ କସୁକେ ତିଗ୍ ନେ ସାର୍‌ଦା ତିଈଁନେତିଈଁକେ ମାତର୍ ତେରେପେତେ ମାତିଈଁରେ କସ୍‌ଟ ବାନେବାନ୍ ମନ୍ ବିତ୍‌ରେ ବରକସ୍ ପାଈଁଏ । ୪ ବରକସ୍‌ବାନ୍ ତାଟ୍ ଚରିତ୍ର ପାଈଁଏ ବାରି ତାଟ୍

ଚରିତ୍ର ବାନ୍ ଆସା ପାଙ୍ଗ୍‌ଏ । ୫ ଆସା ଆନେକେ ନିରାସ୍ ଆଡ଼ିଙ୍ଗ୍‌ନେସା ଆବି ଶୁ ମାତର ଇସ୍‌ପର ଆନେକେ ପବିତ୍ର ଆମ୍ବା ବିଚେ ନେଃନେ ରୁଦ୍‌ୟନ୍ନିଆ ମେଁନେ ଆଲାଦ୍ ବିବକେ ।

୬ ନେ ଅବସ୍ତାରେ ଲେଃକେଲା ଇସ୍‌ପର ସମାନ୍ ବେଲା କିସ୍‌ଟ ପାପି ରେମୁଆଁଇଁ ନସା ଗୁଏଃକେ । ୭ ଦାର୍‌ମିକ୍ ରେମୁଆଁ ଆଡ଼ଲା ବିନ୍‌ରେ ନିଜର ଜିବନ୍ ବିନ୍‌ସା ଉଡ଼ିରୁଆ ଆନ୍ ଆର ଶୁ ମାତର ତିଙ୍ଗ୍‌ଏ ତ ନିମାଣ୍ଡା ରେମୁଆଁ ଆଡ଼ଲା ଜା ତିଗ୍ ଗୁଏନ୍‌ସା ତିଆର ତିଙ୍ଗ୍‌ୟାଏ । ୮ ମାତର ନେ ପାପି ଲେଃକେଲା ଜିସୁ କିସ୍‌ଟ ନେଃ ଆଡ଼ଲା ନିଜେନେ ଜିବନ୍‌କେ ବିକେ । ଆତେନ୍‌ସା ଇସ୍‌ପର ଆନେକେ ଉଡ଼ି ଆଲାଦ୍ ତିଁତିଁକେ ଆତେନ୍ ମେଁ ବାସଙ୍ଗ୍‌ବକେ । ୯ କିସ୍‌ଟ ଜିବନ୍ ବିଃକ୍ଲେ ବାନ୍ ଇସ୍‌ପର ଆନେକେ ଦାର୍‌ମିକ୍ ତାଗ୍‌ରେ ଗ୍ରାଅନ୍ ତିଙ୍ଗ୍‌ବକେ । ତେଲା ଇସ୍‌ପରନେ ଗିସେଃବାନ୍ ଆନେକେ ତିଲାତିଗ୍ କିସ୍‌ଟ ରକ୍ୟା ଆଃଡ଼ିଙ୍ଗ୍‌ଏ । ୧୦ ନେ ଇସ୍‌ପରନେ ସତୁ ଲେଃବେଲା ମେଁନେ ଉଙ୍ଗ୍‌ଡେ ନେ ଆଡ଼ଲା ଜିବନ୍ ବିକେ ମେଁବାନ୍ ଇସ୍‌ପର ଏତେ ନେନେ ବାର୍‌ମୁଇଁତର କୁଡ଼େଃଆରକେ । ଇସ୍‌ପର ଏତେ ବାର୍‌ମୁଇଁତର କୁଡ଼େକ୍ଲେ ଇଡ଼ିଙ୍ଗ୍ ଏବେ କିସ୍‌ଟନେ ଜିବନ୍ ବାନ୍ ପରିତ୍ରାନ୍ ବାନ୍‌ସା ନେ ଉଡ଼ି ଅଦିକ୍ ସୁଜଗ୍ ବା ନେୟା ? ୧୧ ମାତର ଆୟତନ୍ନିଆ ଶୁ ମାପରୁ ଜିସୁ କିସ୍‌ଟବାନ୍ ଇସ୍‌ପର ଆଣ୍ଡିନେ ସାପା କାମ୍ ତିଙ୍ଗ୍ ବକେ, ଆତେନ୍‌ସା ନେନେ ରୁଦ୍‌ୟ ଜାବର ସାର୍ଦା ତିଁଲେଃକେ । ଆତେନ୍ ଜିସୁ ଇସ୍‌ପର ଏତେ ଆନେକେ ବାର୍‌ମୁଇଁତର ଆମିସୁବକେ ।

ଆଦମ୍ ଆରି କିସ୍‌ଟ

୧୨ ମୁଇଁଜା ବାନ୍ ମଞ୍ଚପୁର ପାପ୍ ଗାକେ ବାରି ପାପ୍‌ବାନ୍ ଗୁଏ ପାଙ୍ଗ୍‌କେ । ସାପାରେ ପାପ୍ ତିଙ୍ଗ୍‌ନେବଗେସା ଗୁଏନେ ସର୍‌ଡେ ରେମୁଆଁ ଜାତି ଆଡ଼ାତ୍ରା ପାଙ୍ଗ୍‌କେ । ୧୩ ନିୟମ୍ ପାଙ୍ଗ୍‌ନେ ସେନୁଗ୍‌ଆ ମଞ୍ଚପୁରନ୍ନିଆ ପାପ୍ ଲେଃଗେ: ମାତର ନିୟମ୍ ଆଲେ କେଲା ପାପ୍‌ନେ ଇସାବ୍ ଆବଗେ ଶୁ ୧୪ ଆଦମ୍‌ନେ ବେଲାବାନ୍ ମୋଶାନ୍‌ନେ ବେଲା ଜାକ ଜା ତିଗ୍ ଆଦମ୍ ରକମ୍ ଆଦେସ୍ ଅମାନି ତିଙ୍ଗ୍‌ଡେ ପାପ୍ ତିଙ୍ଗ୍‌ଆବଲା ତିଗ୍ ସାପାରେ ଗୁଏ ଆରକେ । ଜା ପାଙ୍ଗ୍‌ନେ ଲେଃଗେ ଆଦମ୍ ମେଁନେ ମୁରତି ରକମ୍ । ୧୫ ମାତର ଆକେନ୍ ମ୍ୟାୟା ବିଡ଼ରେ ଜାବର ବିନ୍ ବିନ୍ ସାମୁଆଁ ଲେଃକେ । ଆଦାମ୍‌ନେ

ପାପ୍ ବାରି ଇସ୍ପରନେ ଅମୁଲ୍ୟ ଦାନନେ ବପୁ ସମାନ୍ ଶୁ । ମୁଇଁ ରେମୁଆଁନେ ପାପ୍ ସା ଗୁଲେରୁଆ ଗୁଏ ଆରକେ । ମାତର୍ ଇସ୍ପର ମେଁ ମ୍ମା ଅନୁଗ୍ରଅରେ ବାରି ମୁଇଁ ରେମୁଆଁ ମାପୁରୁ ଜିସୁ କିସ୍ତବାନ୍ ରେମୁଆଁଇଁ ନସା ମୁଡ଼ି ଦାନ୍ ବିନେ ନିୟମ୍ ଆଡ଼ିଙ୍ଗକେ ଆତେନ୍ ଜାବର୍ ବପୁ ଡିଙ୍ଗକେ । ୧୭ ମୁଇଁ ରେମୁଆଁନେ ପାପ୍ ନସା ରେମୁଆଁ ବିଚାରନାନ୍ନିଆ ତୁଆଁତେ ଦସ୍ ବାକେ; ମାତର୍ ଗୁଲେରେନେ ଜାବର୍ ପାପ୍ ଲେଲା ଡିଗ୍ ବାରି କେମା ବାନସା ମେଃଡିଗ୍ ଦରକାର୍ ମାଲେଚେ ଡିଗ୍ ଇସ୍ପରନେ ଆତେନ୍ ଦାନ୍ ବିବକ୍ଲେ ଏବେ ରେମୁଆଁ ଦସି ଶୁ ଡାଗଚେ ମ୍ୟାଃଆରଏ । ୧୮ ସତ୍ତରେ ମୁଇଁ ରେମୁଆଁନେ ପାପ୍ ନସା ଗୁଏକେ ସାସନ୍ ଡିଙ୍ଗ୍ରେ ତାରକେ: ମାତର୍ ବିନ୍ରେ ବା ଜିସୁ କିସ୍ତ ମେଁ ଡିଙ୍ଗବକେ ଆତେନ୍ ଉଡ଼ି ମ୍ମା ବିସୟ୍ । ସାପାରେ ଇସ୍ପରନେ ଜବର୍ ଅନୁଗ୍ରଅବାନ୍ ବିନା ମୁଲ୍ୟରେ ଇସ୍ପର ଡାଗ୍ରା ଦାମ୍ କ୍ ଡାଗଚେ ଆଃସୁଏଃଆରଏ ମେଇଁ କିସ୍ତ ଏତେ ଜିତେନେ ଜିବନ୍ ଜାପନ୍ ଡିଙ୍ଗଆରଏ ।

୧୮ ମୁଇଁଜାନେ ପାପ୍ ଡିଡ଼ିରକମ୍ ସାପା ରେମୁଆଁ ଜାତିକେ ଡ଼ଣ୍ଡ ଆଡ଼ିଙ୍ଗକେ ଦେଡ଼ରକମ୍ ମୁଇଁଜାନେ ଦାମ୍ କ୍ ସାମୁଆଁ ସାପା ରେମୁଆଁ ଜାତି ଆଡ଼ଲା ମୁକ୍ତି ବାରି ଜିବନ୍ କାଟେନେ ସୁଜଗ୍ ଡୁଙ୍ଗାପାଙ୍ଗବିବକେ । ୧୯ ମୁଇଁଜାନେ ଅମାନି ସା ଡିଡ଼ିରକମ୍ ସାପାରେ ପାପି ଡିଙ୍ଗଆରକେ ଦେଡ଼ରକମ୍ ମୁଇଁଜାନେ ଆଦେସ୍ ପାଲେ ବାନସା ସାପାରେ ଇସ୍ପର ଡାଗ୍ରା ଦାମ୍ କ୍ ଡିଙ୍ଗଆରଏ ।

୨୦ ନିୟମ୍ ତାରକ୍ଲେ ବାନ୍ ଦଦ୍ୟା କାମ୍ ଜାବର୍ ଡିଙ୍ଗ୍ରେକେ । ମାତର୍ ପାପ୍ ମ୍ମାନେ ସାଙ୍ଗେ ସାଙ୍ଗେ ଇସ୍ପରନେ ଅନୁଗ୍ରଅ ଡିଗ୍ ଜାବର୍ ଜବର୍ ଡିଙ୍ଗକେ । ୨୧ ପାପ୍ ଡିଡ଼ିରକମ୍ ଗୁଏନେ ବାନ୍ ନିଜେନେ ଛା ଞ୍ମା ଆରେବକେ ଦେଡ଼ରକମ୍ ଇସ୍ପରନେ ଅନୁଗ୍ରଅ ମାପୁରୁ ଜିସୁ କିସ୍ତନେ ଦୟା ଦରମରେ ଆନେକେ ଦରମ୍ରେ ଡାଗଚେ ଏଜାଚେ ମାଡାନେ ଜିବନ୍ ବିଏ ।



ପାପ୍ ଡାଗ୍ରା ମରନ୍; ମାତର୍ କିସ୍ତ ଏତେ କୁଡ଼େଚେ ଲେଃଲା ଜିବନ୍ ବା ଡିଙ୍ଗଏ

୧ ତେଲା ନେ ମେଠ ନେଡ଼ିଏ ? ଇସପରନେ ଦୟା ବାରି ଜବର୍ ତିଙ୍ଗଏ ଡାଗ୍ରେ ନେ ମେଠଏରେ ବାରି ପାପ୍ରେ ନେଠକୁଆ ନେଡ଼କେଠଏ ? ୨ ଅଠନା ଶୁ । ପାପ୍ ବାନ୍ ନେ ଗୁଏଠ ନେଲେଠକେ, ନେ ଆଡ଼ଅରିଆ ତିଡ଼ିରକମ୍ ଜିବନ୍ ନେକାଚେଏ ? ୩ ପେ ମ୍ୟାଠପେଲେଠକେ ଶୁଆନ୍ନିଆ ଦିକ୍ୟା ବାନେବାନ୍ କିସ୍ତ ଜିସୁ ଏତେ ନେ ମିସୁ ନେଲେଠକେ ବାରି ମେଁ ଗୁଏକ୍ଲେ ଅରିଆ ତିଗ୍ ନେ ମିସୁ ନେଲେଠକେ । ୪ ଶୁଆନ୍ନିଆ ଦିକ୍ୟା ବାନେ ବାନ୍ ନେ ମେଁ ଗୁଏକ୍ଲେ ଡାଗ୍ରେ ମିସୁଚେ ମେଁ ଏତେ ନେ ଗୁଏ ନେଲେଠକେ । ମେଁ ତିଡ଼ିରକମ୍ କିସ୍ତ ଆବାନେ ମ୍ବାବପୁରେ ତଡ଼ିଆକେ, ନେ ତିଗ୍ ମେଁ ନ୍ୟା ମି ବାବ୍ରେ ନେକୁଆ ନେଡ଼କେଠଏ ।

୫ ଡାଗ୍ରେ ନେ ଗୁଏଠନ୍ନିଆ କୁଡ଼େଚେ ମେଁ ଏଠତେ ମୁଇଁ ତିଙ୍ଗନେଲେଠକେ ମେଁ ତଡ଼ିଆକ୍ଲେ କେଲା ତିଗ୍ ମେଁ ଏତେ ସାଠତିଙ୍ଗ୍ରେ ବାବ୍ମୁଇଁତର୍ ଜିବନ୍ ନେବାଏ । ୬ ନେ ମ୍ୟାଠନେଲେଠକେ କିସ୍ତ ଏତେ କୁରୁସ୍ ଆଡ଼ାଡ଼ା ନେନେ ବାଞ୍ଜିର୍ ଚାଲିରଲନ୍ ଗୁଏ ଲେଠକେ । ଆଡ଼ବା ନେନେ ପାପ୍ ତିଙ୍ଗନେ ପକ୍‌ରୁତି ସାପା ନସ୍ ତିଙ୍ଗଲେଠକେ ବାରି ନେ ପାପ୍ କାମ୍‌ବାନ୍ ମୁକ୍ତି ବାନେଲେଠକେ । ୭ ଡାଗ୍ରେ ରେମୁଆଁ ଗୁଏ ଖେଲା ପାପ୍ ତିଙ୍ଗନେବାନ୍ ଉଦାର୍ ବାଏ । ୮ ନେ ଜିସୁ କିସ୍ତନେ ଏତେ ଗୁଏ ନେଲେଠଗସା ମେଁ ଏତେ ତିଗ୍ ଜିବନ୍ ନେବାଏ ଡାଗ୍ରେ ବିସ୍‌ବାସ୍ ତିଙ୍ଗନେତିଙ୍ଗ୍ । ୯ ନେ ମିଆଁ ନେଲେଠକେ କିସ୍ତ ଗୁଏକ୍ଲେ ବାନ୍ ବାରି ମୁଇଁତର୍ ତଠଡ଼୍ୟା ଲେଠଗେସା ମେଁ ବାରି ଅଠନା ଆଗୁଏଠ ଶୁ । ମେଁ ଆଡ଼ାଡ଼ା ଗୁଏଠନେ ବାରି ଅଦିକାର୍ ତିଙ୍ଗ୍‌ଆୟା ଶୁ । ୧୦ ମେଁ ତିଡ଼ି ରକମ୍ ଗୁଏକେ ଆଡ଼ବା ପାପ୍‌ନେ ବପୁବାନ୍ ମୁଇଁ ମାଣ୍ଡକେ ମୁକ୍ତି ଆଡ଼ିଙ୍ଗ୍‌ବିକେ । ମେଁ ଏବେ ତିଡ଼ିରକମ୍ କୁଆଡ଼ିକେଠ ତିଙ୍ଗ୍‌କେ, ଆତେନ୍ ଇସପର୍ ଏତେ କୁଡ଼େଚେ ଲେଠନେ ଜିବନ୍ । ୧୧ ଦେଡ଼ରକମ୍ ପେ ତିଗ୍ ପାପ୍‌ବାନ୍ ଗୁଏ ପେଲେଠକେ ଡାଗ୍ରେ ମନେ ବାବେପା । ପେ ଏବେ କିସ୍ତ ଜିସୁବାନ୍ ଜିବନ୍‌ରେ ଇସପର୍ ଏତେ କୁଡ଼େ ପେଲେଠକେ ।

୧୨ ପେନେ ନାସେଖେଲେକ୍ଲେ ଗାଗ୍‌ଡ଼େ ଆଡ଼ାଡ଼ା ପାପ୍ ବାରି ସାସନ୍ ଆଡ଼ିଙ୍ଗ୍ ଲେଠ । ପେ ବାରି ମେଁ ରକମ୍ ତିଗ୍ ଗାଗ୍‌ଡ଼େକେ କେଚେ

ମେଁ ତାଗ୍ରା ଚଗଡ଼ାଙ୍ଗ ଆଲେଗଂପା । ୧୩ ଯେ ନିଜ୍ଜକେ ମେଃଡ଼ିଗ ବାବ୍ରେ ପାପ୍ ତାଗ୍ରା ସର୍ପେ ବିଚେ ଦଦ୍ୟା କାମ୍ନେ ଜିନିସ୍ ରକମ୍ ବେବଆର୍ ଆଡ଼ିଂଗେପା । ଶୁଲ୍ଲା ଗୁଏକ୍ଲେବାନ୍ ରକ୍ୟା ବାଚେ ଜିବନ୍ ବାଲେଗେସା ଯେ ସଡ଼କାମ୍ ଡିଙ୍ଗ୍ନେସା ନିଜେ ନିଜେକେ ପୁରାପୁରି ବାବ୍ରେ ଇସ୍ପର୍ ତାଗ୍ରା ସର୍ପେ ବିଃପା । ୧୪ ପାପ୍ ଯେ ଆଡ଼ାଡ଼ା ସାସନ୍ ଆଡ଼ିଙ୍ଗ୍ଲେ । ଯେ ବାରି ନିୟମ୍ରେ ଯେଲେଃକେ ଶୁ ମାତର୍ ଇସ୍ପର୍ନେ ଦୟାରେ ମ୍ପା ଯେଲେଃକେ ।

ଦରମ୍ ଚାକର୍

୧୫ ତେଲା ନେ ନିୟମ୍ନେ ଆଲ ମାଲେଃଚେ ଇସ୍ପର୍ନେ ଆସିର୍ବାଦ୍ ବାନେଲେଃକେ ତାଗ୍ରାଚେ ମେଃନେ ବାରି ପାପ୍ ଡିଙ୍ଗ୍ ନେଲେଃ ? ଅଃନାଡ଼ିଗ୍ ଶୁ । ୧୬ ଯେ ମିଆଁ ଯେଲେଃକେ ଜଦି ଯେ ଜାନେ ସାମୁଆଁ ମାନେଚେ ମେଃନେ ପୁରାପୁରି ବାବ୍ରେ ଆଦେସ୍ ମାନେଃଏ ତେଲା ଯେ ମେଃନେ ଚାକର୍ । ଜଦି ପାପ୍ନେ ଚାକର୍ ଯେଡିଙ୍ଗ୍ ଆକ୍ଲେନେ ଅବସ୍ତା ଡିଙ୍ଗ୍ ଗୁଏନେ: ଜଦି ଦରମ୍ରେ ଯେଅଲେଙ୍ଗ୍ ତେଲା ଜିବନ୍ ଯେବାଏ । ୧୭ ମାତର୍ ଇସ୍ପର୍କେ ଦନ୍ୟବାଦ୍ ବିଶ୍ତିଂକେ ଜଦି ଡିଙ୍ଗ୍ ମୁଇଁ ଦିନା ଯେ ପାପ୍ନେ ଚାକର୍ ଯେଲେଃକେ ଯେ ଏବେ ମାପ୍ପୁରୁ ସାମୁଆଁବାନ୍ ବୁଦି ବାଲେକ୍ଲେ ସଡ଼ ଆଣ୍ଡେଙ୍ଗ୍ କାଲାଆଃ ପାଲନ୍ ଡିଙ୍ଗ୍ପେଡିଙ୍ଗ୍ । ୧୮ ଯେ ପାପ୍ବାନ୍ ମୁଲ୍ଲି ବାଚେ ଦରମ୍ନେ ଚାକର୍ ଡିଙ୍ଗ୍ପେଲେଃକେ । ୧୯ ଯେନେ ନିଜ୍ଜର୍ ଅଲ୍ସୁଆ ନ୍ସା ଆକେନ୍ ସାପା ସାମୁଆଁ! ନେଙ୍ଗ୍ ଚଲେନେ ସାମୁଆଁରେ ବାଲିର୍ ଶ୍ତିଂ । ମୁଇଁଦିନା ଯେ ଅସୁଚିତା ବାରି ଅଦର୍ମ କାମ୍ନିଆ ନିଜେ ନିଜେକେ ଚଗଡ଼ାଙ୍ଗ୍ ଯେଲେଃଏ । ଦେଡ଼ରକମ୍ ଏବେ ପବିତ୍ର ଡିଙ୍ଗ୍ନେସା ଦାର୍ମିକ୍ ସାମୁଆଁ ତାଗ୍ରା ନିଜ୍ଜକେ ପୁରାପୁରି ବାବ୍ରେ ଅପେଃବିପା ।

୨୦ ଯେଇଁ ପାପ୍ନେ ଚାକର୍ ଲେଃକେଲା ଦାର୍ମିକ୍ ସାମୁଆଁବାନ୍ ମ୍ପା ଯେଲେଃଗେ । ୨୧ ଏବେ ଆପେକେ ଆଣ୍ଡିନେ ସାପା କାମ୍ ଡିଙ୍ଗ୍ନେସା ଗିଆସ ଲାଗେଡିଙ୍ଗ୍କେ ଆଡେନ୍ବେଲା ଡେନ୍ ସାପା କାମ୍ ଡିଙ୍ଗ୍ପେଡିଂଗେ । ଆଡ଼ବା ମେଁ ଲାବ୍ ଯେବାକେ ? ଆଡେନ୍ ସାପା କାମ୍ନେ ତଣ୍ଡ ଡିଙ୍ଗ୍ଡିଂକେ ଗୁଏନେ । ୨୨ ମାତର୍ ଏବେ ଯେ ପାପ୍ବାନ୍ ମୁକ୍ତି ବାଚେ ଇସ୍ପର୍ନେ ଚାକର୍ ଡିଙ୍ଗ୍ପେଲେଃକେ । ଆକ୍ଲେନେ

ଲାବ୍ ଡିଜ୍‌ଡିଜ୍‌କେ ଇସ୍‌ପର୍ ଡାଗ୍ରା ପୁରାପୁରି ବାବରେ ଆମ୍ଭାକେ ଅପେକ୍ଷିବିନେ ବାରି ଆଡ୍‌ନେ ରୁଚୁ ଡିଜ୍‌ଡିଂକେ ଅକ୍ଷମା ମାତାନେ ଜିବନ୍ ।^{୨୩} ପାପ୍‌ନେ ଡ଼ଣ୍ଡ ଡିଜ୍‌ଡିଜ୍‌କେ ଗୁଏନେ ମାତର୍ ଇସ୍‌ପର୍ ବିବକ୍ଲେ ଦାନ୍ ଡିଜ୍‌ଡିଜ୍‌କେ ମାପ୍‌ରୁ ଜିସୁ କିସ୍‌ଟ ଏତେ କୁଡେନେ ବାନ୍ ଆଃ ମାତାନେ ଜିବନ୍ ।



ବିଏ ଡିଜ୍‌ନେ ବ୍ଲାଲିର୍

^୧ ଅ ବୟା ତନାଇଂ, ରେମୁଆଁ ଉଡ଼ିପର୍ ଜାକ ମ୍‌ଲେଃଏ ଅତେନପର୍ ଜାକ ନିୟମ୍ ଜେ ମେଁ ଆଡାତ୍ରା ସାସନ୍ ଡିଜ୍‌ଏ ଆକେନ୍ ପେ ପେମ୍ୟାଃକେ ? ନେଜ୍ ତ ନିୟମ୍ ମ୍ୟାଃଲେଣ୍ଡେକେ ବାଲିର୍ ଶ୍ରିଜ୍‌କେ ।^୨ ଆଣ୍ଡାଣ୍ଡେ ଉଡ଼ିପର୍ ଜାକ ମ୍‌ଲେଃଏ ଅଃତେନ୍ ପର୍ ଜାକ କୁନ୍‌ଏଃଡେ ଆଣ୍ଡାଣ୍ଡେ ଏତେ ନିୟମ୍ ବିଡ୍‌ରେ ଲେଃଏ ମାତର୍ ଆଣ୍ଡାଣ୍ଡେ ଗୁଏ ଝେଲା କୁନ୍‌ଏଃଡେ ଆଣ୍ଡାଣ୍ଡେ ନିୟମ୍‌ବାନ୍ ତାର୍‌ଝେଏ ।^୩ ଜଦି ଆଣ୍ଡାଣ୍ଡେ ମ୍‌ଲେଃ ଜାକ କୁନ୍‌ଏଃଡେ ଜଦି ବିନ୍ ଜିରେ ଏତେ ଦଦ୍ୟା କାମ୍ ଡିଜ୍‌ଏ, ତେଲା ଆମେକେ ପାଦ୍ରି ତାଗ୍‌ରେ ବାଲିର୍‌ଆର୍‌ଏ: ମାତର୍ ଜଦି ଆଣ୍ଡାଣ୍ଡେ ଗୁଏ ଝେଏ ତେଲା କୁନ୍‌ଏଃଡେ ନିୟମ୍‌ବାନ୍ ତାର୍‌ଝେଏ, ବାରି ଜଦି ମେଁ ବିନ୍ ଜିରେ ଏତେ ଦଦ୍ୟା କାମ୍ ଡିଜ୍‌ଏ, ତେଲା ମେଁ ପାଦ୍ରି ଆଡିଂ ଶ୍ଟୁ^୪ ତେସା ଏ ନେଜ୍‌ନେ ବୟାଈଂ କିସ୍‌ଟନେ ଗାଗ୍‌ଡେ ଏତେ ପେ ଡିଗ୍ ନିୟମ୍ ଆଡାତ୍ରାବାନ୍ ଗୁଏ ପେଲେଃକେ ଜେକ୍‌ଟିକି ପେ ବିନ୍‌ରେ ଏତେ ପେକୁଡେଏ ବା ନେ ଇସ୍‌ପର୍ ଆଡ୍‌ଲା ରୁଚୁ ରୁନ୍‌ସା ଜା ଗୁଏକ୍ଲେବାନ୍ ତଡ଼ିଆଲେଃକେ ମେଁ ଏତେ ମିସୁପା ।^୫ ତାଗ୍‌ଲା ଉଡ଼ିବେଲା ନେ ଗାଗ୍‌ଡେକେ ଚଗଡାଜ୍‌ରେ ନେଲେଃଗେ, ଆତେନବେଲା ନିୟମ୍‌ବାନ୍ ପାପ୍ କାମ୍ ଡିଜ୍‌ନେ ନେ ଗାଗ୍‌ଡେନେ ସାପା ତାଗ୍ରା ଗୁଗୁଏ ନ୍‌ସା ରୁଚୁ ରୁନ୍‌ସା କାମ୍ ଆଡିଜ୍‌ଡିଜ୍‌ଗେ ।^୬ ମାତର୍ ଜାବାନ୍ କି ନେ ଗାଗ୍‌ରେ ନେଲେଃକେ ଆଡ୍ ବା ଗୁଏରେ ନେ ଏବେ ନିୟମ୍‌ବାନ୍ ତାର୍ ନେଲେଃକେ; ତେସା ନେ ଗୁଆର୍‌ବକ୍ଲେ ବାଝିର୍‌କ୍ଲେ ରକମ୍ ଚାକର୍ ମାସ୍‌ଲେତେ ଆମ୍ଭାରେ ମି ରକମ୍ ଚାକର୍ ସୁଗୁଆ କାମ୍ ଡିଜ୍‌ନେଡିଜ୍‌କେ ।

ନିୟମ୍ ବାରି ପାପ୍

୭ ତେସା ନେ ମେଁ ନେବାସଙ୍ଗ୍ସ ? ନିୟମ୍ ମେଠନେ ପାପ୍ ? ଆତେନ୍ ଅଞନାତିଗ୍ ଆଡ଼ିଙ୍ଗ୍ଲେ । ମାତର୍ ପାପ୍ ମେଠନେ ଆତେନ୍ ନିୟମ୍ ମାଲେଠଲ୍ ନେଙ୍ଗ୍ ନ୍ନାମ୍ୟା ପାଡ଼ିଙ୍ଗ୍; ମେଁ ଡାଗ୍ଲ୍ କଟିଙ୍ଗ୍ ଆଡ଼ିଙ୍ଗ୍ପା ନିୟମ୍ ଆକେନ୍ ବାସଙ୍ଗ୍ ଆବଲ୍ ଲବ୍ ଡ଼ିଙ୍ଗ୍ନେ ମେଠନେ ଆତେନ୍ ନେଙ୍ଗ୍ ନ୍ନାମ୍ୟା ପାଡ଼ିଙ୍ଗ୍ । ୮ ମାତର୍ ପାପ୍ନେ ସୁଜଗ୍ ବାଚେ ଆଦେସ୍ବାନ୍ ନେଙ୍ଗ୍ଅରିଆ ସାପା ରକମନେ ଲବ୍ ଡ଼ିଙ୍ଗ୍ନେ ଆଃସିକେ; ଡାଗ୍ଲ୍ ନିୟମ୍ ଆଲେଠଲ୍ ପାପ୍ ଗୁଏଃ । ୯ ବାରି ନେଙ୍ଗ୍ ମୁଇଁ ଦିନା ନିୟମ୍ କେ ଆଡ଼ାଚେ ମୁଲ୍ଲେଠେ ମାତର୍ ଆଦେସ୍ ପାଙ୍ଗ୍ଲ୍ ଆତେନ୍ ବେଲ୍ ପାପ୍ ମୁଲ୍ କେ ୧୦ ବାରି ନେଙ୍ଗ୍ ଙ୍ଗୁଏକେ; ଆଡ଼ଅରିଆ ଜିବନ୍ ଲେଠେ ମୁଡ଼ି ଆଦେସ୍ ଆତେନ୍ ନେଙ୍ଗ୍ ଆଡ଼ା ଗୁଏନେ ଡାଗ୍ରେ ମ୍ୟାଃକେ । ୧୧ ମେଁ ଡାଗ୍ଲ୍ ପାପ୍ ସୁଜଗ୍ ବାଚେ ଆଦେସ୍ ଏତେ ଆନେଙ୍ଗ୍ ନାଲେକେ ବାରି ମେଁବାନ୍ ଆନେଙ୍ଗ୍ ବାଗୁଏକେ ।

୧୨ ତେସା ନିୟମ୍ ପବିତ୍ର ବାରି ମେଁନେ ଆଦେସ୍ ସାପା ପବିତ୍ର ନିୟମ୍ ବାବ୍ରେ ବାରି ନିମାଣ୍ଡା । ୧୩ ତେଲ୍ ଆଣ୍ଡିନେ ନିମାଣ୍ଡା ଆତେନ୍ କି ନେଙ୍ଗ୍ ପାକା ଗୁଏନେ ଡ଼ିଙ୍ଗ୍ କେ ? ଆତେନ୍ ଅଞନାତିଗ୍ ଆଡ଼ିଙ୍ଗ୍ଲେ । ମାତର୍ ପାପ୍ ବାନ୍ ଗୁଏଡ଼ିଙ୍ଗ୍ସ, ଡ଼ିଡ଼ିରକମ୍ କି ଆଣ୍ଡିନେ ନିମାଣ୍ଡା, ଆତେନ୍ ବିଚେ ନେଙ୍ଗ୍ ଡାଗ୍ ଗୁଏଠନେ ବାନ୍ ପାପ୍, ପାପ୍ ଡାଗ୍ରେ ନାଏ, ବାରି ଡ଼ିଡ଼ିରକମ୍ କି ଆଦେସ୍ବାନ୍ ପାପ୍ ଜାବର୍ ପାପ୍ ଡ଼ିଙ୍ଗ୍ସ ।

ରେମୁଆଁନେ ମନ୍ ବିଡ଼ରେ ଡାଉଟ୍

୧୪ ତେସା ନିୟମ୍ ଜେ ଆମ୍ବିକ୍ ଆକେନ୍ ନେ ମ୍ୟାଠନେଲେଠକେ: ମାତର୍ ନେଙ୍ଗ୍ନେ ଗାଗ୍ଡେ ପାପ୍ନେ ଚାମ୍ଚା । ୧୫ ଡାଗ୍ଲ୍ ନେଙ୍ଗ୍ ମେଁ ଟ୍ରିଏ, ଆତେନ୍ ନେଙ୍ଗ୍ ନ୍ନାମ୍ୟାକେ ଟ୍ରିଏ ତେସା ନେଙ୍ଗ୍ ମେଠନେ ଇକ୍ଚା ଟ୍ରିଏ, ଆତେନ୍ ଡ଼ିନାଡ଼ିଙ୍ଗ୍ କେ, ମାତର୍ ମେଠନେ ନେଙ୍ଗ୍ ଗୁରୁନା ଡ଼ିଙ୍ଗ୍ ଟ୍ରିଏକେ ଆତେନ୍ ଆ ଡ଼ିଙ୍ଗ୍ ଟ୍ରିଏକେ । ୧୬ ମାତର୍ ମେଁନେ ନେଙ୍ଗ୍ ଇକ୍ଚା ଡ଼ିଙ୍ଗ୍ ନାଡ଼ିଙ୍ଗ୍ କେ ଆତେନ୍ ଜଦି ଇକ୍ଚା ଟ୍ରିଏକେ ତେଲ୍ ନିୟମ୍ ଜେ ନିମାଣ୍ଡା ଆତେନ୍ ନେଙ୍ଗ୍ ମାନେଠଟ୍ରିଏକେ । ୧୭ ତେସା ନେଙ୍ଗ୍ ବାରି ଆତେନ୍ ଡ଼ିଙ୍ଗ୍ ନାଡ଼ିଙ୍ଗ୍ କେ ଟ୍ରିଏ ମାତର୍ ନେଙ୍ଗ୍ ଡାଗ୍ ଲେଠଡ଼ିଙ୍ଗ୍ କେ ପାପ୍ ଆତେନ୍ ଡ଼ିଡ଼ିଙ୍ଗ୍ ଡ଼ିଙ୍ଗ୍ କେ । ୧୮ ମେଁ ଡାଗ୍ଲ୍ ନେଙ୍ଗ୍ଅରିଆ

ବା ନେଇଁ ଗାଗଡ଼େ ବିତ୍ତରେ ମେଠଡ଼ିଗ୍ ନିମାଣ୍ଡା ବିସୟ ଆବାସା
 ଆକେନ୍ ନେଇଁ ମ୍ୟାଃ କ୍ଲେଃକେ ଡାଗଲା ନେଇଁ ଇକ୍ତା ତିଙ୍ଗ୍‌ଣିଙ୍ଗ୍‌କେ
 ମାତର୍ ଆଣ୍ଡିନେ ନିମାଣ୍ଡା ଆତେନ୍ ତିଙ୍ଗ୍‌ନେସା ନେଇଁନେ ସାଆସ୍
 ଶୁ । ^{୧୯} ଡାଗଲା ଆଣ୍ଡିନେ ନିମାଣ୍ଡା କାମ୍ ତିଙ୍ଗ୍‌ନେସା ନେଇଁ ଇକ୍ତା
 ତିଙ୍ଗ୍‌ଣିଙ୍ଗ୍‌କେ ଆତେନ୍ ତିଙ୍ଗ୍‌ନାତିଙ୍ଗ୍‌କେ ମାତର୍ ଆଣ୍ଡିନେ ଦଦ୍ୟା କାମ୍
 ତିଙ୍ଗ୍‌ନେସା ନେଇଁ ରାଜି ତିଙ୍ଗ୍‌ନାତିଙ୍ଗ୍‌କେ ଆତେନ୍ ତିଙ୍ଗ୍‌ଣିଙ୍ଗ୍‌କେ ।
^{୨୦} ମାତର୍ ଆଣ୍ଡିନେ ନେଇଁ ରାଜି ତିଙ୍ଗ୍‌ନାତିଙ୍ଗ୍‌କେ ଆତେନ୍ ଜଦି
 ଶ୍ରିଙ୍ଗ୍‌ଏ ତେଲା ନେଇଁ ନିଜେ ଆରି ଆତେନ୍ ତିଙ୍ଗ୍‌ ନାତିଙ୍ଗ୍‌କେ ।
 ମାତର୍ ନେଇଁ ଡାଗରା ବାସା ଲେଃକ୍ଲେ ପାପ୍ ଆତେନ୍ ତିଙ୍ଗ୍‌ତିଙ୍ଗ୍‌କେ
 ।

^{୨୧} ତେଲାତିଗ୍ ନିମାଣ୍ଡା କାମ୍ ତିଙ୍ଗ୍ ନସା ଇକ୍ତା ଲେଲାତିଗ୍ ନେଇଁ
 ଡାଗରା ଦଦ୍ୟା କାମ୍ ତିଙ୍ଗ୍‌ନେସା ପାଙ୍ଗ୍‌ତିଙ୍ଗ୍‌କେ ଆକେନ୍ ନିୟମ୍
 ନେଇଁ କେଣ୍ଡିଙ୍ଗ୍‌କେ । ^{୨୨} ଇସ୍‌ପର୍‌ନେ ନିୟମ୍ ପାଲନ୍ ତିଙ୍ଗ୍‌ନେସା
 ନେଇଁନେ ଇକ୍ତା ^{୨୩} ମାତର୍ ନେଇଁ ଗାଗଡ଼େଇଁନ୍‌ନିଆ ମୁଇଁ ବିନ୍
 ନିୟମ୍ କେଡ଼ିଙ୍ଗ୍‌କେ ଆତେନ୍ ନେଇଁନେ ମନ୍ ବିତ୍ତରେନେ ନିୟମ୍
 ବିରୁଦ୍‌ରେ ଜୁଦ୍ ତିଙ୍ଗ୍‌ତିଙ୍ଗ୍ ଆରି ନେଇଁନେ ଗାଗଡ଼େଇଁନ୍‌ନିଆ ମୁଡ଼ି
 ପାପ୍‌ନେ ନିୟମ୍ ଲେଃକ୍ଲେ ଆନେଇଁ ଆଡ଼ଅରିଆ ବନ୍ଦି ଆତିଙ୍ଗ୍ ବିଃ
 ତିଙ୍ଗ୍‌କେ । ^{୨୪} ଉଡ଼ି ଦୁର୍‌ବାଗ୍ୟ ରେମୁଆଁ ଜେ ନେଇଁ ଆନେଇଁ ଆକେନ୍
 ଗୁଏକ୍ଲେ ଗାଗଡ଼େବାନ୍ ଜା ଆମ୍‌ଏ ? ^{୨୫} ନେନେ ମାପୁ ଜିସୁ କ୍ରିଷ୍ଟ୍‌ନେ
 ବାନ୍ ଇସ୍‌ପର୍‌ନେ ଦନ୍‌ସବାଦ୍ ତିଂଲେଃ । ଡାଗ୍ଲା, ନିଂ ନିଜେ ମନ୍
 ବାନ୍ ଇସ୍‌ପର୍‌ନେ ନିୟମ୍‌ନେ ଚାକର୍, ମାତର୍ ଗାଗଡ଼େ ବାନ୍ ପାପ୍
 ନିୟମ୍‌ନେ ଚାକର୍ ତିଂକ୍ଲେଃକେ ।

୮

ଆମ୍ବା ବିଚେ ଜିବନ୍

^୧ ଜାଣ୍ଡେଇଁ ମାପରୁ ଜିସୁ କିସ୍‌ଟ ଡାଗରା ଲେଃକ୍ଲେ ମେଇଁନେ
 ଆଡ଼ାଡ଼ା ଏବେ ମେଠଡ଼ିଗ୍ ତଣ୍ଡୁ ଆପାଙ୍ଗ୍ ଶୁ । ^୨ ମାତର୍ ଜିବନ୍
 ବିଃଶ୍ଟେ ଆମ୍ବାନେ ନିୟମ୍ କିସ୍‌ଟ ଜିସୁନେ କୁଡ଼େମାଡ଼େ ଡାଗରା
 ଆପେକେ ପାପ୍ ବାରି ଗୁଏନେ ନିୟମ୍‌ବାନ୍ ଆମ୍‌ଏ ବକେ । ^୩ ଡାଗ୍ଲା
 ଗାଗଡ଼େ ଲେଃକ୍ଲେସାଃ ଦୁର୍‌ବଲ୍ ତିଙ୍ଗ୍‌ଲା ନିୟମ୍ ଆଣ୍ଡିନେ ଦାଦନ୍
 ତିଙ୍ଗ୍ ଆୟାକେ ଶୁ ଆତେନ୍ ଇସ୍‌ପର୍ ନିଜର୍ ଉଇଁକେ ପାପ୍

ଡିଙ୍ଗବକ୍ସେ ଗାଗଡ଼େରକମ୍ ସରସ୍ୟା ପାପ୍ ନସ୍ତୁ ଡିଙ୍ଗନେସା ବେତେ ଗାଗଡ଼େଅରିଆ ପାପ୍‌କେ ତଣ୍ଡୁ ଆଦେସ୍ ଆଡିଙ୍ଗନେସା ଡିଙ୍ଗକେ ।
 ୪ ଡିଡିରକମ୍ ଗାଗଡ଼େନେ ବାବ୍‌ନା ଇସାବ୍‌ରେ ବେବଆର୍ ମାଡିଙ୍ଗରେ ଆମ୍ବିକ ବାବ୍‌ନା ଇସାବ୍‌ରେ ବେବଆର୍ ଡିଙ୍ଗନେବଏ ଜେ ନେନେ ତାଗ୍ରା ନିୟମନେ ସତ୍ ଦାବି ପୁରନ୍ ଡିଙ୍ଗନେବକେ ।

୫ ତାଗ୍ରା ଜାଣ୍ଡେଇଁ ଗାଗଡ଼େନେ ଇସାବ୍‌ରେ ମନ୍ ଡିଂଆରୁଡିଂକେ ମେଇଁ ଗାଗଡ଼େନେ ବିସୟରେ ଦ୍ରିଗଆରୁଏ ମାତର୍ ଜାଣ୍ଡେଇଁ ଆମ୍ବିକ ବାବ୍‌ରେ ମନା ମେଇଁ ଆମ୍ବିକ ଇସାବ୍‌ରେ ଦ୍ରିଗଆରୁଏ । ୬ ତାଗ୍ରା ଗାଗଡ଼େନେ ବାବ୍‌ନା ଗୁଏଡିଙ୍ଗଏ ମାତର୍ ଆମ୍ବିକ୍ ଚିନ୍ତା ଜିବନ୍ ବାରି ସାନ୍ତିରେ ଲେଃଡିଙ୍ଗଏ: ୭ ତାଗ୍ରା ଗାଗଡ଼େନେ ବାବ୍‌ନା ଇସ୍‌ପରନେ ବିରଦ୍‌ରେ ସତ୍‌ରୁ ଡିଙ୍ଗଏ; ତାଗ୍ରା ଆତେନ୍ ଇସ୍‌ପରନେ ନିୟମନ୍‌ନିଆ ଆଲେକେ ଶୁ ବାରି ଲେଃନେ ଅସମ୍‌ବ; ୮ ଜାଣ୍ଡେଇଁ ଗାଗଡ଼େ କାମରେ ଲେଃଆରୁକେ ମେଇଁ ଇସ୍‌ପରନେ ସାରଦାନେ ଉଙ୍ଗଡେ ଡିଙ୍ଗ ଆୟାଆର୍ ଶୁ ।

୯ ମାତର୍ ଇସ୍‌ପରନେ ଆମ୍ବା ଜଦି ପେ ତାଗ୍ରା ଲେଃକେ ତେଲା ପେ ଗାଗଡ଼େନେ ଲାଲ୍‌ସାରେ ଶୁ ମାତର୍ ଆମ୍ବାନେ ଲାଲ୍‌ସାରେ ପେଲେଃକେ । ଜଦି ଜାଡିଗ୍ କିସ୍‌ଟନେ ଆମ୍ବା ବା ଆଲେ ତେଲା ମେଁ ମେଁନେ ଶୁ । ୧୦ ମାତର୍ ଜଦି କିସ୍‌ଟ ପେ ତାଗ୍ରା ପାଲେଃ ତେଲା ଗାଗଡ଼େ ପାପ୍ ନସା ଗୁଏନେ ମାତର୍ ଆମ୍ବା ଦାରମିକ୍ ସାମ୍‌ଆଁ ସା ଜିବନ୍ ବାଏ । ୧୧ ✨ ବାରି ଜା ଗୁଏକ୍ସେଣ୍ଡେବାନ୍ ଜିସୁକେ ଆତଡିଆକେ ମେଁନେ ଆମ୍ବା ଜଦି ପେ ତାଗ୍ରା ଲେଃଏ ତେଲା ଜେ ଗୁଏକ୍ସେବାନ୍ କିସ୍‌ଟ ଜିସୁକେ ଆତଡିଆକେ ମେଁ ପେ ତାଗ୍ରା ବାସା ଡିଙ୍ଗକ୍ସେ ପେ ଆମ୍ବାନେବାନ୍ ପେନେ ଗୁଏକ୍ସେ ଗାଗଡ଼େକେ ଡିଗ୍ ଜିବନ୍ ଆଡିଙ୍ଗଏ ।

୧୨ ତେଲା ଅ ବୟାଁ ତନାଇଁ ନେ ରୁନ୍ ଡିଙ୍ଗନେଲେଃକେ ମାତର୍ ଗାଗଡ଼େ ବାବ୍‌ନା ଇସାବ୍‌ରେ ବୁଆଡିକେ ନସା ଗାଗଡ଼େ ତାଗ୍ରା ଶୁ । ୧୩ ତାଗ୍ରା ଜଦି ପେ ଗାଗଡ଼େନେ ଚିନ୍ତା ଇସାବ୍‌ରେ ବୁଆଡିକେ ପେଡିଙ୍ଗଏ ତେଲା ପେଗୁଏଃଏ, ମାତର୍ ଜଦି ଆମ୍ବାନେ ବାନ୍ ପେ ଗାଗଡ଼େନେ କାମ୍ ସାପାକେ ନସ୍ତୁ ପେରାଡିଙ୍ଗଏ ତେଲା ଜିବନ୍

✨ ୮:୧୧ ୮:୧୧ ୧ କରିନ୍‌ଡିୟ ୩:୧୭.

ପେବାଏ । ୧୪ ତେସା ଉଡ଼ିରୁଆ ଇସ୍‌ପରନେ ଆମ୍ବା ଏତେ ଅଲେଙ୍ଗ୍ ଡିଙ୍ଗ୍‌କେ ମେଇଂ ଇସ୍‌ପରନେ ଉଂଡେ ।

୧୫ ✨ଡାଗ୍‌ଲା ପେ ବାରମ୍‌ଇଂଡର୍ ବୁଟ ପେଡିଙ୍ଗ୍‌ସା ଗତିରେନେ ଆମ୍ବା ପେବାକେ ମାତର୍ ଉଂଡେନେ ଆମ୍ବା ବାପେଲେଃକେ; ଜା ବାନ୍ କି ନେ “ଆବା” ଆବା ଡାଗ୍‌ରେ ଝାନେମ୍ୟାକେ । ୧୬ ନେ ଇସ୍‌ପରନେ ଉଂଡେ ଡାଗ୍‌ରେ ଆଡେନ୍ ଆମ୍ବା ନିଜେ ନେନେ ଆମ୍ବା ଏତେ ସାକି ବିଡିଙ୍ଗ୍‌କେ । ୧୭ ବାରି ଜଦି ଗଗିସିଆଃ ତେଲା ମେଁନେ ଉଂଡେ ବା ଜଦି କିସ୍‌ଟ ଏତେ ଗୌରବ୍ ବ୍‌ବା ନ୍‌ସା ନେ ମେଁ ଏତେ ଦୁକ୍ ବଗେ ନେଡିଙ୍ଗ୍‌କେ ତେଲା ଇସ୍‌ପରନେ ଉଂଡେ ବାରି କିସ୍‌ଟନେ ଉଂଡେ ଡିଙ୍ଗ୍‌ଡିଙ୍ଗ୍‌ଏ ।

ଗୌରବ୍‌ନେ ଦିନ୍

୧୮ ଆଣ୍ଡିନେ ଗୌରବ୍ ନେଆଡ଼ତ୍ରା ପାଙ୍ଗ୍‌ଏ ଆଡେନ୍ ତୁଲନାରେ ଏନ୍ ଏବେନେ ଜୁଗ୍‌ନେ ଦୁକ୍ ବଗେନେ ମେଃଡ଼ିଗ୍ ଶ୍ଟୁ । ୧୯ ତେସା ସୂସ୍‌ଟିନେ ମୁଇଂ ଇକ୍‌ଟା ଇସ୍‌ପରନେ ଉଂଡେଇଂକେ ଆନ୍‌ା ନ୍‌ସା ଉରଡିଙ୍ଗ୍‌କେ । ୨୦ ମେଁ ଡାଗ୍‌ଲା ସୂସ୍‌ଟି ଜାବର୍ ଅସାରତାନେ ଆଲ ଡିଙ୍ଗ୍‌କେ ମେଃନେ ନିଜେନେ ଇକ୍‌ଟାରେ ଶ୍ଟୁ ମାତର୍ ଜା ଆମେକେ ଆଲ ଆଡିଙ୍ଗ୍‌କେ, ମେଁନେ ଇକ୍‌ଟାବାନ୍ । ୨୧ ବାରି ଆଡେନ୍ ଆସାରେ ଡାଆଁ ଡିଙ୍ଗ୍‌କେ, ଜାକି ସୂସ୍‌ଟି ନିଜେ ଡିଗ୍ ଇସ୍‌ପରନେ ଉଂଡେଇଂନେ ଗୌରବ୍‌ମୟ୍ ଅବସ୍ତା ବିସୟ୍‌ରେ ମୁକ୍ତି ବାନ୍‌ସା ବଃଟାଃନେ ଅବସ୍ତାବାନ୍ ମୁକ୍ତି ତିଂଏ । ୨୨ ଡାଗ୍‌ଲା ସାପା ସୂସ୍‌ଟି ଜେ ଏଃଜାକ ମୁଇଂ ମାଡ଼ରେ ସାରଲ ଡିଙ୍ଗ୍‌ଆରକେ ବାରି ଶ୍ଟିଆକୁମାନେ କସ୍ ରକମ୍ ତାହା ତିଂତିଂକେ ଆକେନ୍ ନେ ମ୍ୟାଃନେଡିଙ୍ଗ୍‌କେ । ୨୩ ✨ବାରି ଆଡେନ୍‌ଆ ଶ୍ଟୁ ମାତର୍ ସିସେ ରୁଟୁ ରକମ୍ ଆମ୍ବାକେ ବାନେଲେଃକେ ଜେ ନେ ନିଜେ ନିଜେ ଡିଗ୍ ଉଂଡେ ଡିଙ୍ଗ୍‌ନେଲେଃକେ । ବା ନିଜେ ନିଜେ ଗାଗ୍‌ଡେନେ ମୁକ୍ତି ବାନ୍‌ସା ଉର୍‌ରେ ନିଜର୍ ଗର୍‌ବେ ବିଡ଼ରେ ଅଁ ନେଡିଙ୍ଗ୍‌କେ । ୨୪ ଡାଗ୍‌ଲା ଆସା ବନେବାନ୍ ନେ ପରିଡ୍ରାନ୍ ବାନେଲେଃକେ; ମାତର୍ ଘ୍‌ଆଃ ସାମ୍‌ନା ବନେ ଆସା ଆଡେନ୍ ଆସା ଶ୍ଟୁ । ତେସା ମେଃନେ ମୁଇଂଜା କିକେ ଡିଙ୍ଗ୍‌କେ

✨ ୮:୧୫ ୮:୧୫ ଗାଲାଡିୟ ୪:୫-୭. ✨ ୮:୧୫ ୮:୧୫ ମାରକ ୧୪:୩୭; ଗାଲାଡିୟ ୪:୭.
 ✨ ୮:୨୩ ୮:୨୩ ୨ କରିନ୍‌ଡିୟ ୫:୨-୪.

ଆଡ଼ବା ମେଁ ମେଁସା ବାରି ଆସା ତିଙ୍ଗ୍ଏ ? ୨୫ ମାତର୍ ନେ ମେଃନେ କେନେତିଙ୍ଗ୍‌କେ ଜଦି ମେଁ ଆଡ଼ଲା ଆସା ନେତିଙ୍ଗ୍ଏ ତେଲା ବରକସ୍‌ରେ ଆମେକେ ବାନେ ଜାକ ଉର୍ତ୍ତେ ନେଲେଃ ।

୨୬ ବାରି ଦେଡ଼ରକମ୍ ପବିତ୍ର ଆମ୍ବା ତିଗ୍ ନେନେ ଦୁର୍ବଲ୍‌ରେ ଲେଃକେଲା ସାଇଜ୍ୟ ତିଙ୍ଗ୍‌ମ୍ୟାକେ ତାଗ୍‌ଲା ମେଃନେ ପାର୍ତନା ତିଙ୍ଗ୍‌ନେ ଦରକାର୍ ଆତେନ୍ ନେ ନେମ୍ୟାଃକେ ଶ୍ରୁ ମ୍ବାତର୍ ଆମ୍ବା ନିଜେ ରୁପ୍‌ପାପ୍‌ରେ ମେଁ ପାର୍ତନାନ୍ନିଆ ନେ ଆଡ଼ଲା ସାଇଁ ତିଙ୍ଗ୍‌କେ; ୨୭ ବାରି ଜା ନେନେ ରୁଦ୍‌ୟକେ ତୁର୍ ଅଲେଙ୍ଗ୍ ତିଙ୍ଗ୍‌କେ ଆତେନ୍ ଆମ୍ବାନେ ବାବ୍‌ନା ମେଁନେ ଆତେନ୍ ସାପା ମେଁ ମ୍ୟାଃଲେଃକେ ତାଗ୍‌ଲା ମେଁ ଇସ୍‌ପରନେ ଇକ୍‌ତା ଇସାବ୍‌ରେ ସାଦୁଇଁ ଏତେ ସାର୍‌ଲମ୍ୟାଃକେ ।

୨୮ ଜାଣ୍ଟେଇଁ ଇସ୍‌ପରକେ ଆଲାଦ୍ ତିଆର୍‌ଏ ଜାଣ୍ଟେଇଁ ମେଇଁନେ ଚିନ୍ତା ଇସାବ୍‌ରେ ପାଙ୍ଗ୍‌ଲେଆର୍‌କେ ଇସ୍‌ପର୍ ଆତେନ୍ ସାପା ବିସ୍‌ୟରେ ମେଇଁନେ ମଙ୍ଗ୍‌ଲ୍ ଆଡ଼ଲା ପୁରନ୍ ତିଙ୍ଗ୍‌ମ୍ୟାକେ ଆକେନ୍ ନେ ମ୍ୟାଃନେଲେଃକେ । ୨୯ ତାଗ୍‌ଲା ଜାଣ୍ଟେଇଁକେ ମେଁ ସିସେବାନ୍ ମ୍ୟାଃଲେଃକେ ଆମେଇଁକେ ମେଃନେ ଉଁତେନେ ମୁରତି ରକମ୍ ନାନ୍‌ସା ମେଁ ସିସେବାନ୍ ଆର୍‌ମେ ତିଗ୍ ବଗେ ତିତିରକମ୍ କି ମେଁ ଗୁଲେ ବୟାଁ ତନାଇଁନେ ବିତ୍‌ରେ ସେନୁଗ୍ ଜନମ୍ ତିଙ୍ଗ୍‌ଏ । ୩୦ ବାରି ଜାଣ୍ଟେଇଁକେ ମେଁ ସିସେବାନ୍ ଆର୍‌ମେ ବଗେ ଆମେଇଁକେ ମେଁ ତିଗ୍ ଝାକେ ବାରି ଜାଣ୍ଟେଇଁକେ ମେଁ ଝାକେ ଆମେଇଁକେ ମେଁ ତିଗ୍ ଦାର୍‌ମିକ୍ ତାଗ୍‌ତେ ବାଲିର୍‌କେ ବାରି ଜାଣ୍ଟେଇଁକେ ମେଁ ଦାର୍‌ମିକ୍ ତାଗ୍‌ତେ ବାଲିର୍‌କେ ଆମେଇଁକେ ମେଁ ତିଗ୍ ଗୌରବ୍ ଆଡ଼ିଙ୍ଗ୍‌କେ ।

ଇସ୍‌ପରନେ ଆଲାଦ୍

୩୧ ତେଲା ଆକେନ୍ ସାପା ସାର୍‌ମୁଆଃନ୍ନିଆ ନେ ମେଃନେ ନେବାସଙ୍ଗ୍‌ଏ ? ଜଦି ଇସ୍‌ପର୍ ନେନେ ପାକା ତେଲା ନେନେ ପାକା ଜା ? ୩୨ ଜା ନିଜର୍ ଉଁକେ ତିଗ୍ ରକ୍ୟା ଆଡ଼ିଙ୍ଗ୍‌କେ ଶ୍ରୁ ମ୍ବାତର୍ ନେଆଡ଼ଲା ଆମେକେ ସର୍‌ପେ ବିକେ ମେଁ ତିରକମ୍ ମେଁ ଏତେ ତିଗ୍ ସାପା ବିସ୍‌ୟ ଆନେକେ ଦୟାରେ ଦାନ୍ ଆଡ଼ିଙ୍ଗ୍ ଶ୍ରୁ ? ୩୩ ଇସ୍‌ପର୍ ସ୍ତ୍ରବକ୍ତ୍ରେ ରେମୁଆଁଇଁନେ ବିରଦ୍‌ରେ ଜା ବଡ଼ପନ୍ ଆଃସୁଏଃଏ ? ଇସ୍‌ପର୍ ତ ଆମେଇଁକେ ଦାର୍‌ମିକ୍ ତାଗ୍‌ତେ ବାସଙ୍ଗ୍‌ବକେ ।

୩୪ ଜାଣେଣ ତଣ୍ଡ ବିଏ ? କିସ୍ ଜିସୁ ତ ଗୁଏକେ ବାରି ମେଁ ତଡ଼ିଆକେ
 ମେଁ ଇସପରନେ ଇଠଙ୍ଗିଠି ପାକା ଲେଃକେ । ମେଁ ତିଗ୍ ନେ ଆଡ଼ଲା
 ପାର୍ତନା ତିଙ୍ଗିତିଙ୍ଗିକେ । ୩୫ କିସ୍ଟନେ ଆଲାଦ୍‌ବାନ୍ ଜାଣେ ବିନେ
 ଆଃତିଙ୍ଗିଏ ? କି ଦୁକ୍, କି କସ୍ଟ, କି ନିୟା, କି ମୁରତି, କି ନାଙ୍ଗଲା
 ଆତିଙ୍ଗିନେ, କି ବିପଦ୍, କି କାଣ୍ଡା ? ୩୬ ସାସ୍ତ୍ରନିଆ ଗୁଆରବକେ

“ପେ ଆଡ଼ଲା ନେ ସାପା ଦିନା ଆରେ ନେତିଙ୍ଗିକେ;
 ନେ ବାଗୁଏବକ୍ସେ ମେଣ୍ଡା ରକମ୍ ନେଲେଃକେ ।”

୩୭ ତେଲାତିଗ୍ ଜା ଆନେକେ ଆଲାଦ୍ ତିଂଆରୁତିଂକେ ମେଁବାନ୍ ନେ
 ଆକେନ୍ ସାପା ବିସୟରେ ସାପାଅରିଆ ଜିତେ ନେତିଙ୍ଗି । ୩୮ ନେଙ୍ଗ୍
 ତିଲାତିଗ୍ ମ୍ୟାଃ କ୍ଲେଃକେ ଜେ ମେଁ ଆଲାଦ୍ ବାନ୍ ନେ ଅଃନା
 ଅଲ୍‌ଗା ନେତିଙ୍ଗି ଶୁ । ଗୁଏଃନେ ଲେଃ ଜିବନ୍ ତିଙ୍ଗିନେ କିତଂ ଦୁଡ଼
 ବାରି କିତଙ୍ଗ୍ ରାଜିନେ ମେଃତିଗ୍ ନେତା ଲେଃ ବପୁ ଏବେ ଶୁଲ୍ଲା
 ତାନେବେଲା, ୩୯ ଆଡ଼ାତ୍ରାନେ ବିସୟ ତିଙ୍ଗିଲେ କି ବୁନ୍ଦେନେ ବିସୟ
 ତିଙ୍ଗିଲେ କି ବିନ୍ ମେଃତିଗ୍ ଆରେକ୍ସେ ଜିନିସ୍ ନେନେ ମାପୁରୁ କିସ୍ଟ
 ଜିସୁନେବାନ୍ ନ୍‌ଲେଃକେ ଇସପରନେ ଆଲାଦ୍‌ବାନ୍ ଜା ଆନେକେ
 ଅଲ୍‌ଗା ଆତିଙ୍ଗି ଆୟା ଶୁ ।



ଇସପର ଆରି ମେଁନେ ରେମୁଆଁଇଙ୍ଗି

୧ ନିଂ ସଡ଼ ବାସଙ୍ଗିଣ୍ଡିକେ, କ୍ରିସ୍ତୁନେ ତିଂଲ୍ଲେଃକେସାଃ ନେଙ୍ଗିନେ
 ଗରବେ ଅରିଆ ଜାବର ଦୁକ୍ ବାରି କାଲାଆଃ ଦୁକା ତିଂତିଙ୍ଗିକେ,
 ୨ ଆକେନ୍ ନେଙ୍ଗ୍ କିସ୍ଟନେ ସାମ୍‌ନାଅରିଆ ସଡ଼ ବାଲିରୁଣ୍ଡିକେ ମିଡ଼
 ବାସଙ୍ଗି ନାତିଙ୍ଗିକେ ନେଙ୍ଗିନେ ବିବେକ୍ ପବିତ୍ର ଆମ୍‌ନା ନେପୁରେ
 ନେଙ୍ଗ୍ ଏତେ ସାକି ବିତିଙ୍ଗିକେ । ୩ ତାଗ୍‌ଲା ଜାଣେଇଂ ଗାଗଡ଼େ
 ଇସାବରେ ନେଙ୍ଗିନେ ରେମୁଆଁଗଣ୍ଡି ଦେକରକମ୍ ନେଙ୍ଗିନେ ବୟାଂଇଂ
 ଆଡ଼ଲା ନେଙ୍ଗ୍ ନିଜେ କିସ୍ଟନେ ତାଗ୍‌ରା ବାନ୍ ଅଲ୍‌ଗା ଲେଃତେ
 ଅବିସାପ୍ ବାନ୍‌ସା ଇକ୍‌ଟା ଫାତିଙ୍ଗି । ୪ ମେଇଂ ତ ଇସ୍ରାଏଲ୍‌ନେ
 ଡଂଡେଇଂ ଗୌରବ୍ ନିୟମ୍ ଆଣ୍ଡେଙ୍ଗ୍ ନିୟମ୍ ବିନେ ପାର୍ତନା
 ତିଙ୍ଗିନେ ବାରି ଆଦେସ୍ ଆଣ୍ଡେଙ୍ଗ୍ ମେଇଂନେ । ୫ ଡ୍ରାଞ୍ଜାଇଂ ମେଇଂନେ

ବାରି ଗାଗଡ଼େନେ ଇସାବରେ ମେଇଁନେବାନ୍ କିସ୍ତ ପାଙ୍ଗଲେଃକେ; ଆତେନ୍ ସାପାନେ ଇସପର ଜୁଗ୍ ଜୁଗ୍ ଦନ୍ୟ ତିଙ୍ଗଲେ ଆମେନ୍ ।

୬ ମାତର ଇସପରନେ ବ୍ଲାଇର ଜେ ସରାଃ ତିଙ୍ଗଲେଃକେ ଦେକ୍ ରକମ୍ ଶୁଭାଗଲା ଜାଣ୍ଟେଇଁ ଇଶ୍ରାୟେଲ୍ ବଂସନ୍ନିଆବାନ୍ ଜନମ୍ ପାଙ୍ଗଲେଃକେ ମେଇଁ ମେଃନେ ସାପାରେ ଇସ୍ରାଏଲ୍ନେ ୭ ବା ଅରୁହାମ୍ନେ ବଂସ ତାଗ୍ତେ ଜା ସାପାରେ ଗରିସିଆ ଆତେନ୍ ଶୁଭା “ମାତର ଇସାକ୍ ତାଗ୍ତା ନାନେ ବଂସ ଜନମ୍ ପାଙ୍ଗ୍ ।” ୮ ଆକ୍ଳେନେ ଅରତ ତିଙ୍ଗତିଙ୍ଗକେ ରେମୁଆଁ ଉଙ୍ଗତେ ତିଙ୍ଗଲେଲା ଇସପରନେ ଉଙ୍ଗତେ ତିଙ୍ଗ ଆୟା ଶୁଭା ଇସପରନେ ପାରମାନ୍ ଇସାବରେ ଜନମ୍ ତିଙ୍ଗଲେଃକେ ଉଙ୍ଗତେଇଁ ଇସପର ସାମନାରେ ସଡ଼ ଉଙ୍ଗତେ ତାଗ୍ତେ ମ୍ୟାଃଆରୁଏ । ୯ ଇସପର ଆକେନ୍ ପାରମାନ୍ ତିଙ୍ଗବଗେ “ଟିକ୍ ଆକେନ୍ ଆରକେ ନେ ନେଅଲେଙ୍ଗ୍ ଆତେନ୍ବେଲା ସାରାକେ ଗଡ଼େଅ ଜନମ୍ ତିଙ୍ଗଲେଃକେ ।”

୧୦ ବାରି ଅଃତେନ୍ ଆଃ ଶୁଭା । ରିବିକାନେ ମ୍ବାକିଲିଗ୍ ଉଙ୍ଗତେ ମୁଇଁ ବାଡ଼େ ଇସହାକ୍ବାନ୍ ଜନମ୍ ତିଙ୍ଗଲେଃକେ ତିଗ୍ । ୧୧ ଆକ୍ଳେଇଁନେବାନ୍ ମୁଇଁ ଇସପରନେ ଉଦେସ୍ ପୁରନ୍ ଆଃତିଁ ନସା ସିକେ । ମେଇଁ ଜନମ୍ ତିଙ୍ଗକ୍ଳେ ସିସେ ଜାଣ୍ଟେ କିଟି ସଡ଼ ବା ଅସଡ଼ କାମ୍ ତିଙ୍ଗନେ ସେନୁଗ୍ ଇସପର ଆକେନ୍ ବାସଙ୍ଗବଗେ । ମେଇଁନେ କାମ୍ ତିଙ୍ଗକ୍ଳେ ରୁଚୁବାନ୍ ଶୁଭୁକବଲ୍ ଇସପର ଖାକ୍ଳେବାନ୍ ମେଇଁ ମନନିଡ଼ ତିଙ୍ଗଆରକେ । ୧୨ ଆତେନ୍ସା ରିବିକାକେ ଇସପର ବାଲିରକେ “ମ୍ବାବୟାଁ ତାଆଁ ବୟାଁନେ ସେବା ତିଙ୍ଗ୍ ।” ୧୩ ସାସ୍ତରନେ ବ୍ଲାଲିର ଇସାବରେ “ଜାକୁବକେ ନେ ଆଲାଦ୍ ନେତିଁକେ ମାତର ଏଷୌକେ ଗୁରନା ନେତିଙ୍ଗକେ ।”

୧୪ ତେଲା ମେଃନେ ନେବାସଙ୍ଗ୍, “ଇସପର ଅନ୍ୟାୟ୍ ତିଙ୍ଗତିଙ୍ଗକେ କି ?” ଅଃନା ଶୁଭା । ୧୫ ମେଃତାଗ୍ଲା ମେଁ ମୋଗାକେ ବାସଙ୍ଗବଗେ “ନେ ଆଜାକେ ଇକ୍ତା ଆମେକେ ଅନୁଗ୍ରଅ ନେତିଙ୍ଗ୍; ଆଜାକେ ଇକ୍ତା ଆମେକେ ଦୟା ନେତିଙ୍ଗ୍ ।” ୧୬ ତେସା ସାପା ବିସୟ୍ ଇସପରନେ ଅନୁଗ୍ରଅ ଆଡ଼ାଡ଼ା ଆସା ତିଆରତିଁକ୍ଳେ ରେମୁଆଁନେ ରାଜିରେ ବା କାମ୍ ଆଡ଼ାଡ଼ା ଶୁଭା । ୧୭ ସାସ୍ତର ଇସାବରେ ଇସପର ମିସରନେ ଇଃସାଙ୍ଗକେ ବାଲିରବଗେ “ନା ବାନ୍ ନେନେ

ବପୁ ଆକେନ୍‌ସା ବାରି ସାପା ମଞ୍ଚପୁର୍‌ନ୍ନିଆ ନେନେ ମ୍ନି ମଇମା ତିଂଏ, ଆକେନ୍‌ସା ନେ ଆନାକେ ଇଃସାଙ୍ଗୁ ଆତିଙ୍ଗନେବ ।” ୧୮ ଆତେନ୍‌ସା ଇସ୍‌ପରନେ ରାଜି ଇସାବରେ ମେଁ ଜା ଆଡ଼ାତ୍ରା ଦୟା ଆଃସୁଏଃଏ ବାରି ଆଜାକେ ତାଟ୍ ଆସୁଏନ୍‌ସା ଆନ୍ତାର ବିଏ ।

ଇସ୍‌ପରନେ ରିସା ବାରି ଦୟା

୧୯ ପେ ବିଡ଼ରେବାନ୍ ଜାଣ୍ଡେଡିଗ୍ ଆନେଙ୍ଗକେ ବାସଙ୍ଗ୍ ଯାଏ “ତେଡ଼ଲା ଇସ୍‌ପର ମେଁସା ଆଜାକେ ଦସି ଆତିଙ୍ଗଏ ? ଜା ମେଃନେ ଇସ୍‌ପର ବିରୁଦ୍‌ରେ ମେଃଡିଗ୍ ବାସଙ୍ଗ୍ ଯାଏ ?” ୨୦ ମାତର୍ ବୟାଁଇଂ ଇସ୍‌ପରନେ ସାମୁଆଁରେ କିରମର ତିଙ୍ଗନେସା ନା ଜାଣ୍ଡେ ? “ଆନେଙ୍ଗ୍ ଦେଡ଼ରକମ୍ ମେଁସା ନାରାଃରେକେ” ତାଗ୍‌ଚେ ମୁତାମୁଇଂ ମୁତା ଆଃରେଣ୍ଡେକେ ସାଲିଆକୁଗ୍ ଆୟା ଶୁ । ୨୧ ତୁବକେ କୁମ୍‌ବାର ନିଜର୍ ଇକଟା ଇସାବରେ ବେବଆର୍ ତିଙ୍ଗଚେ ମୁତା ଆରେନ୍‌ସା ମୁତା ଆରେନେ ପୁରାପୁରି ଅଦିକାର୍ ଲେଃକେ । ମୁଇଂ ରକମ୍ ତୁବଃ କିଡ଼ିଲଃସବାନ୍ ମେଁ ମ୍‌ବାର୍ ରକମ୍ କୁଇ ଆରେ ଇୟାଏ ମୁଇଂ ବଲ୍ ଦିନା ଆଣ୍ଡେଙ୍ଗ୍‌ସା ବାର୍‌ମୁଇଂ ସରାଃଦିନା କାମ୍ ଆଣ୍ଡେଙ୍ଗ୍ ଅରିଆ ବେବଆର୍ ତିଙ୍ଗନେସା ।

୨୨ ଇସ୍‌ପର ତିଗ୍ ଟିକ୍ ଦେଡ଼ରକମ୍ ତିଙ୍ଗବକେ । ମେଁ ଚାଏଁତିଂଗେ, ମେଁନେ ରିସା ଆସୁଏଃ ନସା ବାରି ଜିତେନେ ଆସୁଏଃ ନସା । ମାତର୍ ଜାଣ୍ଡେ ମେଁନେ ରିସା ରେମୁଆଁ ତିଙ୍ଗଚେ ନସୁ ତିଙ୍ଗନେ ତିଲାଡିଗ୍ ଲେଃଗେ, ମେଇଂନେ ଆଡ଼ାତ୍ରା ଇସ୍‌ପର ଜାବର୍ ଦୟାଦରମ୍ ଆଃସୁଏକେ । ୨୩ ବାରି ମେଁ ମେଃନେ ଅଗ୍ଲେଟଗ୍ଲେ ଗୌରବ୍ ଆକେନ୍‌ସା ଆନେକେ ବିନ୍ ଅନୁଗ୍ରଅନେ କୁଇ ରକମ୍ ସିସେ ବାନ୍ ସିବଗେ । ୨୪ ଜିହୁଦି ବାରି ବିଜାତି ରେମୁଆଁଇଂନେ ବିଡ଼ରେ ମେଁ ଆନେକେ ଝାବକେ । ୨୫ ଆକେନ୍ ସମ୍‌କରେ ହୋଶେୟ ବଇନ୍ନିଆ ଇସ୍‌ପର ବାସଙ୍ଗ୍‌ବକେ:

“ଜାଣ୍ଡେଇଂ ନେନେ ରେମୁଆଁ ଆଲେଗେ;
 ଆମେଇଂକେ ନିଜର୍ ରେମୁଆଁ ରକମ୍ ନେଝାଏ ।
 ମୁଡ଼ି ଜାତିକେ ନେ ଆଲାଦ୍ ତିଂନେଃଡିଙ୍ଗେ ଶୁ
 ଆମେକେ ନେନେ ବୟାଁ ତାଗ୍‌ଚେ ନେବାସଙ୍ଗ୍ ।

୨୭ ଆଣ୍ଟିନେ ଜାଗା ଅରିଆ ଆମେଇଂକେ ବାଲିରନେବଗେ ‘ପେ
 ନେନେ ରେମୁଆଁ ଶୁ’
 ଆଡୁଅରିଆ ମେଇଂ ଜିବନ୍ ଇସ୍‌ପରନେ ଉଇଂଡେ ଡାଗ୍‌ଚେ
 ବାସଙ୍ଗଆରୁଏ ।”

୨୭ ବାରି ଇସ୍ରାଏଲ ସମ୍ପର୍କରେ ଯିଶାଇୟ ବାଲିରବଗେ “ଜଦି ତିଙ୍ଗଏ
 ଇଶ୍ରାୟେଲ୍‌ଇଂ ମ୍ବା କେଣ୍ଡିଆନେ ବାଲି ରକମ୍ ଏଜା ଆଡିଙ୍ଗ୍ ଶୁ
 ମେଇଂନେବାନ୍ ଗଣ୍ଡା ଉଡିରୁଆ ମାତର୍ ପରିତ୍ରାନ୍ ବା ଆରୁଏ ।
 ୨୮ ମେଃଡାଗ୍‌ଲା ମାପୁରୁ ଜିଆଜିଆ ମଞ୍ଚୁପୁରୁନ୍ନିଆ ପୁରାପୁରି ନ୍ୟାୟ
 ବିଚାର ତିଙ୍ଗଏ ।” ୨୯ ତିଡିରକମ୍ ଯିଶାଇୟ ଅଃସେ ବାସଙ୍ଗବଗେ,
 “ସାପାଟୁ ବପୁରେ ମାପୁରୁ ନେନେ ଉଡିରୁଆ ବସ୍‌କୁଲକେ ରକ୍ୟା
 ତିଙ୍ଗିଆବଗେ ନେନେ ଅବସ୍ତା ସଦୋମ ବାରି ଗମୋରାନେ
 ରେମୁଆଁଇଂ ରକମ୍ ପାଡିଙ୍ଗିଆର ।”

ଇଶ୍ରାୟେଲ୍ ନ୍ୟା ପାଉଲନେ ପାର୍ତନା

୩୦ ତେସା ବିଜାତି ରେମୁଆଁଇଂନେ ବିସୟରେ ଆକେନ୍ ବାସଙ୍ଗ
 ଯାଡିଙ୍ଗଏ ମେଇଂ ଦାର୍‌ମିକ୍ ତିଙ୍ଗିଆ ଚେସ୍‌ଟା ତିଙ୍ଗି ଆଡିଙ୍ଗିଆରଗେ
 ମାତର୍ ମେଇଂନେ ବିସ୍‌ବାସ୍ ନ୍ୟା ଦାର୍‌ମିକ୍ ତିଙ୍ଗି ଯାଆରକେ
 । ୩୧ ମାତର୍ ଜିଉଦିଇଂ ନିୟମ୍ ବାନ୍ ଦାର୍‌ମିକ୍ ତିଙ୍ଗିନେସା
 ଚେସ୍‌ଟା ତିଙ୍ଗିଚେ ସରା ତିଙ୍ଗିଲେଃଆରକେ । ୩୨ ଆକ୍ଟେନେ କାରନ୍
 ତିଙ୍ଗିତିଙ୍ଗିକେ ମେଇଂ ନିଜର୍ ଚେସ୍‌ଟା ଆଡାଡ୍ରା ଆସା ତିଙ୍ଗିଆରତିଙ୍ଗେ
 ବିସ୍‌ବାସ୍ ଆଡାଡ୍ରା ଶୁ । ଆଡେନ୍‌ସା ମେଇଂ କସ୍‌ଟ ବିତିଙ୍ଗିକ୍ଟେ
 ବ୍ରି ଅରିଆ ଚିନା ବାନାଚେ ଟେପ୍‌ଞ୍ଜ ଲଃଆରକେ । ୩୩ ସାସ୍‌ପୁରିଆ
 ତିଡିରକମ୍ ଗୁଆରବକେ:

“କେଲ୍ୟାପା ନେ ସିୟନ ଆଡାଡ୍ରା ମୁଇଂ ବ୍ରି ବାରି ମୁଇଂ ପ୍‌ଡାର୍‌ବିର୍
 ଆରେନେବକେ ।
 ଆଡୁଅରିଆ ଚିନା ବାନାଚେ ରେମୁଆଁଇଙ୍ଗ୍ ଟେପ୍‌ଞ୍ଜ ଲଃଆରୁଏ ।
 ମାତର୍ ବିସ୍‌ବାସ୍ ରେମୁଆଁଇଂ ନିରାସ୍ ଆଡିଙ୍ଗିଆର ଶୁ”

୧୦

୧ ଅ ବୟାଁ ତନାଇଂ ନେଙ୍ଗ୍ ନିଜର୍ ଜାତିନେ ରେମୁଆଁ ଉଦାର୍
 ବାଆରଲେ ଆକେନ୍ ନେଙ୍ଗ୍‌ନେ ଗର୍‌ବେନେ ଇକ୍‌ଟା ବାରି ଇସ୍‌ପର୍
 ଡାଗ୍‌ରା ଆକେନ୍ ନେଙ୍ଗ୍‌ନେ ମୁଇଂ ପାର୍ତନା । ୨ ଇସ୍‌ପର୍ ଆଡାଡ୍ରା

ମେଇଁନେ ଜୀବର ବକ୍ତି ଲେଖକେ ମାତର ଆତେନ୍ ବକ୍ତି ସତ୍ତ୍ୱ ଗିଆନ୍ ଆଡ଼ାତ୍ରା ଆରାରେକେ ଶ୍ରୁ । ^୩ ରେମୁଆଁନେ ଦାର୍ମିକ୍ ରକମ୍ ଗୁଅନ୍ ଡିଙ୍ଗନେସା ଇସପର ଆରେବକ୍ତେ ଉପାୟ୍ ତଙ୍ଗାନ୍ ମାରାଡିଙ୍ଗରେ ମେଇଁ ଦାର୍ମିକ୍ ଡିଙ୍ଗନେସା ନିଜେନେ ଗାଲିପାକା ଅଲେଙ୍ଗ୍ ତିଆରକେ । ତେସା ମେଇଁ ଇସପରନେ ଆତେନ୍ ଗାଲିକେ ଆନ୍ତାର୍ ବିବଆରକେ । ^୪ କିସ୍ତ ଆଃ ନିୟମନେ ସାପା କିଟି ମୁଇଁ ମେଁଡାଗ୍ରା ବିସ୍ବାସ୍ ଡିଙ୍ଗନେବାନ୍ ରେମୁଆଁ ଇସପରନେ ଡାଗ୍ରା ଦାର୍ମିକ୍ ଡାଗ୍ରାରେ ଆଃକେପା ।

ସାପାରେ ନସା ଉଦାର୍

^୫ ନିୟମ ପାଲେନେବାନ୍ ଦାର୍ମିକ୍ ଡିଙ୍ଗନେ ବିସୟରେ ମୋଗା ଗୁଆରବକେ: “ଜାଣ୍ଡେଇଁ ଇସପରନେ ଆଦେସ୍ ପାଲେ ଆରଡିଙ୍ଗକେ ମେଇଁ ରୁଆ ଆରଏ ।” ^୬ ମାତର ବିସ୍ବାସ୍ ଏତେ ଦାର୍ମିକ୍ ଆକେନ୍ ବିସୟରେ ସାସ୍ତରଅରିଆ ଗୁଆରବକେ “ଜା କିତଂଇନି ତେଃଏ ? କିସ୍ତକେ ଆଲ ରାଙ୍ଗଜାର୍ ନସା ପେ ଆକେନ୍ ପ୍ରସ୍ନ ଡିଙ୍ଗନେ ବଲ୍ ଶ୍ରୁ । ^୭ ବାରି ଜା ପାତାଲ୍ପୁର୍ ଝେଏ ? କିସ୍ତକେ ଆଃତଡ଼୍ୟାରେ ତୁଙ୍ଗପାଙ୍ଗ୍ ନସା ଆକେନ୍ ସାମୁଆଁ ତିଗ୍ ପେ ସାଲିଆକୁନେ କିଟି ଦରକାର୍ ଶ୍ରୁ ।” ^୮ ମେଃଡାଗ୍ରାଲ୍ ସାସ୍ତର ଇସାବରେ “ଇସପରନେ ବ୍ଲାଇର୍ ନା ଡାଗ୍ରା ନା ତୁମୁଆଃ ବାରି ଉର୍ଦେନ୍ନିଆ ଲେଃକେ ।” ବିସ୍ବାସ୍ ବିସୟରେ ଆକେନ୍ ବ୍ଲାଇର୍ ଆଃ ନେ ବାସଙ୍ଗନେଡିଙ୍ଗକେ । ^୯ ଜଦି ଜିସୁକେ ମାପୁର୍ ଡାଗ୍ରାରେ ତୁମୁଆଃନ୍ନିଆ ପେବାସଙ୍ଗ୍ ବାରି ଇସପର ଆମେକେ ଗୁଏକ୍ତେବାନ୍ ଆଃତଡ଼୍ୟା ବକେ ଡାଗ୍ରାରେ ଉର୍ଦେ ଅରିଆ ବିସ୍ବାସ୍ ଡିଙ୍ଗପା ତେଲା ପେ ଉଦାର୍ ପେବାଏ । ^{୧୦} ବିସ୍ବାସ୍ ଏତେ ନେ ଇସପରନେ ସାମ୍ନାରେ ଦାର୍ମିକ୍ ଡାଗ୍ରାରେ ଆକେଡିଙ୍ଗ୍ ବାରି ତୁମୁଆଃନ୍ନିଆ ବାସଙ୍ଗନେବାନ୍ ନେ ଉଦାର୍ ବାନେୟାଏ । ^{୧୧} ସାସ୍ତର ଇସାବରେ “ମେଁ ଡାଗ୍ରା ବିସ୍ବାସ୍ ଡିଙ୍ଗରେ ଜା ତିଗ୍ ଗିଆସ୍ ଆଡିଙ୍ଗ୍ ଶ୍ରୁ ।” ^{୧୨} ମେଃଡିଗ୍ ବେଦବାଦ୍ ମାଲେଃରେ ଆକେନ୍ ସାମୁଆଁ ଜିହୁଦି ଅଣଜିଉଦି ସାପାରେ ନସା ଦରକାର୍ । କେବଲ୍ ଇସପର ସାପାରେନେ ମାପୁର୍ । ଜାଣ୍ଡେଇଁ ମେଇଁନେ ସାଇଜ୍ୟ ପାର୍ତନା

ଡିଙ୍ଗୁଆରୁଏ ଆମେଇଂକେ ମେଁ ଜାବର ଆସିରବାଦ୍ ଡିଙ୍ଗୁଏ । ୧୩ “ଜା ଡିଗ୍ ମାପରୁ ମିରେ ପାରତନା ଡିଙ୍ଗୁଏ ମେଁ ଉଦାର ବାଏ ।”

୧୪ ମାତର ମେଁ ଡାଗରା ବିସବାସ୍ ମାଡିଙ୍ଗୁତେ ମେଇଙ୍ଗୁ ଡିରକମ୍ ଆମେକେ ପାରତନା ଡିଙ୍ଗୁଏ ? ବାରି ମେଁ ବିସୟରେ ମାପରୁ ସାମୁଆଁ ମାଡିଗ୍ତେ ମେଇଙ୍ଗୁ ଡିରକମ୍ ବିସବାସ୍ ଡିଙ୍ଗୁଆରୁଏ ? ବାରି ବାସଙ୍ଗୁ ଆଅଲେଙ୍ଗୁଲା ଆତେନ୍ ବ୍ଲାଲିର୍ ମେଇଂ ଡିରକମ୍ ଅଁଆରୁଏ ? ୧୫ ବାରି ବାସଙ୍ଗୁ ଅଲେଙ୍ଗୁନେସା ମୁଇଙ୍ଗୁଡା ବାସଙ୍ଗୁ ଅଲେଙ୍ଗୁଏ ଡିରକମ୍ ? ଏନ୍ ବିସୟରେ ସାସ୍ତ୍ରନ୍ନିଆ ଗୁଆରବକେ: “ମାପରୁ ସାମୁଆଁ ବାସଙ୍ଗୁ ଅଲେଙ୍ଗୁଣ୍ଡେନେ ମାପରୁ ଏତେ ୱେନେ ଉଡି ମ୍ଲେଡୁଧାନେ ସାମୁଆଁ !”

୧୬ ମାତର ସାପାରେ ଆତେନ୍ ମାପରୁନେ ସାମୁଆଁକେ ଆସା ଆର୍ । ଆତେନ୍ସା ଯିଶାଇୟ ଗୁଆରବକେ “ମାପରୁ ନେ ବ୍ଲାଲିର୍ ଦ୍ରିଗ୍ତେ ଜା ବିସବାସ୍ ଡିଙ୍ଗୁଲେଃକେ ?” ୧୭ ମାପରୁ ସାମୁଆଁ ଦ୍ରିଗ୍ନେବନ୍ ବିସବାସ୍ ପାଙ୍ଗୁଏ ବାରି କିସ୍ତନେ ସାମୁଆଁକେ ବାସଙ୍ଗୁନେ ଆଃ ଆତେନ୍ ନିମାଣ୍ଡାସାମୁଆଁ ।

୧୮ ନେଙ୍ଗୁ ନ୍ସେଲ୍ୟାଃକ୍ସ:

ମେଇଂ ମେଃନେ ଆତେନ୍ ବ୍ଲାଲିର୍ ଆଅଁଆରକେ ? ଡିଲାଡିଗ୍ ଅଁ ଲେଃଆରକେ ମେଃଡାଗ୍ଲା ସାସ୍ତ୍ରନ୍ନିଆ ଗୁଆରବକେ:

“ମେଇଂନେ ସାମୁଆଁ ମଞ୍ଚୁପୁର୍ ସାରା ଉଡ୍ରା ଡିଙ୍ଗୁଲେଃକେ ମେଇଂନେ ସାମୁଆଁ ମଞ୍ଚୁପୁର୍ନେ ସାରାସାରି ଜାକ ଅଁ ଲେଃଆରକେ ।”

୧୯ ବାରି ମୁଇଂତର୍ ନେଙ୍ଗୁ ନ୍ସାଲିକ୍ସୁଗ୍କେ:

ଇସ୍ରାଏଲ୍ ରେମୁଆଁଇଂ ମେଃନେ ଆତେନ୍ ଆଡିଗ୍ ଆରକେ ?

ଜାବର ଅଃସେବନ୍ ମୋଶା ଆକେନ୍ନେ ଉତର୍ ବିତେ ଗୁଆରବକେ:

“ନେ ରେମୁଆଁକେ ଗିସେ ଆଡିଙ୍ଗୁନେସା ମୁଇଂ ମାମ୍ୟାଃନେ କୁଟୁମ୍କେ ବେବଆର୍ ନେଡିଙ୍ଗୁଏ ।

ଦେଡରକମ୍ ମୁଇଂ ମୁରକ କୁଟୁମ୍ ଏତେ ଆମେଇଂକେ ରିସା ନେରାଃଡିଂଏ ।”

୨୦ ଯିଶାଇୟ ବାରମୁଇଂତର୍ ସାହାସ୍ ଏତେ ବାଲିର୍ବକେ

“ଆନେକେ ତୁର ଆଅଲେଙ୍ଗ୍ରେ ରେମୁଆଁଇଁ ନେନେ କବର୍
 ବାଲିରକେ;
 ଜାଣ୍ଡେଇଁ ଆନେକେ ତୁର ଆଅଲେଙ୍ଗ୍ରେକେ ମେଇଁନେ ଡାଗରା
 ନେ ନେରାନ୍ତାକେ ।”

୨୧ ମାତର୍ ଇସ୍ରାଏଲ୍ ରେମୁଆଁଇଁନେ ବିସୟରେ ମେଁ ବାସଙ୍ଗମ୍ୟାକେ:
 “ମୁଇଁ ଅମାନି ଓଁଙ୍ଗ୍ଆ ରିଙ୍ଗ୍ଆ ଜାତିକେ ନେ କାଲାଆଃ ତ୍ରି ଆଲ୍ଲେଚେ
 ଖା ନେଡିଙ୍ଗ୍ରେକେ ।”

୧୧

ଇସ୍ରାଏଲ୍‌ଶ୍ରେଇଁନେ ଆଡ଼ାଡ଼ା ଇସପରନେ ଦୟା

୧ ନେଙ୍ଗ୍ ବାରି ସାଲ୍ୟାକୁଗ୍ ଇୟାଏ, “ତେଲା ମେଠନେ ଇସପର୍
 ମେଠନେ ନିଜର୍ ରେମୁଆଁଶ୍ରେଇଁକେ ମନା ତିଙ୍ଗ୍ବକେ ? ଅଃନା
 ଶୁ! ନେଙ୍ଗ୍ ନିଜେ ମୁଇଁ ଇସ୍ରାଏଲ୍‌ନେ ରେମୁଆଁ ଅବ୍ରାହାମ୍‌ନେ
 କୁଲ୍‌ବସ୍ ବାରି ବେଞ୍ଜାମିନ କୁଲ୍‌ବାନ୍ ଜନମ୍ ତିଙ୍ଗ୍ନାଲେଃକେ ।
 ୨ ଇସପର୍ ସିସେବାନ୍ ସିବକ୍ ମେଁନେ ରେମୁଆଁକେ ଅଃନାଡିଗ୍
 ମନା ଆଡିଙ୍ଗ୍ରେକେ ଶୁ । ପେ ସାସ୍ତର୍ ଅରିଆ ଲଃପେଲେଃକେ
 ତିଡିରକମ୍ ଏଲୀୟ ଇସପର୍ ଡାଗରା ଇସ୍ରାଏଲ୍ ରେମୁଆଁକେ
 ବିରଦ୍‌ରେ ନିନ୍ଦା ତିଙ୍ଗ୍ରେ ବାଲିରବଗେ ।” ୩ “ମାପୁରୁ ମେଇଁ
 ନାନେ ବାବବାଦି ରେମୁଆଁକେ ବାଗୁଏ ବଆରକେ ବାରି ନାନେ
 ପୁଜା କୁଶ୍‌ଇଁ ପାକ୍ତି ବଆରକେ । ମାତର୍ ନେଙ୍ଗ୍‌ଆ ତ ଲ୍ଲେଃକେ
 ଆନେଙ୍ଗ୍ ତିଗ୍ ବାଗୁଏଃ ବିଃନ୍‌ସା ମେଇଁ ଚେସ୍‌ଟା ତିଙ୍ଗ୍‌ଆରତିକେ
 ।” ୪ ଇସପର୍ ଏଲିୟକେ ଉତର୍ ବିଃବଗେ “ବଶ୍ତ ଦେବ୍‌ତା ବାଲ୍
 ମୁରତିକେ ପୁଜା ତିଙ୍ଗ୍‌ଆଲେଙ୍ଗ୍ରେ ଗୁ ଅଜାର୍ ରେମୁଆଁକେ ନେ
 ଆଡ଼ଲା ନେବକେ ।” ୫ ଏବେ ଟିକ୍ ଦେଡ଼ରକମ୍ ଗଟେ ଲେଃକେ
 । ଇସପର୍ ଦୟା ତିଙ୍ଗ୍ରେ ଜାଣ୍ଡେଇଁକେ ସିବଗେ ମେଇଁନେ ବାନ୍
 ଗଣ୍ଡା ଉଡ଼ିରୁଆ ଲୁଆଁ ଲେଃକେ । ୬ ଇସପର୍ ଆମେଇଁକେ ସିବକେ
 ନିଜେନେ ଦୟା ନ୍‌ସା । ଜଦି ମେଇଁନେ ସଡ଼ କାମ୍ ନ୍‌ସା ଇସପର୍
 ଆମେଇଁକେ ସିପାବ ମେଇଁନେ ଦୟା ସଡ଼ ଦୟା ଆଡିଙ୍ଗ୍ ପାଡିଙ୍ଗ୍ ।

୭ ତେଲା ମେଁ ତିଙ୍ଗ୍ରେ ? ଇସ୍ରାଏଲ୍ ରେମୁଆଁକେ ମେଠନେ
 ତୁରଡିଙ୍ଗ୍‌ଆରଗେ ଆଡେନ୍ ଆଅବାଆରକେ ଶୁ । ମାତର୍ ଇସପର୍

ସ୍ତ୍ରୀବଢ଼େ ମୁଇଁ ଆଃ ତାଆଁ ଦଲ୍ ମେଃନେ କବର୍ ବାକେ । ବିନ୍ରେ ଜା ଇସପର୍ ଖାକ୍ନେ ଆଡ଼ାବାନ୍ ଆଅଁ ଆରକେ । ୮ ସାସ୍ତୁରେ ବ୍ଲାଲିର୍ ଇସାବରେ “ସଡ଼ ରକମ୍ ଇସପର୍ ମେଇଁନେ ମନ୍ ବାରି ରୁଦ୍‌ୟକେ ଆମିସୁବକେ । ଏ ଜାକ ମେଇଁ ମେଃନେ କିକେ ତିଆରକ୍ଲେ ଲେଃ ଦ୍ରିଗ୍ ଯାଡ଼ିକ୍ଲେ ।” ୯ ମେଇଁନେ ବିସୟରେ ଦାଉଦ୍ ଗୁଆରବକେ: “ମେଇଁ ଚଙ୍ଗଉଗ ବେଲା ପାନ୍‌ଅରିଆ ଲଃଆରଲେ । ଲଡ଼େଃଚେ ତଣ୍ଟ ବାଆରଲେ ।

୧୦ ମେଇଁ ଘୁଆଁଃ କାନା ତିଙ୍ଗ୍‌ଚେ ମେଃତିଗ୍ କିକେ ଆୟାଆରଲେ । କାଲାଆଃ ଦୁକ୍ କସ୍‌ଟ ବା ବାଚେ ମେଇଁନେ ନ୍‌ସାଃ କୁପଡ଼ ତିଙ୍ଗ୍‌ଲେ ।”

୧୧ ତେଲା ନେଙ୍ଗ୍ ସାଲିଆକୁ ଶ୍ରିଙ୍ଗ୍‌କେ: ଜିଉଦିଇଁ ଟେପ୍‌ଃ ଲଃଚେ ମେଁନେ ନସ୍ ତିଙ୍ଗ୍‌ଆରତିକେ ? ଅଃନା ଶ୍ରି ମେଇଁ ପାପ୍ ତିଙ୍ଗ୍‌ବଲା ଆମେଇଁକେ ଇକ୍‌ଟା ଆଡ଼ିଙ୍ଗ୍ ନ୍‌ସା ବିଜାତି ରେମୁଆଁଇଁକେ ଉଦାର୍ ବାନେ ଅଦିକାରି ବିଆରକେ । ୧୨ ଜିଉଦି ରେମୁଆଁଇଁନେ ପାପ୍ ମଞ୍ଚପୁରେ ବିନ୍ ସାପାରେନେ ନ୍‌ସା ଜାବର୍ ଆସିରବାଦ୍ ତୁଙ୍ଗ୍‌ପାଙ୍ଗ୍‌ବକେ । ଜିଉଦି ରେମୁଆଁଇଁନେ ଆଦ୍ୟାମିକରେ ଗରିବ୍ ନ୍‌ସା ବିଜାତି ରେମୁଆଁଇଁ ଆସିରବାଦ୍ ବାନେ ଗୁଲେ ବାବରେ ଲାବ୍ ତିଙ୍ଗ୍‌ବଆରକେ । ଜଦି ସାପା ଜିହୁଦି କୁଟୁମ୍ ରକ୍ୟା ବାଆରଏ ତେଲା ଆଡ଼ବା ବାରି ଉଡ଼ି ଗୁଏ ଆସିରବାଦ୍ ଆମିଲେ ?

ଅଣଜିଉଦି ରେମୁଆଁଇଁନେ ଉଦାର୍

୧୩ ବିଜାତି ରେମୁଆଁଇଁକେ ନେଙ୍ଗ୍ ମ୍ବାସଙ୍ଗ୍‌ଏ, ପେ ଆଡ଼ଲା ପ୍ରେରିଡ଼ ସିସ୍ ରକମ୍ ତିଙ୍ଗ୍‌ନେସା ନେଙ୍ଗ୍ ଗରବ୍ ମନେ ତିଙ୍ଗ୍‌ଶ୍ରିଙ୍ଗ୍‌କେ । ୧୪ ଏନ୍ ବାନ୍ ଜଦି ନେଙ୍ଗ୍ କୁଟୁମ୍ ରେମୁଆଁଇଁକେ ଇକ୍‌ଟା ଆଡ଼ିଙ୍ଗ୍‌ଚେ ମେଇଁନେ ବାନ୍ ଉଡ଼ିରୁଆକେ ରକ୍ୟା ତିଙ୍ଗ୍ ଇୟାଏ । ୧୫ ତାଗଲା ମେଇଁ ଆନ୍ତାରକ୍ନେବାନ୍ ଇସପର୍ ଏଡେ ସାପା ରେମୁଆଁ ଜାତିନେ କୁଟୁମ୍ ତିଙ୍ଗ୍‌ଲେଃକେ । ତେଲା ଇସପର୍ ସାପା ଜିହୁଦି କୁଟୁମ୍‌କେ ଗ୍ରଅନ୍ ତିଙ୍ଗ୍‌ଏ, ମେଁନେ ଆଡ଼ାତ୍ରା ମେଃନେ ତିଙ୍ଗ୍‌ଏ ? ଆଡେନ୍ ତିଙ୍ଗ୍‌ଏ ଗୁଏକ୍ନେ ରେମୁଆଁ ମ୍‌ନେ ରକମ୍ ।

୧୬ ଆରି ଜଦି ପରତୁମ୍ ଇସପର୍ ନ୍‌ସା ଅପେଃକ୍ନେ ବାଗ୍ ପବିତ୍ର, ଡେଡ଼ଲା ସାପା ଅଟା ତିଗ୍ ପବିତ୍ର; ବାରି, ଜଦି ଚେର୍ ପବିତ୍ର, ତେଲା

କେନ୍ଦା ସାପା ତିଗ୍ ପବିତ୍ର । ୧୭ ମାତର ଜଦି ଉଡ଼ିକ୍ଲିଗ୍ କେନ୍ଦା ଚିନ୍ ତିଂକେ ଆରି ପେ କଣ୍ଡା ଜନ୍ତୁ ଜିତ ସ୍ଲାଃନେ କେନ୍ଦା ପେଡ଼ିଲା ତିଗ୍ ଆତେନ୍ ସାପା ବିତ୍ରେ ଜତନ୍ ନେଡ଼ିଂକେ, ବାରି ମେଇଂନେ ଏତେ ଜିତ ସ୍ଲାଃ ବୁନ୍ନେ ରସ୍ ତିଂକେ । ୧୮ ତେସା ପେ ଚିନା ଆଡ଼ିଙ୍ଗ୍‌ବକ୍ଲେ କେନ୍ଦାଇଂକେ ସରା ତାଗ୍‌ରେ ଆବାବେଗ୍‌ପା । ପେ ମେଁସା ଗର୍ବ ପେଡ଼ିଙ୍ଗ୍‌ଏ ? ପେ ତ ମୁଇଙ୍ଗ୍ କେନ୍ଦା, ସ୍ଲାନେ ଚେରକେ ପେ ଜତନ୍ ତିଙ୍ଗ୍‌ପେଡ଼ିଙ୍ଗ୍‌କେ ଶ୍ଟୁ ଉଲ୍‌ଟା ଚେର୍ ଆପେକେ ଗାଗ୍‌ଡ଼େ ଆଡ଼ିଙ୍ଗ୍‌ଡ଼ିଙ୍ଗ୍‌କେ ।

୧୯ ପେ ବାସଙ୍ଗ୍ ପେୟାଏ, “ଅଃଆଁ, ମାତର ଆନେଙ୍ଗ୍ ଜାଗା ବିନ୍‌ସା ତ ଆତେନ୍ କେନ୍ଦାଇଂକେ ଚିନା ଆଡ଼ିଙ୍ଗ୍‌ବଗେ !” ୨୦ ଆତେନ୍ ସତ୍ । ମେଇଂ ବିସ୍‌ବାସ୍ ଆଡ଼ିଙ୍ଗ୍‌କେସା ଚିନା ତିଙ୍ଗ୍‌ଆର୍‌କେ ପେ ମାତର ବିସ୍‌ବାସ୍‌ରେ ଆତେନ୍ ଜାଗା ଅଦିକାର୍ ତିଙ୍ଗ୍‌ପେବକେ । ମାତର ଗର୍ବ ମାଡ଼ିଙ୍ଗ୍‌ରେ ବୁଟ୍‌ପା । ୨୧ ଜଦି ସ୍ଲାନେ କେନ୍ଦା ରକମ୍ ଜିହୁଦି ରେମୁଆଁଇଂକେ ଇସ୍‌ପର୍ ଡ଼ଣ୍ଡୁ ମାବିରେ ଆନ୍ତାର୍ ଆବିକେ ଶ୍ଟୁ ଆପେକେ ମେଃନେ ମେଁ ଆନ୍ତାର୍‌ବିଏ ? ୨୨ ଆକ୍‌ଅରିଆ କିକେ କେଲାପା ଇସ୍‌ପର୍ ତିରକମ୍ ଲିବିସଃ ବାରି ତାର୍ ତିଗ୍ । ଜାଣ୍ଡେଇଂନେ ମେଁବାନ୍ ସୁଲ୍ ଝେଲେ ଆକେ ମେଇଂନେ ଆଡ଼ାଡ଼ା ମେଁ ସମାନ୍; ମାତର ପେ ଆଡ଼ାଡ଼ା ମେଁ ଦୟା ଉଡ଼ିଦିନା ଜାକ ପେ ମେଃନେ ଦୟାରେ ପେଲେଃ । ମେଃନେ ଦୟା ବାନ୍ ସୁ ପେଝେଗେ ତାଗଲା ପେ ତିଗ୍ ଜଡ଼କଡ଼ ତିଙ୍ଗ୍‌ପେଝେଏ । ୨୩ ଜଦି ଜିଉଦିଇଂ ମେଇଂନେ ବିସ୍‌ବାସ୍ ସୁ ଆଡ଼ିଙ୍ଗ୍‌ଆର୍‌କେ ତେଲା ମେଇଂ ନିଜର୍ ଜାଗାଅରିଆ ଆରେ ଆର୍‌ଏ । ଆକେନ୍ ଆଡ଼ିଙ୍ଗ୍‌ନେସା ଇସ୍‌ପର୍‌ନେ ରାଜି ତିଙ୍ଗ୍‌ଏ । ୨୪ ବିଜାତି ରେମୁଆଁଇଂ କଣ୍ଡା ସ୍ଲାନେ କେନ୍ଦା ରକମ୍ । ଅଃତେନ୍ ଚିନ୍‌ତତର୍ ତିଙ୍ଗ୍‌ରେ ଅସୁନ୍‌ର୍ ବାବ୍‌ରେ ତୁଗ୍‌ତିନେ ଜତନ୍‌ରେ ଲେଃଃକ୍ଲେ ଜିତ ସ୍ଲା ଏତେ ଆଃମିସୁ ବକେ । ଜିଉଦି ଜାତି ବଗିଟାନେ ଜତନ୍‌ରେ ଲେଃଃକ୍ଲେ ଜିତ ସ୍ଲା ରକମ୍ । ଆକେନ୍ ସ୍ଲାନେ ଚିନ୍ କେନ୍ଦାଇଂକେ ବାର୍‌ମୁଇଂତର୍ ସ୍ଲା ଏତେ ଆକ୍‌ଡ଼େ ନ୍‌ସା ଇସ୍‌ପର୍ ବାନ୍ ସଅଜ୍ ।

ସାପାରେ ଆଡ଼ାଡ଼ା ଇସ୍‌ପର୍‌ନେ ଦୟା

୨୫ ଅ ତନା ବୟାଁଇଂ ଆକେନ୍ ବିସୟରେ ମୁଇଂ ବୁଡ଼ିକ୍ଲେ ସତ୍ ବାସକ୍ଷିଂକେ । ଆତାନ୍ ଅଁଲା ପେ ନିଜେକେ ବାରି ଜାନି ତାଗ୍‌ତେ ବାବେ ପେୟା ଶୁ । ଇସ୍ରାଏଲ୍ ରେମୁଆଁଇଂନେ ଅମାନି କାଲାଆଃ ନ୍‌ସା ଆଲେଃ ଶୁ । ବିଜାତି ରେମୁଆଁଇଂ ସାପାରେ ଇସପର୍ ତାଗ୍‌ରା ପାକ୍ ଜାକ ମେଇଂ ଦେଡ଼ରକମ୍ ଲେଃଆର୍‌ଏ । ୨୬ ତେନ୍ ଇଡ଼ିକ୍ ଇସ୍ରାଏଲ୍ ରେମୁଆଁଇଂ ସାପାରେ ଆକେନ୍ ସାସ୍‌ରନେ ଇସାବ୍‌ରେ ରକ୍ୟା ବାଆର୍‌ଏ ।

“ତ୍ରାଣକର୍ତ୍ତା ସିୟନ ଆଡ଼ା ପାକ୍‌ଏ;

ଜାକୁବ୍ କୁଲ୍ ବଂସଇଂନେବାନ୍ ସାପା ଅଦର୍ମ୍ ସୁଲ ଆଡ଼ିକ୍‌ଏ ।

୨୬ ମେଇଂନେ ଅଦର୍ମ୍ ସୁ ଆଡ଼ିକ୍‌ନେ ବେଲା

ମେଇଂ ଏତେ ଆକେନ୍ ନିଅମ୍ ନେଡ଼ିକ୍‌ଏ ।”

୨୮ ପେନେ ନିମାଣ୍ଡା ନ୍‌ସା ଜିଉଦିଇଂ ମାପରୁ ସାମୁଆଁକେ ଆନ୍ତାର୍‌ତେ ଇସପର୍‌ନେ ସତ୍ ତିକ୍‌ଲେଃଆର୍‌କେ । ମାତର୍ ଇସପର୍‌ନେ ବାନ୍ ନ୍‌ସିକ୍‌ବାନ୍ ବାରି ମେଇଂନେ ଜ୍ରାଞ୍ଜାଇଂସା ମେଇଂ ଇସପର୍‌ନେ ସାକ୍ ତିକ୍‌ତେ ଲେଃଆର୍‌କେ । ୨୯ ଇସପର୍ ଜାଣ୍ଡେକେ ସିତେ ଆସିର୍‌ବାଦ୍ ତିକ୍‌ଏ ମେଇଂ ନ୍‌ସା ମେଃନେ ଦାନ୍ ବିନ୍‌ସା ଅଃନା ପର୍‌ଗୁଞ୍ଜା ଆଡ଼ିକ୍ ଶୁ । ୩୦ ଅଣଜିଉଦି ରେମୁଆଁଇଂ ସିସେ ଇସପର୍ ଆଡ଼ାତ୍ରା ଅମାନି ଲେଃଆର୍‌ଗେ; ମାତର୍ ଏକେ ଜିଉଦିଇଂନେ ଅମାନି ତିକ୍‌ଲେଃଗେସା ଅଣଜିଉଦି ରେମୁଆଁଇଂ ଇସପର୍‌ନେ ଦୟା ବାଲେଃଆର୍‌କେ । ୩୧ ମେଃତାଗ୍‌ଲା ଅଣଜିଉଦି ରେମୁଆଁଇଂ ତିଗ୍ ଦୟା ବାଲେଃଆର୍‌କେ ଜିଉଦିଇଂ ଏକେ ଇସପର୍‌ନେବାନ୍ ସୁ ଝେଲେଃଲା ତିଗ୍ ମେଁସୁଆ ମେଇଂ ଆଣ୍ଡେ ପାକ୍‌ତେ ଦୟା ବାଆର୍‌ଏ । ୩୨ ଇସପର୍ ସାପାରେକେ ଅମାନି ତିକ୍‌ନେସା ଆନ୍ତାର୍ ବିବକେ; ସାରାସାରି ସାପାରେ ଇସପର୍‌ନେ ଦୟାନେ ଉଂତେ ତିକ୍‌ପେୟାଏ ।

ଇସପର୍‌ନେ ଦୟା

୩୩ ଇସପର୍‌ନେ ସବା ଉଡ଼ି ଜବର୍ । ମେଁନେ ଜାନ ବାରି ବୁଦି ଉଡ଼ି ଗୁଲେ । ମେଁନେ ନିସ୍ତତି ତିକ୍‌କ୍ଲେ ଜିନିସ୍ ଜା ଆଦ୍‌ଗିଏ ? ଜା ମେଁନେ ଚାଲିଚଲନ୍ ମ୍ୟା ଯାଏ ? ୩୪ ସାସ୍‌ର ଇସାବ୍‌ରେ:

“ଜା ମାପରୁନେ ମନ୍ ଚିନ୍ତା ମ୍ୟାଃ ଯାଏ ?

ଜା ଆମେକେ ଆଦେସ୍ ବିଃନ୍‌ସାଃ ଯାଏ ?

୩୫ ଜା ମେଠନେ ଇସ୍ପରକେ ଦେକ୍‌ରକମ୍ ମେଠଡିଗ୍ ବିଠବକେ,
ଜାନେ ଦାନ୍ ବାଦୁଲ୍ ଦାନ୍ ଇସ୍ପରକେ ବିଠନେ ଡିଙ୍ଗ୍‌ଏ ?”

୩୬ ☆ସାପା ବିସୟ୍ ଇସ୍ପରନେ ବାନ୍ ଡିଆର୍ ଡିଙ୍ଗ୍‌ଲେଠକେ; ସାପା
ବିସୟ୍ ଆରେନ୍; ମେଁ ଆଡ୍‌ଲା ବାନ୍ ବାରି ମେଁଡାଗ୍‌ରା ଲେଠକେ । ଜୁଗ୍
ଜୁଗ୍ ଇସ୍ପରନେ ମଇମା ଡିଙ୍ଗ୍‌ଲେ ।

୧୨

ଇସ୍ପରନେ ସେବାନ୍ନିଆ ଜିବନ୍

୧ ତେସା ବୟ୍‌ଇଂ, ନେ ଆଡାଡା ଇସ୍ପରନେ ମ୍ନା ଦୟା ନସା
ଆପେକେ ନେଙ୍ଗ୍ ସାରଲ ଶ୍ରିଂକେ, ଇସ୍ପର ଡାଗରା ନିଜର୍ ପବିତ୍ର
ଜିବନ୍‌କେ ଅପେଠ ବିଠପା । ମେଁନେ ସେବାନ୍ନିଆ ନିଜର୍ ଜିବନ୍ ବିଚେ
ମେଁନେ ଦିଆନ୍‌ରେ ଲାଲାପା । ଆକେନ୍ ଇସ୍ପରନେ ସଡ୍ ପାରଡନା
। ୨ ଆକେନ୍ ମଞ୍ଚପୁରନେ ମାପେନେ ତୁଡୁ ଇସାବ୍‌ରେ ବେବଆର୍
ଆଡିଙ୍ଗ୍‌ଗେପା । ଇସ୍ପର ପେନେ ମନ୍ ବାବ୍‌ନାକେ ପୁରାପୁରି
ଆବଲ୍‌ଏ ବାରି ପେନେ ଗର୍‌ବେନେ ମନ୍ ପୁରାପୁରି ବଦ୍‌ଲେଲେ
। ତେଲା ଇସ୍ପରନେ ଇକ୍‌ଟା ମେଠନେ ମେଁ ସାମୁଆନ୍ନିଆ ମେଠନେ
ସାପା ସାମୁଆଁ ସଡ୍ ମନ୍‌କେ ବାକେ ରକମ୍ ବାରି ନିମାଣ୍ଡା ଆକେନ୍ ପେ
ମ୍ୟା ପେୟାଏ ।

୩ ଇସ୍ପର ଆନେଙ୍ଗ୍ ବିନ୍ ବାବ୍‌ରେ ଅନୁଗ୍ରଅ ବିବକେସା ଆପେ
ସାପାରେକେ ନେଙ୍ଗ୍ ବାସଙ୍ଗ୍‌ଶ୍ରିଂ ଜା ଡିଗ୍ ନିଜେନେ ପାଟ୍ ଲଠକ୍‌ବାନ୍
ନିଜକେ ଜାବର୍ ଗର୍ ଆଡିଙ୍ଗ୍‌ପା । ଇସ୍ପର ଆପେକେ ବିବକ୍‌କ୍
ବିସ୍‌ବାସ୍ ଉଡିଲେଠକେ ନିଜେ ତ୍ରି ଜଡେତେ ସାଦୁ ଡିଙ୍ଗ୍‌ଚେ ନିଜେନେ
ବିସୟ୍‌ରେ ବିଚାର୍ ଡିଙ୍ଗ୍‌ପା । ୪ ☆ନେ ଗାଗଡେଅରିଆ ଗୁଲେ
ଅ ତ୍ରି ଆଣ୍ଡେଙ୍ଗ୍ ଲେଠକେ ବାରି ସାପାରେନେ କାମ୍ ବିନ୍ ବିନ୍
। ୫ ଦେଡ୍‌ରକମ୍ ନେ ଗୁଲେ ମାଡର୍ ସାପାରେ କିସ୍‌ଟ ଏତେ
ମିସୁ ନେଲେଠଗେସା ନେ ମୁଇଂ ଗାଗଡେ ବାରି ଗାଗଡେନେ ଅ
ତ୍ରି ଆଣ୍ଡେଙ୍ଗ୍ ରକମ୍ ନେ ସାପାରେ ଏତେ କୁଡେ ନେଲେଠକେ ।
୬ ☆ତେସା ନେ ଆଡାଡା ଇସ୍ପରନେ ଦୟା ଦରମ୍‌ରେ ମେଁବାନ୍

☆ ୧୧:୩୬ ୧୧:୩୬ ୧ କରିନ୍‌ଡିୟ ୮:୭. ☆ ୧୨:୪ ୧୨:୪ ୧ କରିନ୍‌ଡିୟ ୧୨:୧୨.
☆ ୧୨:୭ ୧୨:୭ ୧ କରିନ୍‌ଡିୟ ୧୨:୪-୧୧.

ବାନେଲେଃକେ ବିନ୍‌ବିନ୍ ବପୁଇଁକେ ନେ ସଡ଼ ବାବରେ ବେବଆର୍ ତିଙ୍ଗ୍‌ନେ ଦରକାର । ନେ ଜଦି ଇସପରନେ ବ୍ଲାଲିର ବାଲିର ଅଲେଙ୍ଗ୍‌ନେସା ଇସପରବାନ୍ ପାଙ୍ଗ୍‌ଲେଃକେ ବପୁ ବାନେଲେଃକେ ନେ ବିସବାସନେ ଡାଟ୍ ଇସାବରେ ଆତେନ୍ କାମ୍ ଆତାନେ ଦରକାର ।^୭ ଜଦି ସେବା ତିଙ୍ଗ୍‌ନେସା ଆତେନ୍ ବପୁ ବାନେଲେଃକେ ନେ ସେବା ତିଙ୍ଗ୍‌ନେ ଦରକାର; ବୁଦି ବିନେସା ବପୁ ବାଲେଃଲ୍ଲା ବୁଦି ବିନେସା ଦରକାର ।^୮ ବିନ୍‌ରେକେ ଆନେଡ଼ିଆ ଆତିଙ୍ଗ୍‌ନେସା ବପୁ ବାଲେଃଲ୍ଲା ଆତେନ୍ ତିଙ୍ଗ୍‌ନେ ଦରକାର । ଦାନ୍ ବିନେସା ବପୁ ବାଲେଃଲ୍ଲା ତେନ୍ ରେମୁଆଁ ଉଦାର ବାବରେ ଦାନ୍ ତିଙ୍ଗ୍‌ଲେ । ବିନ୍‌ରେନେ କାମ୍‌ନେ କିକେ ଲେଃନେ ନସା ଅଦିକାର ବାଲେଃଲ୍ଲା ନିଜେ ସଲେଡେମୁଆଁ ଆତାରରେ ସ୍ଲେନେ ପଡ଼େଏ । ଦୟା ତିଙ୍ଗ୍‌ନେ ରେମୁଆଁ ସାରଦା ମନ୍‌ରେ ଦୟା ତିଙ୍ଗ୍‌ଲେ ।

^୯ ଆଲାଦ୍ ମନ୍ ବିଡ଼ରେ ତିଙ୍ଗ୍‌ନେ ଦରକାର । ଆଣ୍ଡିନେ ସାପା ସଡ଼ ଶୁ ଆତେନ୍ ଗୁରନା ତିଙ୍ଗ୍‌ପା ସାପା ସଡ଼ ବିସୟରେ ଦିଆନ୍ ବିଃପା ।^{୧୦} କିସଟ୍ ବିସବାସି ବୟା ରେମୁଆଁକେ ଜିବନ୍ ବିଚେ ବଲ୍ ବାପା ବାରି ମୁଇଁ ମାଡ଼ରେ ସନ୍‌ମାନ୍ ଆକେ ନସା ଇକ୍‌ଟା ତିଙ୍ଗ୍‌ପା ।^{୧୧} ମନ୍‌ଦିଆନ୍ ବିଚେ ମାପରୁ କାମ୍ ତିଙ୍ଗ୍‌ପା ଆମ୍‌ରେ ଡୁଆପା । ବକ୍‌ତି ବାବରେ ଉଦେନ୍‌ନିଆ ମାପରୁକେ ସେବା ତିଙ୍ଗ୍‌ପା ।^{୧୨} ଡାଟ୍ ଆସା ବଚେ ନେଡ଼ୁପାପା । ଦୁକ୍ ସୁକ୍ କେଲା ବରକସ୍ ତିଙ୍ଗ୍‌ପା । କାଲାଆଃ ପାରତନାନ୍ନିଆ କୁଡେଃରେ ଲାଲାପା ।^{୧୩} କିସଟ୍‌କେ ବିସବାସିକ୍‌ନେ ଅବାବ୍ ପୁରନ୍ ଆଃତିଙ୍ଗ୍‌ପା । କୁଲାରେକେ ସେବା ତିଙ୍ଗ୍‌ପା ।

^{୧୪} ✧ଆପେକେ ଜାଣ୍ଡେଇଁ ନିନ୍‌ ବିତିଙ୍ଗ୍‌କେ ମେଇଁ ଆଡ଼ଲା ଆସିର୍‌ବାଦ୍ ବାନ୍‌ସା ଇସପର ଡାଗ୍‌ରା ପାରତନା ତିଙ୍ଗ୍‌ପା । ଆମେଇଁକେ ଆସିର୍‌ବାଦ୍ ତିଙ୍ଗ୍‌ପା ଅବିସାପ୍ ଆବିଗ୍‌ପା ।^{୧୫} ଦୁକ୍‌ସୁକ୍ ରେମୁଆଁକେ ଏତେ ନେଡ଼ୁପାପା ଅଃଡ଼ିଂକେ ରେମୁଆଁକେ ଏତେ ଅଃପା ।^{୧୬} ସାପାରେକେ ସମାନ୍ ବାବରେ କେଲାପା । ଆଙ୍କାର୍ ଚିନ୍ତା ଆନ୍ତାରରେ ଦରମ୍ ବାବରେ ଡାଆଁ କାମ୍ ଆଣ୍ଡେଙ୍ଗ୍ ତିଗ୍ କାମ୍ ତିଙ୍ଗ୍‌ପା । ନିଜକେ ଜାନି ଡାଗ୍‌ରେ ମନେ ଆତିଙ୍ଗ୍‌ପା ।

✧ ୧୨:୧୪ ୧୨:୧୪ ମାତିଡ଼ ୫:୪୪; ଲୁକ୍ ୬:୨୮.

୧୭ ଜା ପେ ଆଡ଼ାଡ଼ା ଅନ୍ୟାୟ ଡିଙ୍ଗିଲା ପେ ମେଁ ଆଡ଼ାଡ଼ା ଅନ୍ୟାୟ ଆଡ଼ିଙ୍ଗେପା । ବିନ୍‌ରେନେ ଡାଗ୍ରା ମେଃନେ ସଡ଼ କାମ୍ ଆଡେନ୍ ଆଃ ଡିଙ୍ଗିପା । ୧୮ ସାପାରେ ଏଡେ ସାନ୍ତିରେ ବୁଆ ନ୍‌ସା ଜିଆ ଚେସ୍‌ଟା ଡିଙ୍ଗିପା । ୧୯ ଅ ବୟାଁ ଆରି ତନାଲ୍, ପେ ନିଜେ ଜା ବିରୁଦ୍‌ରେ ଡିଗ୍ ପ୍ରତିସଦ୍ ଡୁଙ୍ଗିଆଡ଼ଗେପା । ଇସ୍‌ପରନେ ଗିସେକ୍‌ ଗଡେଅ ଡିଙ୍ଗିନେସା ଆମେକେ ଆନ୍ତାର୍‌ବିପା । ଡାଗ୍ରାଲା ସାସ୍‌ରନ୍‌ନିଆ ଗୁଆରବକେ: “ମାପ୍‌ରୁ ବାସଙ୍‌ମ୍ୟାକେ ନେ ପ୍ରତିସଦ୍ ଡୁଙ୍ଗିନେଡ଼ଏ । ନେ ମେଁ ଡିଙ୍ଗିବକ୍‌ ସ୍‌ସ୍‌ବାନ୍ ଡ଼ଣ୍ଡୁ ନେବିଏ ।” ୨୦ ବାରି ସାସ୍‌ରନେ ଆଦେସ୍ ଇସାବରେ “ନାନେ ସଡୁ କେଡେସ ଲେଃଲା ଆମେକେ ଚଙ୍ଗି ନ୍‌ସା ବିଃପା; ଉଗ୍‌ଡିଆ ଡ଼ିଡିଙ୍ଗିଲା ଆଉଗ୍‌ବିପା । ଆଡ଼ବାନ୍ ମେଁ ଗିଆସଏ ।” ୨୧ ସଡ଼ ଶୁବୁନେବାନ୍ ଆଆରେଗେପା ସାପା ସଡ଼ ଶୁବୁନେ ବିସୟକେ ସଡ଼ କାମ୍ ଡିଙ୍ଗିରେ ଜିଡେପା ।

୧୩

ସାସନ୍ ଡିଙ୍ଗିନେ ଆଡ଼ାଡ଼ା ଅଦିକାର୍

୧ ସାସନ୍ ଡିଙ୍ଗିଣ୍ଡେନେ ସାମୁଆଁ ମାନେଃନେ ଅଦିକାର୍ ସାପାରେନେ ଲେଃକେ ମେଃଡାଗଲା ଇସ୍‌ପରନେ ଆଦେସ୍ ଶୁଲ୍ଲା ଜା ଡିଗ୍ ସାସନ୍ ଡିଙ୍ଗିନେ ଅଦିକାର୍ ଆବା ଶୁ ଅଦିକାର୍‌ରେ ଲେଃକେ ସାସନ୍ ଡିଙ୍ଗିଣ୍ଡେ ଇସ୍‌ପରବାନ୍ ପାଙ୍ଗିଲେଃକେ । ୨ ତେସା ଜା ଅଦିକାର୍ ବାଲାକେଏକ୍‌ ସାସନ୍ ଡିଙ୍ଗିଣ୍ଡେକେ ବିରଦ୍ ଡିଙ୍ଗିଏ ମେଁ ଇସ୍‌ପରବାନ୍ ଡିଙ୍ଗିଡିଙ୍ଗିକ୍‌ ସବାନ୍ନିଆ ବିରଦ୍ ଡିଙ୍ଗିଏ । ଜାଣ୍ଡେ ଆକେନ୍ ଡିଙ୍ଗିଏ ମେଁ ବିଚାରନ୍‌ନିଆ ତୁଆଁଏ । ୩ ଜାଣ୍ଡେଇଁ ସଡ଼କାମ୍ ଡିଂଆରଡିଂକେ ମେଇଁନେ ସାସନ୍ ଡିଙ୍ଗିଣ୍ଡେକେ ବୁଟ ନ୍‌ସା ମେଃଡ଼ିଗ୍ କାରନ୍ ଶୁ ବୁଟନେ ସାମୁଆଁ ଦଦ୍ୟା କାମ୍ ଡିଙ୍ଗିଣ୍ଡେନେ । ସାସନ୍ ଡିଙ୍ଗିଣ୍ଡେ ଆଡ଼ାଡ଼ା ଆପ୍‌ଟନେ ପେନେ ଇକ୍‌ଟା କି ? ତେଲା ସଡ଼କାମ୍ ଡିଙ୍ଗିପା ମେଁ ପେନି ପ୍ରସ୍‌ସା ଡିଙ୍ଗିଏ । ୪ ଆପେକେ ଆସିର୍ବାଦ୍ ବିଃନ୍‌ସା ମେଁ ଇସ୍‌ପରନେ ସେବକ୍ । ମାଡ଼ର ପେ ଜଦି ଦଦ୍ୟା କାମ୍ ପେଡିଙ୍ଗିଏ, ତେଲା ସାସନ୍ ଡିଙ୍ଗିଣ୍ଡେକେ ବୁଟପା, ଡାଗ୍ରାଲା ଆପେକେ ଡ଼ଣ୍ଡୁ ବିନେସା ପକ୍‌ରୁଡ଼ରେ ମେଁନେ ଅଦିକାର୍ ଲେଃକେ । ମେଁ ଇସ୍‌ପରବାନ୍ ବାଲେଃକେ ଚାକ୍‌ରିଆ । ଦଦ୍ୟା କାମ୍ ଡିଙ୍ଗିଣ୍ଡେକେ ସାସି ବିନେସା ମେଁ ଇସ୍‌ପରନେ ଆଦେସ୍

ପାଲେ ଡିଙ୍ଗକେ । * ତେସା ପେ ସାସନ୍ ଡିଙ୍ଗ୍‌ଶ୍ରେନେ ମାନେଝନେ ଦରକାର୍, ତାଗ୍‌ଲା ଇସ୍‌ପରନେ ତଣ୍ଡକେ ବୁଟତେ ଶ୍ଟୁମାତର୍ ନିଜର୍ ବୁଦିନେ ଦଂସ ଡିଙ୍ଗ୍‌ନେବାନ୍ ରକ୍ୟା ଆଡିଙ୍ଗ୍‌ନେସା ।

୬ ✽ଆତେନ୍‌ସା ପେ ସିସ୍ତୁ ଡିଗ୍ ବିପେବଏ ତାଗ୍‌ଲା ସାସନ୍ ଡିଙ୍ଗ୍‌ଶ୍ରେନେ କାମ୍ ପାଲନ୍ ଡିଙ୍ଗ୍‌ନେ ବେଲା ଇସ୍‌ପରନେ ସେବା ଡିଙ୍ଗ୍‌ଆରକେ । ୭ ତେସା ମେଇଂନେ ମେଝନେ ବାନେ ଲେଝକେ ଆତେନ୍ ବିଜଗ୍‌ଲ୍ଲାଗ୍‌ପା । ସିସ୍ତୁ ବୁାରି କଲନ୍ତର୍ ପେନେ ମେଝନେ ବିନେ ଆତେନ୍ ବିଝପା ବାରି ଆମେଇଂକେ ଜିଆଜିଆ ଆମ୍ବେଡିଆତେ ବାରି ସନ୍‌ମାନ୍ ଆଝକେପା ।

ନେଝ ନେଝ ବିତ୍ତେ ଆଲାଦ୍

୮ ପେପେ ବିଡ୍‌ରେ ଆଲାଦ୍ ତିଂନେ ଆନ୍ତାର୍‌ତେ ବାରି ମେଝଡିଗ୍ ବିସୟରେ ଆଜାକେ ତିଗ୍ ବାକି ଡିଙ୍ଗ୍‌ତେ ଆଲେଝଗେପା । ଜାଣ୍ଟେ ବିନ୍‌ରେକେ ଆଲାଦ୍ ତିଂଏ ମେଁ ନିୟମ୍ ପାଲେ ବକେ । ୯ “ଆଡ଼ାରେଗ୍ ଆଡିଙ୍ଗ୍‌ପା, ରେମୁଆଁ ଆବାଗୁଏଝପା, ଆତଙ୍ଗାଗ୍‌ପା, ବିନ୍‌ରେନେ ଜିନିସ୍‌କେ ଲଦ୍ ଆଡିଙ୍ଗ୍‌ଗେପା,” ବିନ୍ ମେଝମେଝନେ ସାପା ଆଦେସ୍ ମୁଇଂ ଆଦେସ୍‌ନିଆ ଲେଝକେ “ପେ ତାଗ୍‌ତା ତୁଆଣ୍ଟେକେ ଜିବନ୍ ରକମ୍ ଆଲାଦ୍ ତିଂପା ।” ୧୦ ପେ ମୁଇଂଜାକେ ଆଲାଦ୍ ପେଡିଙ୍ଗ୍‌ଲା ମେଁ ଆଡ଼ାତ୍ରା ଅଝନା ଅନ୍‌ୟାୟ୍ ଆଡିଙ୍ଗ୍‌ଗେପା । ତେସା ଆଲାଦ୍ ତିଂନେ ବାନ୍ ଆଝ ସାପା ନିୟମ୍ ପାଲନ୍ ଡିଙ୍ଗ୍‌ମ୍ୟାକେ ।

୧୧ ଏବେ ଆକେନ୍ ସାପା ଆପେକେ ଡିଲାଡିଗ୍ ଡିଙ୍ଗ୍‌ନେ ପଡେଏ ମେଝତାଗ୍‌ଲା ତୁଲେଗ୍‌କ୍ଲେବାନ୍ ତରକ୍ ଡିଙ୍ଗ୍‌ନେ ବେଲା ପିଙ୍ଗ୍‌ଚା ଲେଝକେ । ଉଦାର୍ ବାନେ ବେଲା ସିସେନେ ଇଡିଙ୍ଗ୍ ଏବେ ଜାବର୍ ତାଗ୍‌ରା ପାଙ୍ଗ୍‌ଲେଝକେ । ୧୨ ମିଡିଗ୍ ତେଡାକେ ସ୍ଥି ପିଙ୍ଗ୍‌ଚାକେ । ଏଲାପା ତାଙ୍ଗ୍‌କିଗ୍‌ନିଆନେ କାମ୍ ସାପା ଆନ୍ତାର୍‌ତେ ବାରି ତାରକିଗ୍‌ନିଆ ଜୁଦ୍ ଡିଙ୍ଗ୍‌ନେସା ସଝନେ ସାଜ ନେସଝପା । ୧୩ ଖାସାର୍‌ତେ ଖାଡେଙ୍ଗ୍ ନେଖାପା ସାଗ୍‌ରା ଉଗ୍‌ତେ ଲିଗିର୍ ମାଲେଝତେ ନିୟମ୍ ଅମାନ୍ୟ ଡିଙ୍ଗ୍‌ନେ ଦଦ୍ୟା ବେବଆର୍ କୁର୍ କିରମର ସାପାନ୍‌ନିଆ କୁଡେ ମାଲେଝତେ ଏଲାପା ତାରକିଗ୍‌ନିଆ ସ୍ଲେ ଡିଙ୍ଗ୍‌ଆରକ୍ଲେ ରେମୁଆଁଇଂନେ ସୁଗୁଆ ଡାଆଁରେ ରକମ୍ ବେବଆର୍

✽ ୧୩:୬ ୧୩:୭ ମାଡିଉ ୨୨:୨୧; ମାର୍କ ୧୨:୧୭; ଲୁକ୍ ୨୦:୨୫.

ନେଡ଼ିଙ୍ଗପା । ୧୪ ମାତର ମାପରୁ ଜିସୁ କିସଟନେ ରଚିତ୍ର ଇସାବରେ
 ବେବଆର ଡିଙ୍ଗପା ପାପ ବାରି ଗାଗଡ଼େନେ ଦଦ୍ୟା କାମ୍ନେ
 ଇକଟାକେ ପୁରନ୍ ଆଡ଼ିଙ୍ଗନେସା ମନ୍ ଅରିଆ ଆବାବେଗ୍‌ପା ।

୧୪

ବୟନେ ଦସ୍ ଆସାଗେପା

୧ ✨ଅସକତିଆ ବିସବାସକେ ଡିଗ୍ ସାପା ମାତର ମେଝନେ ନିଜର୍
 ଇକଟା ବିସୟରେ ଅଡ଼କା ଅଡ଼କି ଆଡ଼ିଙ୍ଗଗେପା । ୨ ମୁଇଂଜା
 ବିସବାସ ଡିଙ୍ଗଡ଼ିଙ୍ଗକେ ମେଁ ମେଝଡ଼ିଗ୍ କାଦି ଚଙ୍ଗ୍ ଯାଏ ବାରି ମୁଇଂଜା
 ଅସକତ୍ୟା ବିସବାସ ମାତର ଡାଲି କାଦି ଚଙ୍ଗ୍ । ୩ ମେଝଡ଼ିଗ୍ କାଦି
 ଚଙ୍ଗ୍‌ନେ ଜାନେ ଆପତି ଶୁ ମେଁ ଡାଲି ମମାଝକେ ଆଇଙ୍ଗ୍‌ଚେଲେ
 । ବାରି ଡାଲି ମମାଝ ଚଙ୍ଗ୍‌ଶ୍ଟେ ଚିଲି ଚଙ୍ଗ୍‌ଶ୍ଟେକେ ଦସି ଆସାଲେ
 । ଡାଗ୍‌ଲା ଇସପର ଆମେକେ ଡିଗ୍ ସା ବକେ । ୪ ବିନ୍‌ରେନେ
 ଗତିରେକେ ବିଚାର ଡିଙ୍ଗନେସା ନା ଜାଶ୍ଟେ ? ମେଁ ମେଁନେ କାମ୍‌ନିଆ
 ଉଡ଼ି ସ୍ତୁ ପୁରନ୍ ବା ଆରେ ଡିଙ୍ଗକେ, ଆଡେନ୍ ମେଝନେ ସାଉକାର୍
 ବିଚାର ଡିଙ୍ଗ୍ । ମେଁ ଡିଲାଡିଗ୍ ପୁରନ୍ ଡିଙ୍ଗ୍ ଡାଗ୍‌ଲା ମାପରୁ ମେଁ
 ଗତିରେକେ ଡିଙ୍ଗ୍‌ବକ୍ଳେ ସାପା କାମ୍ ଆଡ଼ିଙ୍ଗନେସା ରାଜି ।

୫ ମୁଇଂଜାନେ ମତରେ ବିନ୍ ଦିନାଇଂବାନ୍ ମୁଇଂ ନିମାଣ୍ଡା ଦିନା
 ଅଦିକ୍ ମୁଲ୍ୟବାନ୍ । ବାରି ମୁଇଂଜା ବାବେଏ ସାପା ଦିନା ସମାନ୍
 । ମାତର ଜା ଜାନେ ମତରେ ଜିଆ ଜିଆ ବିଚାର ଡିଙ୍ଗ୍‌ଚେ ନିଷ୍ପତି
 ଗ୍ରଅନ୍ ଡିଙ୍ଗ୍‌ଲେ । ୬ ଜାଶ୍ଟେ ମୁଇଂ ଦିନାକେ ଡାଆଁ ଡାଗ୍‌ଚେ ବାବେଏ
 କେବଲ୍ ମାପରୁନେ ଗୌରବ୍ ଡିଙ୍ଗନେସା ମେଁ ଆଡେନ୍ ଡିଙ୍ଗ୍‌ଲେ ।
 ଜାନେ ମେଝଡ଼ିଗ୍ କାଦି ଚଙ୍ଗ୍‌ନେସା ଆପତି ଶୁ ଇସପରକେ ଦନ୍‌ସବାଦ୍
 ବିଚେ ମେଁ ଆଡେନ୍ ଚଙ୍ଗ୍‌ଲେ; ଆଡ଼ବାନ୍ ଇସପର ଗୌରବ୍ ବାଏ ।
 ମୁଡ଼ି ରେମୁଆଁ ମେଝଡ଼ିଗ୍ କାଦି ଆଚଙ୍ଗ୍ ଶୁ ଚେମ୍ ଆକେନ୍ ଇସପରନେ
 ଆସିର୍ବାଦ୍ ନସା ଡିଙ୍ଗ୍‌ଲେ ବାରି ଆଡେନ୍‌ସା ଇସପରକେ ଦନ୍‌ସବାଦ୍
 ବିଲେ । ୭ ଜା ଡିଗ୍ ନିଜର୍ ଆଡ଼ଲା ଆବୁଆ ଶୁ ବୁାରି ନିଜର୍ ଆଡ଼ଲା
 ଆଗୁଏ ଶୁ । ୮ ମାପରୁନେ ଉଦେସ୍ ପୁରନ୍ ଡିଙ୍ଗନେସା ନେ ବୁଆ
 ନେଲେଝକେ ବାରି ନେଗୁଏଝଏ । ତେସା ବୁଆନେ ବାରି ଗୁଏନେ

✨ ୧୪:୧ ୧୪:୧ କଲସିୟ ୨:୧୭.

ନେ ମାପରୁନେ । ୯ ମେଠଡାଗଲା କିସଟ ଗୁଏଚେ ତଡ଼ିଆଲେଠକ୍ଲେ ବାନ୍ ମ୍ବାରନ୍ନୁଗ୍ ଜାକ ବୁଆନେ ବାରି ଗୁଗୁଏନେ ସାପାରେ ନ୍ସା ମେଁ ମାପରୁ ତିଙ୍ଗଟେ ଲେଠକେ । ୧୦ ☆ତେଲା ପେ ମେସା ବିନ୍ ବିସ୍ବାସି ରେମୁଆଁଇଂନେ ବିଚାର୍ ତିଙ୍ଗପେଡ଼ିଙ୍ଗ୍ ? ମେସା ନିଜର୍ ବୟାଁକେ ଗୁରନା ତିଙ୍ଗପେଡ଼ିଙ୍ଗ୍ ? ନେ ସାପାରେ ବିଚାର୍ ତିଙ୍ଗନେସା ଇସପର୍ ସାମ୍ବନାରେ ତୁଆଁ ପଡ଼େଏ । ୧୧ ମେଠଡାଗଲା ତିଡ଼ିରକମ୍ ସାସ୍ତ୍ରନ୍ନିଆ ଗୁଆରବକେ:

“ମାପରୁ ବାସଙ୍ଗତିଙ୍ଗକେ, ଡାଗଲା ନେ ଜିବନ୍ତ ଇସପର୍ ସାପାରେ ନେଙ୍ଗ୍ ସେଠମ୍ ବିଙ୍ଗିଆରଏ । ନେ ଇସପର୍ ଡାଗଟେ ସାପାରେ ବାସଙ୍ଗିଆରଏ ।”

୧୨ ନେ ସାପାରେ ଇସପର୍ ଡାଗରା ନିଜର୍ ନିଜର୍ନେ ଇସାବ୍ ବିନ୍ ପଡ଼େଏ ।

ବୟାଁକେ ନସ୍ତୁ ଆଡ଼ିଙ୍ଗନେସା ଆଚାଏଁଗେପା

୧୩ ତେସା ପେପେ ବିଡ଼ରେ ବିଚାର୍ ଆଡ଼ିଙ୍ଗନେପା । ଦେକ୍‌ରକମ୍ ତିଗ୍ ମେଠଡ଼ିଗ୍ ଆଡ଼ିଙ୍ଗନେପା ଜାବାନ୍ କି ପେ ବୟାଁ ଟେପ୍ପୁଠ ଲଠଚେ ପାପ୍ ତିଙ୍ଗଏ । ୧୪ ମାପରୁ ଜିସୁନେବାନ୍ ଆଦେସ୍ ବାଚେ ସଡ଼ ବାସଙ୍ଗିଙ୍ଗକେ ଜେ, ମେଠଡ଼ିଗ୍ କାଦି ଅସ୍ତୁତି ଶ୍ଟୁ । ମାତର୍ ଜା ତିଗ୍ ଜଦି ମେଠଡ଼ିଗ୍ କାଦିକେ ଆବୁଲେ ଡାଗଟେ ବିସ୍ବାସ୍ ତିଙ୍ଗଏ, ମେଁ ଆଡ଼ଲା ଆଡେନ୍ ଆବୁଲେ ତିଙ୍ଗଏ । ୧୫ ପେ ମେଠଡ଼ିଗ୍ କାଦି ଚଙ୍ଗନେ ବାନ୍ ଜଦି ମୁଇଁ ବୟାଁ ମନ୍ ବିଡ଼ରେ କସଟ ପେବିଏ, ତେଲା ମେଁ ଆଡ଼ାତ୍ରା ନାନେ ଆଲାଦ୍ ତିଂନେ ଆସୁଏ ନାଡ଼ିଙ୍ଗକେ । ମୁଡ଼ି ବୟାଁ ନ୍ସାଠ କିସଟ ଗୁଏକେ ମୁଇଁ କାଦି ନ୍ସା ମେଠନେ ନସ୍ତୁ ଆଡ଼ିଙ୍ଗପା । ୧୬ ପେ ଆଜାକେ ନିମାଣ୍ଡା ଡାଗଟେ ମନେ ବାବେ ପେଡ଼ିଙ୍ଗ୍ ଆଡ଼ବାନ୍ ପେନି ବଦଲାମ୍ ଆଡ଼ିଙ୍ଗଲେ । ୧୭ ଇସପର୍ନେ ରାଇଜନେ ନିମାଣ୍ଡା କାଦି ବା ଉଗ୍ନେ ଶ୍ଟୁ । ଆଡେନ୍ ପବିତ୍ର ଆମ୍ବାନେବାନ୍ ପାଙ୍ଗଲେଠକେ ଦାର୍ମିକ୍ ସାମୁଆଁ ସାନ୍ତି ବାରି ସାର୍ଦା । ୧୮ ଜା ଜଦି ଦେକ୍‌ରକମ୍ ବାବରେ କିସଟନେ ସେବା ତିଙ୍ଗଏ; ମେଁ ଇସପର୍କେ ସାର୍ଦା ଆଡ଼ିଙ୍ଗଏ ରେମୁଆଁଇଂନିଆ ତିଗ୍ ସନ୍ମାନ୍ ବାଏ ।

☆ ୧୪:୧୦ ୧୪:୧୦ ୨ କରନ୍ତିୟ ୫:୧୦.

୧୯ ତେସା ପାଙ୍ଗାଲାପା ନେନେ ବିତ୍ତରେ ସାନ୍ତ୍ରିରେ ଲେଖନ୍‌ସା ବାରି ସାଆସ୍ ଆମ୍‌ନାନ୍‌ସା ଆଣ୍ଡିନେ ସାପା ଦରକାର୍ ଲେଖକେ ଆଡ୍‌ଅରିଆ କିକେ ନେଖଲେଖପା । ^{୨୦} ସାମାନ୍ୟ କାଦି ସା ଇସପର୍ ମେଫେନେ କାମ୍ ଡିଙ୍ଗବକେ ଆଡେନ୍ ନସ୍ ଆରାଡିଙ୍ଗପା । ଡିଡିନେ କାଦି ଡିଙ୍ଗଲେ ଚଙ୍ଗ୍ ଡିଙ୍ଗ୍ । ମାତର୍ ମେଫେଡିଗ୍ କାଦି ଚଙ୍ଗ୍‌ନେ ବାନ୍ ପେ ବିନ୍‌ରେକେ କସ୍‌ଟ ଆରାଡିଙ୍ଗପା ତେଲା ଆଡେନ୍ କାଦି ଚଙ୍ଗ୍‌ନେ ବଲ୍ ଶ୍ଟୁ । ^{୨୧} ପେନେ ଚିଲି ଚଙ୍ଗ୍‌ନେ ସାଗ୍‌ରା ଉଗ୍‌ନେ ବିନ୍ ମେଫେଫେନେ ଏଡେ ଜଦି ପେବୟାକେ ଦୁର୍‌ବଲ୍ ଆଡିଙ୍ଗ୍ ତେଲା ଆଡେନ୍ ସାପାବାନ୍ ସୁଲ୍ ଲେଖନେ ପେନି ନିୟମ୍ । ^{୨୨} ଆକେନ୍ ବିସୟରେ ନାନେ ନିଜର୍ ବିସ୍‌ବାସ୍ ମୁଇଙ୍ଗ୍ ଇସପର୍ ମ୍ୟାଃଲେ । ମୁଡି ରେମୁଆଁ ମ୍‌ଶ୍ଟା ଡାଗ୍‌ତେ ମନେ ବାବେରେ ମେଫେଡିଗ୍ କାମ୍ ଡିଙ୍ଗ୍ ବାରି ଆଡେନ୍‌ସା ଇଡିଙ୍ଗ୍ ଆମେକେ ଦସି ଡିଙ୍ଗ୍‌ନେସା ଆପଡେ ଶ୍ଟୁ ମେଁ ଦନ୍ୟ । ^{୨୩} ମାତର୍ ମେଫେଡିଗ୍ କାଦି ଚଙ୍ଗ୍‌ନେ ବଲ୍ କି ଶ୍ଟୁ ମନ୍‌ଅରିଆ ଏଡ୍ ବିଚାର୍ ମାଡିଙ୍ଗ୍‌ରେ ଆଡେନ୍ ଚଙ୍ଗ୍‌ଏ; ଇସପର୍ ସାମ୍‌ନାରେ ମେଁ ଦସି ଡିଙ୍ଗ୍ ମେଫେଡାଗ୍‌ଲା ଆଡେନ୍ ମେଫେନେ ବିସ୍‌ବାସ୍ ରକମ୍ କାମ୍ ଶ୍ଟୁ ବିସ୍‌ବାସ୍ ଆଡାଡା ମେଫେନେ ଆଲେଖକେ ଆଡେନ୍ ପାପ୍ ।

୧୫

ବିନ୍‌ରେକେ ଆମ୍‌ନେଡିଆପା ନିଜ୍‌କେ ଶ୍ଟୁ

^୧ ଜାଣ୍ଡେଇଁ ବିସ୍‌ବାସ୍‌ରେ ଡାଟ୍, ମେଇଁ ଅଲ୍‌ସୁଆ ବିସ୍‌ବାସ୍ ବୟାନ୍‌ନେ ଦସ୍ ଦୁର୍‌ବଲ୍ ଆଡାଡା ଦୟା ଦରମ୍ ଡିଙ୍ଗ୍‌ପା । ଜାଣ୍ଡେ ଡିଗ୍ ନିଜ୍‌କେ ସାର୍‌ଦା ଆଡିଙ୍ଗ୍‌ନେସା ଇକ୍‌ଟା ଆଡିଙ୍ଗ୍‌ଲେ । ^୨ ବାରି ବିନ୍‌ରେନେ ନିମାଣ୍ଡା ନ୍‌ସା ବାରି ମେଇଁ‌ନେ ବିସ୍‌ବାସ୍‌କେ ଡାଟ୍ ଆଡିଙ୍ଗ୍‌ନେସା ଆମେଇଁ‌କେ ସାର୍‌ଦାରେ ବନେ ନେନେ କର୍ତ୍ତବ୍ୟ । ^୩ କିସ୍‌ଟ ନିଜେନେ ସୁକ୍ ନ୍‌ସା ମେଁ ଡିଙ୍ଗ୍‌ଆଡିଙ୍ଗ୍‌କେ ଶ୍ଟୁ ବାରି ସାସ୍‌ତ୍‌ରେ ନ୍‌ଲିର ଇସାବ୍‌ରେ: “ମେଇଁ ଆପେକେ ବିଡିଙ୍ଗ୍‌କ୍ଲେ ଅପମାନ୍ ନେଙ୍ଗ୍ ସାମାଲେ ଶ୍ଟିଙ୍ଗ୍ ।” ^୪ ସାସ୍‌ତ୍‌ରେ ସିକ୍ୟା ସାପା ନେନେ ଉପ୍‌କାର୍ ନ୍‌ସା ଲେଖକେ । ଆସା ବଟେ ଡାଟ୍ ଲେଖନ୍‌ସା ସାସ୍‌ତ୍‌ ଆନେକେ ସାହାସ୍ ବାରି ନିମାଣ୍ଡା ଲେଖନ୍‌ସା ବାସ୍‌ଜ୍‌ଡିଙ୍ଗ୍‌କେ । ^୫ କିସ୍‌ଟ ଜିସୁନେ ଆଦର୍ଶନେ ପ୍ଲା ଝେନେ ସାପାରେନେ ଆଡେନ୍ ରକମ୍ ମନ୍ ବାବ୍‌ନା

ଡିଙ୍ଗନେସା ସାହାସ୍ ବାରି କାଲାଆଃ କିଲିଗ୍ଡିଆ ଲେଃନସା ଇସ୍ପର୍ ଆପେକେ ବୁଦି ବିଲେ । ୭ ସାପାରେ କୁଡ଼େମାଡ଼େଚେ ମୁଇଁ ସର୍ରେ ମାପୁରୁ ଜିସୁ କିସ୍ ଥାବା ଇସ୍ପର୍ରେ ପ୍ରସଂସା ଡିଙ୍ଗପା ।

ଜିଉଦି ବାରି ଅଣଜିଉଦି ରେମୁଆଁଇଁ ଆଡ଼ଲା ନିମାଣ୍ଡାସାମୁଆଁ

୭ କିସ୍ ଡିଡିରକମ୍ ଆପେକେ ଗ୍ରଥନ୍ ଡିଙ୍ଗବକେ, ଇସ୍ପର୍ରେ ବପୁ ନସା ପେ ଦେଡ଼ରକମ୍ ନିଜେ ନିଜେକେ ଗ୍ରଥନ୍ ଡିଙ୍ଗପା । 「ମେଃଡାଗଲା କିସ୍ ଗକେ ସେବା ଡିଙ୍ଗନେ ଜିବନ୍ ଜିଉଦିଇଁନେ ନସା ଦରକାର ଲେଃଗେ । ଆମେଇଁକେ ମେଁ ଆକେନସା ଚାଏଡିଂଗେ ଜାଣ୍ଡେ ଇସ୍ପର୍ରେକେ ବିସ୍ବାସ୍ ଡିଙ୍ଗବ ଜିହୁଦି ଜାତିନେ ଛା ଞାଇଁକେ ବିବକ୍ସେ ମେଇଁନେ ପାର୍ମାନ ସାପା ମେଁ ପାଲେଏ । ୯ ଇସ୍ପର୍ରେ ଅନୁଗ୍ରଥ ନସା ବିଜାତି ରେମୁଆଁଇଁ ଡିଗ୍ ମେଇଁନେ ପ୍ରସଂସା ଡିଙ୍ଗପା । ଆକେନ୍ ବିସ୍ମୟରେ ସାସ୍ତ୍ରନ୍ନିଆ ଗୁଆରବକେ:

“ବିଜାତି ରେମୁଆଁଇଁନେ ବିଡ଼ରେ ପେନେ ପ୍ରସଂସା ଶ୍ରିଙ୍ଗ୍ସ
କାଲାଆଃ ପେନି ପୁଜାପାତି ଶ୍ରିଙ୍ଗ୍ସ ।”

୧୦ ବାରି ଡିଗ୍ ଗୁଆର ବକେ:

“ବିଜାତି ରେମୁଆଁଇଁ ଇସ୍ପର୍ରେ ରେମୁଆଁଇଁ ଏତେ ମ୍ଲେଡ଼୍ୟାଲେ ।”

୧୧ ବାରି ଡିଗ୍

“ସାପା ବିଜାତି ରେମୁଆଁଇଁ ମାପୁରୁନେ ପ୍ରସଂସା ଡିଙ୍ଗଆରଲେ ।”

୧୨ ବାରି ଯିଶାଇୟ ବାଲିରବକେ:

“ଜେଶିନେ ମୁଇଁ କୁଲ୍‌ବସ୍ ପାଙ୍ଗ୍ସ

ମେଁ ବିଜାତି ରେମୁଆଁଇଁକେ ସାସନ୍ ଡିଙ୍ଗ୍ସ ବାରି

ମେଇଁ ମେଁ ଡାଗରା ଆସା ବଆରଏ ।”

୧୩ ସାପା ଆସାନେ ମୁଲ୍, ଇସ୍ପର୍ ପେନେ ବିସ୍ବାସ୍ ନସା ଆପେକେ ସାରଦା ବାରି ସାନ୍ତିରେ ପୁରନ୍ ଆଡିଙ୍ଗଲେ । ପବିତ୍ର ଆମ୍ବାନେ ବପୁରେ ପେନେ ଆସା ମ୍ଲଲେ ।

ଅଣଜିଉଦିଇଁନେ ଡାଗ୍ରା ପାଉଲ୍‌ନେ ନିମାଣ୍ଡାସାମୁଆଁ

୧୪ ବୟାଁ ବାରି ତନାଇଁ ନେଙ୍ଗନେ ବିସ୍ବାସ୍ ପେ ସାପାରେ ସଡ଼ ଗୁନ୍ ବାରି ଜାନରେ ପୁରନ୍ ଡିଙ୍ଗପା ବାରି ପେପେ ବିଡ଼ରେ ସିକ୍ୟା ବିଃନସା ଡିଆର ଡିଙ୍ଗପା । ୧୫ ଏଲେଡିଗ୍ ନିଁ ଉଃଡ଼ିକ୍ଲିଗ୍ ସାମୁଆଁ

ମନେ ଲାଗନ୍‌ସା ଆନାକେ ଜେ ମାଲେ ସାଆସ୍ ତିଂରେ ଗୁଆର୍‌ମୁକେ । ଆକେନ୍ ଆତେନ୍ ଅନୁଗ୍ରଥ ନ୍‌ସା ତିଂକେ ଆଣ୍ଟିନେ ପରମେସର୍ ଆନିଂକେ ବିଃବକେ । ୧୭ ମେଃଡାଗଲା କିସ୍‌ଟ ଜିସୁନେ ଚାକର୍ ରକମ୍ ବିଜାତି ରେମୁଆଁଇଂ ନ୍‌ସା କାମ୍ ତିଙ୍‌ନେ ଇସ୍‌ପର୍ ଆନେଙ୍‌ ସୁଜଗ୍ ବିବ । ଇସ୍‌ପର୍‌ନେ ନିମାଣ୍ଟା କବର୍ ବାସଙ୍‌ ଅଲେଙ୍‌ନେସା ନେଙ୍‌ ମୁଇଂ ଦର୍ମ ଗୁରୁ ରକମ୍ କାମ୍ ତିଙ୍‌ଣ୍ଟିଂକେ । ବିଜାତି ରେମୁଆଁଇଂ ପବିତ୍ର ଆମ୍‌ନେ ବାନ୍ ଅପେଃକ୍‌ସ୍ ପୁରୁସ୍‌କାର ରକମ୍ ଇସ୍‌ପର୍ ଡାଗରା ବୁଜେ ଆରଲେଃ ଆକେନ୍ ନେଙ୍‌ନେ ଉଦେସ୍ । ୧୭ କିସ୍‌ଟ ଜିସୁ ଏତେ କୁଡ଼େମାଡ଼େତେ ଇସ୍‌ପର୍ ନ୍‌ସା ଆକେନ୍ ସେବା କାମ୍ ତିଙ୍‌ଣ୍ଟିଂକେସା ନେଙ୍‌ ଗର୍ବ ମନେ ତିଙ୍‌ଣ୍ଟିଙ୍‌କେ । ୧୮ ଅବିସ୍‌ବାସି ରେମୁଆଁଇଂକେ ଇସ୍‌ପର୍‌ନେ ଆଦେସ୍ ମାନେନ୍‌ସା କିସ୍‌ଟ ନେଙ୍‌ ବାନ୍ ମେଃନେ ସାଦେବକେ ମୁଇଂ ଆକେନ୍ ସାମୁଆଁ ବାସଙ୍‌ନେସା ନେଙ୍‌ ସାହାସ୍ ତିଙ୍‌କ୍‌ଲେଃକେ । ୧୯ ଆକେନ୍ ମେଁ ତିଙ୍‌ବକେ ବ୍ଲାଲିର୍ ବାରି କାମ୍ ଏତେ ବାରି ଇସ୍‌ପର୍‌ନେ ଆମ୍‌ନେ ବପୁରେ । ତେସା ନେଙ୍‌ ଯିରୁଶାଲାମ୍‌ବାନ୍ ଇଲିରିକମନ୍‌ନିଆ ଝେନେ ବେଲା ଗାଲି ମଜେ କିସ୍‌ଟନେ ନିମାଣ୍ଟା କବର୍ ମାବ୍‌ଟକୁଟା ବାସଙ୍‌ମୁକେ । ୨୦ ମୁଡ଼ି ଜାଗାଈନ୍‌ନିଆ ରେମୁଆଁ କିସ୍‌ଟନେ ବିସ୍‌ୟରେ ଆର୍ଥ ଆରକେ ଆଡ଼ଅରିଆ ମେଃନେ ବ୍ଲାଲିର୍ ବାସଙ୍‌ ଅଲେଙ୍‌ନେସା ନେଙ୍‌ନେ ଇକ୍‌ଟା ମେଃଡାଗଲା ବିନ୍‌ରେ ଲାଗ୍‌ବକ୍‌ସ୍ ପାଣ୍ଟୁନ୍ ଆଡ଼ାଡ଼ା ଡୁଆ ଆରେନେସା ନେଙ୍‌ ଚାଏଁ ନାତିଙ୍‌କେ ଶୁ ୨୧ ସାସ୍‌ରନିଆ ତିତିରକମ୍ ଗୁଆରବକେ:

“ଜାଣ୍ଟେଇଂ ମେଃନେ କବର୍ ଆବାକେ ମେଇଂ କେଆରୁଏ;
 ଜାଣ୍ଟେଇଂ ଆର୍ଥ ଆରକେ ମେଇଂ ଦ୍ରିଗ୍‌ଆରୁଏ ।”

ରମ୍ ଝେନ୍‌ସା ପାଉଲ୍‌ନେ ଇକ୍‌ଟା

୨୨ ✱ଗୁଲେତର୍ ପେ ଡାଗରା ପାଙ୍‌ନେସା ନେଙ୍‌ନେ ଇକ୍‌ଟା ଲେଃଗେ । ୨୩ ମାତର୍ ଆକେନ୍ ଏରିଆ ନେଙ୍‌ନେ କାମ୍ ଡା ଲେଃକେ ବାରି ନେଙ୍‌ନେ ଆସା ଆପେକେ କେନ୍‌ସା ନେଙ୍‌ନେ ଗୁଲେ ମୁଆଁନେ ଆସା ଏବେ ପୁରନ୍ ତିଙ୍‌ଏ । ୨୪ ସ୍ତେନ୍ ଝେନେ ଗାଲିଅରିଆ ଆପେକେ କେତେ ମାଙ୍‌ଏ ଡାଗ୍‌ତେ ବାବେଲ୍‌କେ । ପେ ଡାଗରା ଇକ୍‌ଡ଼ା

✱ ୧୫:୨୨ ୧୫:୨୨ ରମିୟ ୧:୧୩.

ବେଲା ରକମ୍ ଅଲେଙ୍ଗ୍‌ରେ ଇଡ଼ିଙ୍ଗ୍ ପେନି ସାଇଜ୍ୟରେ ସ୍ତେନ୍ ଆଣ୍ଡେ
 ଝିଗ୍‌ଏ । ୨୫ ✧ ଏକେ ଇସ୍‌ପରନେ ରେମୁଆଁଙ୍କଠାକେ ସେବା ତିଙ୍ଗ୍‌ନେସା
 ନେଙ୍ଗ୍ ଯିରୁସାଲାମ୍ ଝେନ୍‌ସା ତାରୁଲ୍ଲେ୪କେ । ୨୬ ଯିରୁସାଲାମ୍
 ଅରିଆ ଇସ୍‌ପରନେ ମୁଡ଼ି ରେମୁଆଁଙ୍କଠା ଅବାବ୍‌ରେ ଲେ୫ଆରକେ
 ମେଇଁ ନ୍‌ସା ଉଡ଼ିସୁଗୁଆ ତାରୁ ସାଇଜ୍ୟ ବେନ୍‌ସା ମାସିଦୋନିଆ
 ବାରି ଆଖାୟାନେ ମଣ୍ଡଲିଇଁ ଜନ୍‌ନା ତିଙ୍ଗ୍‌ବଆରକେ । ୨୭ ଆକେନ୍
 ମେଇଁନେ ନିଜର୍ ଇକ୍‌ଚାରେ ନିସ୍ତତି: ସତ୍ ଦେକ୍‌ରକମ୍ ତିଙ୍ଗ୍‌ନେ
 ମେଇଁନେ କାମ୍ । ଜିଉଦିଇଁ ନିଜର୍ ଆମିକ୍ ଆସିର୍ବାଦ୍‌ରେ ବିଜାତି
 ରେମୁଆଁଙ୍କଠାକେ ଆକୁଡେବଗ୍‌ସା ଜିଉଦିଇଁକେ ନିଜର୍ ଆତ୍ କ
 ଆସିର୍ବାଦ୍‌ରେ ଆକୁଡେରେ ଆମେଇଁକେ ସାଇଜ୍ୟ ତିଙ୍ଗ୍‌ନେ ବିଜାତି
 ରେମୁଆଁଙ୍କଠାକେ କାମ୍ । ୨୮ ଯିରୁସାଲାମ୍‌ନିଆ ଆତେନ୍ ତାରୁ ଅପେ୪
 ବିଚେ ନେଙ୍ଗ୍‌ନେ କାମ୍ ଶ୍ରୀ୪ତାକ୍ଲେ ଇଡ଼ିଙ୍ଗ୍ ନେଙ୍ଗ୍ ସ୍ତେନ୍ ଝେନ୍‌ସା
 ଡ୍ରାଏ ବାରି ଗାଲିବ ଆପେକେ କେଚେ ମାଙ୍ଗ୍‌ଏ । ୨୯ ନେଙ୍ଗ୍
 ମ୍ୟା୪କ୍ଲେ୪କେ କିସ୍‌ଟ ତାଗ୍ରାବାନ୍ ପୁରାପୁରି ବାବ୍‌ରେ ଆସିର୍ବାଦ୍
 ତୁଂଝେଚେ ନେଙ୍ଗ୍ ପେ ତାଗ୍ରା ମାଙ୍ଗ୍‌ଏ ।

୩୦ ଅ ବୟାଁ ତନାଇଁ ମାପରୁ ଜିସୁ କିସ୍‌ଟନେ ମ୍ନିରେ ବାରି
 ପବିତ୍ର ଆମ୍ ବବ୍‌କ୍ଲେ ଆଲାଦ୍ ଲେ୫ଗ୍‌ସା ନେଙ୍ଗ୍ ଆପେକେ ସାର୍‌ଲ
 ଶ୍ରିଙ୍ଗ୍‌କେ ନେଙ୍ଗ୍‌ସା ତାଟ୍ ବାବ୍‌ରେ ପାର୍‌ତନା ତିଙ୍ଗ୍‌ପା । ୩୧ ଅବିସ୍‌ବାସି
 ରେମୁଆଁଙ୍କଠାକେ ବାନ୍ ନେଙ୍ଗ୍ ତିଡ଼ିରକମ୍ ନିମାଣ୍ଡା କ୍ଲେ୪ଏ ବାରି
 ଯିରୁସାଲାମ୍‌ନିଆ ନେଙ୍ଗ୍‌ନେ କାମ୍ ତିଡ଼ିରକମ୍ କି ଆଡ୍‌ଅରିଆନେ
 ଇସ୍‌ପରନେ ରେମୁଆଁଙ୍କଠା ରାଜି ତିଙ୍ଗ୍‌ଆରଏ ଆତେନ୍‌ସା ପାର୍‌ତନା
 ତିଙ୍ଗ୍‌ଲାଲାପା । ୩୨ ଇସ୍‌ପରନେ ଇକ୍‌ଚା ତିଙ୍ଗ୍‌ଲା ନେଙ୍ଗ୍ ପେ ତାଗ୍ରା
 ସାର୍‌ଦାରେ ମାଙ୍ଗ୍‌ଏ ବାରି ପେ ଏତେ ଉଡ଼ିସି କଟେଚେ ନେଙ୍ଗ୍
 ମନ୍‌ଅରିଆ ମ୍ଲେଡ୍‌ମାଏ । ୩୩ ସାପାନେ ସାନ୍ତିଦାତା ଇସ୍‌ପର୍ ପେ ଏତେ
 ଲେ୫ଲେ । ଆମେନ୍ ।



ପାଉଲ୍‌ନେ ସାରାସାରି ସାର୍‌ଲ

✧ ୧୫:୨୫ ୧୫:୨୫ ୧ କରିନ୍‌ଡ଼ିୟ ୧୭:୧-୪.

^୧ କେଙ୍କେ ଅରିଆ ଲେଖକ୍ଲେ ମଣ୍ଡଲିନେ ମୁଇଁ ସେବାଡ଼ିଙ୍ଗ୍‌ଣ୍ଡେ ତନାଡ଼େ ଫିବେକକେ ଗୁଆରେ ଶ୍ରିଂକେ । ^୨ ମାପୁରୁ ମ୍ପିରେ ଆମେକେ ଗୁଅନ୍ ଡିଙ୍ଗ୍‌ରେ ଇସପରନେ ରେମୁଆଁ ସୁଗୁଆ ଆଚରନ୍ ଡିଙ୍ଗ୍‌ପା । ମେଇଁନେ ଦରକାର ଲେଖକ୍ଲେ ଇସାବ୍‌ରେ ସାଇଜ ବିଷପା । ନେଙ୍ଗ୍‌ନେ ବାରି ଗୁଲେରେନେ ମେଁ ମୁଇଁ ସାଇଜ ଡିଙ୍ଗ୍‌ଣ୍ଡେ ବନ୍ଦୁ ।

^୩ ✳କିସଟ ଜିସୁନେ ସେବାନ୍ନିଆ ନେଙ୍ଗ୍ ଏତେ କୁଡ଼େତେ କାମ୍ ତିଂମ୍ୟାକ୍ଲେ ପ୍ରିସ୍ତା ବାରି ଆକ୍ଲିଲାକେ ନେଙ୍ଗ୍‌ନେ ନମସ୍ତାର୍ ପେରାଃମ୍ୟାଃଏ । ^୪ ମେଇଁନେ ନେଙ୍ଗ୍‌ସା ନିଜର୍ ଜିବନ୍‌କେ ବିବଆରକେ । ମାତର୍ ନେଙ୍ଗ୍ ଆଃ ଶ୍ଟୁ ସାପା ବିଜାତି ମଣ୍ଡଲି ମେଁଡାଗରା ଲେଖଆରକେ । ^୫ ମେଇଁନେ ତୁଆ ଅରିଆ ମୁଇଁନ୍‌ଗୁ ରିସିଙ୍ଗ୍‌ରେ ପାରତନା ମଣ୍ଡଲିକେ ଡିଗ୍ ନେଙ୍ଗ୍‌ନେ ନମସ୍ତାର୍ ଆମ୍ୟାଣ୍ଡିଙ୍ଗ୍‌କେ । ନେଙ୍ଗ୍‌ନେ ନିଜର୍ କୁଟୁମ୍ ଏପାଇନେତକେ ନେଙ୍ଗ୍‌ନେ ସାର୍ଲ୍ ପେରାଃମ୍ୟାଃଏ । ଆସିଆ ପ୍ରଦେସ୍‌ନ୍ନିଆ ମେଁ ଡିଡିଙ୍ଗ୍‌ଡିଙ୍ଗ୍‌କେ ପରଡୁମ୍ କିସଟ ବିସ୍‌ବାସି । ^୬ ପେନେ ନିମାଣ୍ଡା ନସା ମାଲେ ସ୍ଲେ ଡିଙ୍ଗ୍‌ବକ୍ଲେ ମରିୟମ୍‌କେ ନେଙ୍ଗ୍‌ନେ ସାର୍ଲ୍ ଆଃମ୍ୟାବିପା । ^୭ ଆହୋନିକସ୍ ବାରି ଯୁନିୟାକେ ନେଙ୍ଗ୍‌ନେ ନମସ୍ତାର୍ । ଆକେନ୍ ମ୍ୟାୟା ଜିହୁଦି ନେଙ୍ଗ୍ ଏତେ କଏଦ୍ ତୁଆନ୍ନିଆ ଲେଖଆରଗେ । ନେଙ୍ଗ୍ ସିସେ ମେଇଁ କିସଟ ଦର୍ମ୍ ଗୁଅନ୍ ଡିଙ୍ଗ୍‌ବଗେ ବାରି ପ୍ରେରିଡ୍ ସିସ୍‌ଇଁନେ ବିଡ଼ରେ ମେଇଁ ଚିନାଣ୍ଡେ ।

^୮ ନେଙ୍ଗ୍ ଏତେ ମାପୁରୁନେ ସାର୍‌ଦା ବାଡିଙ୍ଗ୍‌କ୍ଲେ ନେଙ୍ଗ୍‌ନେ ନିଜର୍ ସାଙ୍ଗ୍ ଆମ୍ପିଲ୍‌ୟାତକେ ନେଙ୍ଗ୍‌ନେ ନମସ୍ତାର୍ । ^୯ କିସଟନେ ସେବାରେ ନେଙ୍ଗ୍ ଏତେ କୁଡ଼େତେ କାମ୍ ତିଂମ୍ୟାକ୍ଲେ ଉର୍ବାନ ବାରି ନେଙ୍ଗ୍‌ନେ ନିଜର୍ ସାଙ୍ଗ୍ ସ୍ତାଖୀୟାକେ ଡିଗ୍ ନେଙ୍ଗ୍‌ନେ ସାର୍ଲ୍ ଆମ୍ୟାଣ୍ଡିଙ୍ଗ୍‌କେ । ^{୧୦} କିସଟନେ ବିସ୍‌ବାସ୍ ସେବକ୍ ଆପେଲା ବାରି ଆରିସ୍ତୁଲନେ ତୁଆଣ୍ଡେନେ ସାପାରେକେ ନେଙ୍ଗ୍‌ନେ ସାମୁଆଁ ପେରାଃମ୍ୟାଃଏ । ^{୧୧} ନେଙ୍ଗ୍‌ନେ ନିଜର୍ ଜାତିନେ ହେରୋଦିୟନ୍ ବାରି ନାରସିସ୍‌ନେ ତୁଆଣ୍ଡେ ବିଡ଼େ ଜାଣ୍ଡେଃଇଁ ମାପୁରୁନେ ଆଲ ଲେଖଆରକେ, ଆଡେନ୍ କିସଟ ବୟାଁଇଁକେ ଡିଗ୍ ନେଙ୍ଗ୍ ସାର୍ଲ୍ ଶ୍ରିଂକେ ।

✳ ୧୭:୩ ୧୭:୩ ପ୍ରେରିଡ୍ ୧୮:୨.

୧୭ ମାପୁରୁନେ ସେବାରେ ଜିବନ୍ ବିଚେ ଲେଖକ୍ତେ ତ୍ରିଫେନା ବାରି ତ୍ରିଫୋସାକେ ବାରି ମାପୁରୁ ନସା ମାଲେ ସ୍ଲେବକ୍ତେ ନିଜର୍ ପର୍ଶ୍ ଶକେ ନେଙ୍ଗନେ ନମସ୍ନାର୍ । ୧୭୩ ମାପୁରୁନେ ମ୍ନା ସିସ୍ ରୁଫସ୍ ବାରି ନେୟାଙ୍ଗ୍ ରକମ୍ ମେଠନେ ଇୟାଙ୍ଗ୍ଡେକେ ତିଗ୍ ନେଙ୍ଗନେ ନମସ୍ନାର୍ । ୧୪ ଆସୁକ୍ତି_ତ, ଫ୍ଲେଗୋନ୍, ହର୍ମାସ୍, ପାତ୍ରବା, ହର୍ମାସ୍ ବାରି ମେଇଁ ଏତେ ଲେଖକ୍ତେକ୍ତେ ବୟାଁଇଁକେ ୧୫ ଫିଲଲୋଗ ବାରି ଯୁଲିୟା ନୀରୁସ୍ ବାରି ମେଠନେ ତନା ବାରି ଅଲୁମ୍ପା ବାରି ମେଇଁ ଏତେ ଲେଖକ୍ତେକ୍ତେ ସାପା ସାଦୁକେ ନେଙ୍ଗନେ ସାମୁଆଁ ପେରାଠମ୍ୟାଠଏ ।

୧୭ ନେନେ ବୟାଁ ରକମ୍ ବାବେଚେ ପବିତ୍ର ବାବ୍ରେ ବୈନ୍ତାଚେ ଆଲାଦ୍ ତିଂପା । କିସ୍ଚନେ ସାପା ମଣ୍ଡୁଲି ଆପେକେ ସାର୍ଲ୍ ଆଠମ୍ୟାଡିଂକେ ।

ସାରସାରି ଆଦେସ୍

୧୭ ବୟାଁ ବାରି ତନାଇଁ ସାର୍ଲ ଶ୍ରିଂକେ ପେ ବା ପେଲେଖକ୍ତେ ବୁଦିନେ ବିରଦ୍ ତିଙ୍ଗ୍ରେ ଜାଣ୍ଡେଇଁ ପେ ବିଡ୍ରେବନ୍ କିରମର ଆଡିଙ୍ଗ୍ନେସା ଚେସ୍ଚା ତିଙ୍ଗ୍ମ୍ୟାକେ ମେଇଁନେବନ୍ ସୁଲ ଲାଲାପା । ୧୮ ଜାଣ୍ଡେଇଁ ଦେକ୍‌ରକମ୍ କାମ୍‌ନିଆ ମିସୁଲେଆରକେ ମେଇଁ ମାପୁରୁ ଜିସୁ କିସ୍ଚନେ ସେବା ତିଙ୍ଗ୍ ଆଡିଙ୍ଗ୍ଆରକେ ଶ୍ରି । ମେଇଁ ମୁଇଁ ନିଜର୍ ଦଦ୍ୟା ବୁଦିକେ ନସ୍ ଆଡିଙ୍ଗ୍ନେସା ତିଆର୍ ଲେଖଆରଏ । ବାସାନେ ନାଲେ ସାମୁଆଁ ବାରି ଦଦ୍ୟା ସାମୁଆଁବନ୍ ମେଇଁ ଗରିବ୍ ରେମୁଆଁଇଁକେ ଜଟେ ମ୍ୟାଆରକେ । ୧୯ ମାପୁରୁ ସାମୁଆଁ ଆଡା ପେନି ବିସ୍‌ବାସ୍ ତିଙ୍ଗ୍ନେ ସାପାରେ ଅଁଲେଖଆରକେ ଆଡେନସା ନେଙ୍ଗ୍ ମ୍ଲେଡ୍ୟା ଶ୍ରିଂକେ । ନେଙ୍ଗ୍ ଚାଏଁଶ୍ରିଂକେ ପେ ସଡ୍ ବିସ୍‌ୟରେ ଜ୍ଞାନବନ୍ ତିଙ୍ଗ୍ପା ବାରି ସଡ୍‌ଶ୍ରିଂକେ ବିସ୍‌ୟରେ ଦିଆନ୍ ଆବିଗେପା । ୨୦ ତେଲା ସାନ୍ତି ବିଶ୍ରେ ଇସ୍‌ପର୍ ଦାପ୍ରେ ସୟ୍‌ତାନ୍‌କେ ପେ ଅ ବୁନ୍ଦେ ଆଡିଙ୍ଗ୍ଏ । ନେନେ ମାପୁରୁ ଜିସୁ କିସ୍ଚନେ ଅନୁଗ୍ରଥ ପେ ଆଡାଡା ଲେଖଲେ ।

୨୧ ନେଙ୍ଗ୍ ଏତେ କୁଡ୍ରେଚେ କାମ୍ ତିଂମ୍ୟାକ୍ତେ ତିମତି ବାରି ନେନେ ଜିହୁଦି ବୟାଁଇଁ ଲୁକିୟ ଯାସୋନ୍ ବାରି ସୋସିପାତ୍ର ଆପେକେ ସାର୍ଲ୍ ଆଠମ୍ୟାଡିଙ୍ଗ୍କେ ।

୨୨ ନେଙ୍କ୍ ତର୍ତ୍ତୀୟ ପାଉଲ୍ ଆହ୍ଲା ଆକେନ୍ ଉଲିଆକେ ଗୁଆରଣ୍ଡେ ମାପୁରୁ ନ୍ନିରେ ଆପେକେ ସାର୍ଲ୍ ଡିଙ୍ଗକେ ।

୨୩ ☆ ସାପା ମଣ୍ଡୁଲି ଆରି ଆନେଙ୍କ୍ ଜାଗା ବିଃକ୍ଲେଣ୍ଡେ ଗାୟ୍ ସ୍ ଜା ତୁଆ ଅରିଆ ପୁଜାପାତି ଡିଙ୍ଗ୍ ଗ୍ଲେ ରିସିଙ୍ଗ୍ ମ୍ୟାଆରକେ ବାରି ଆକେନ୍ ନଗରନେ ଆରାଇ ଏରାଷ୍ଟ୍ ବାରି ବୟ୍ କ୍ୱାର୍ଡ୍ ଡିଗ୍ ଆପେକେ ସାର୍ଲ୍ ଆଃମ୍ୟାଡିଙ୍ଗକେ । ୨୪ ମାପୁରୁ ଜିସୁ କିସ୍ଟନେ ଅନୁଗ୍ରଥ ପେ ସାପାରେ ଅରିଆ ଲେଃଲେ ।

ପାରତନା ବାରି ପ୍ରସଂସା ଏତେ ଉଲିଆନେ ସାରାସାରି

୨୫ ଏଲାପା ଇସ୍ପର୍ରେକେ ଗୌରବ୍ ନେଡିଙ୍ଗ୍ପା । ନେଙ୍କ୍ ବାସଙ୍ଗ୍ ଅଲେଙ୍କ୍ ମ୍ୟାଃକ୍ଲେ ଜିସୁ କିସ୍ଟନେ ବିସ୍ତୟରେ ନିମାଣ୍ଡା କବର୍ ବାରି ଜୁଗ୍ ଜୁଗ୍ ସାତେ ବୁଡିଲେଃକ୍ଲେ ଚିକିନିକି ସଡ୍ ଆଣ୍ଡେଙ୍ଗ୍ ପେନେ ବିସ୍ବାସ୍ କେ ଡାଟ୍ରେ ବନ୍ସା ଇସ୍ପର୍ରେନେ ଇକ୍ଟା । ୨୬ ଆଡେନ୍ ସାପା ସଡ୍ ସାପା ବାବବାଦିଇଂନେ ସାସ୍ତ୍ରନ୍ନିଆ ଗୁଆର୍ ବକେ ବାରି ଆଡେନ୍ ଏକେ ଅଃସେବାନ୍ ଲେଃକ୍ଲେ ମାପୁରୁ ଇସ୍ପର୍ରେନେ ବାନ୍ ସାପା ଜାତି ବିଡ୍ରେ ବାସଙ୍ଗ୍ ଅଲେଙ୍କ୍ ଡିଂଆରକେ । ଆକେନ୍ ବାନ୍ ସାପାରେ ବିସ୍ବାସ୍ ଡିଙ୍ଗ୍ରେ ଇସ୍ପର୍ରେନେ ସାମୁଆଁ ମାନେଚେ ଲେଃଆରଏ ।

୨୭ ମାପୁରୁ ଜିସୁ କିସ୍ଟନେ ବାନ୍ ସାପା ମ୍ୟାଃନେ ମୁଇଂ ମାତର୍ ଇସ୍ପର୍ ଜୁଗ୍ ଜୁଗ୍ ମଇମା ବାଲେଃ । ଆମେନ୍ ।

☆ ୧୭:୨୩ ୧୭:୨୩ ପ୍ରେରିଡ୍ ୧୯:୨୯; ୧ କରିନ୍ତିୟ ୧:୧୪; ୨ ତିମତି ୪:୨୦.

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c